



明代傳記叢刊·名人類②  
周駿富輯

# 皇明開國臣傳(一)

十三卷

(明)朱國楨輯

明文書局印行



皇明開國臣傳目錄

第一卷

中山徐武寧王

開平常忠武王

岐陽李武靖王

寧河鄒武順王

東甌湯襄武王

第二卷

黔寧沐昭靖王

宋國馮公

穎圖傅公

韓國李公

僉事王公

叅議權省事■公

第三卷

誠意伯劉公

學士宋文憲公

御史中丞章公

叅政陶公

叅政陶公

叅政魏公

翰林學士王忠文公

附吳雲

叅議王公

子彥達

附王名善

陳夢

副使經歷熊公

附黃政

第四卷

丹陽縣男孫公

南陽郡侯葉公

高陽郡侯許公

當塗縣男王公

縉雲郡伯胡公

東丘郡侯花公 妻邵氏

永義侯桑公

越國胡武莊公

泗國耿武莊公

魏國俞忠烈公 父走王第通源通淵

鄖國廖武閔公 弟德慶侯

蔡國張忠毅公 附袁義汪典祀

梁國趙武桓公 附程罔勝

濟陽侯丁公 附張志雄 高陽郡侯韓公 子觀

安國曹忠壯公 附周顯張耀

薛山孫忠愍侯

附孫虎

樂浪濮忠襄公

附指揮同知于光劉廣

第五卷

陝國郭宣武公

弟管國威襄公

蘄國康武襄公

江國吳襄烈公

弟海國襄毅公

長興侯耿公

芮國楊武信公

附丁玉

黔國吳威毅公

濟國丁公

鄆國韓公

沂國金公



榮陽侯鄭公

安遠侯蔡武襄公

東川侯胡公

淮安侯華公

杞國陳定襄公

永嘉侯朱公

永國薛桓襄公

定遠侯王公

滕國顧襄靖公

許國王襄簡公

汝南侯梅公

附周武

平涼侯費公

河南侯陸公

江夏侯周公

張公

都督僉事馬公

葉公

左都督寧公

都指揮使花公

第六卷

太子少保尚書唐公

起居注范公

太守李公

附異

附梁貞

侍讀學士潘公

子繡

太守王公

東閣大學士吳公

附朱廉徐原蔡約

文淵閣大學士朱文恪公

武英殿大學士吳公

尚書大學士劉公

翰林學士朱公

附張樞

蜀府長史陳南賓傳

附周式

尚書司業劉公

附李叔正梁宏陳鑾志

侍郎司業張公

祭酒宋文恪公

附余煊

吳頤

司業王公

第七卷

尚書學士承旨詹公

附吳琳

呂本

尚書祭酒樂公

尚書崔公

牛公

任公

李公

滕公

周公

端公

程公

錢公

任公

翟公

陳公

嚴公

四輔官安公

李公

王公

杜公

李公

龔公 趙公 何公 吳公

編修攝御史張公

附王璉

編修孫公

侍制趙公

博士錢公

叅政陳公

弘文館學士羅公

侍讀學士知州秦公

侍讀學士張公

郎中知州林公

侍講學士危公

第八卷

副都御史韓公

僉都御史嚴公

侍郎同知劉公

附茹連

參政彭公

附吳印

僉事劉公

御史司獄王公

附葉伯巨

鄭士利

郭濬

給事中知府方公

太守方公

胡公

王公

王公

高公

即公

賴公 誥公

參議王公

同知羅公

員外郎通判楊公

知州任公

知州羅公

子彭祖  
弟熙

彭祖孫瑛  
熙子克執

知州吳公

通判詹公

按察使隋公 陶公

侍郎閻公

王府副相顧公

同知榻公

知縣道公 周公 歐陽公

主簿徐公

典史青公

縣丞廖公

第九卷

大理卿太公

大理少卿陳公

監察都御史林公

一  
月  
注  
劉



待詔沈公

附陳玄

趙彥剛

助教貝公

學錄蕭公

說書王公

弟佑

子泰

知事王公

知縣俞公

附殷奎

修撰縣丞蔣公

訓導蕭公

訓導金公

附孫鉉

教諭趙公

胡公

李公

教授吳公 胡公 附李希明 徐公

徵士唐公 趙公 汪公 梁公 陳公 周公

劉公 陶公 宣公 俞公

耆儒陳公 黃公 吳公 王公 附葉子奇

第十卷

參軍王公

同知宋公

王府右相李公 子伯震

給事中王公

經歷孫公

林坡黎公

雪蓬先生黃公

按察使楊公

待郎高公

布政徐公

司丞張公

大使張公

稅使鄧公

更生子錢公

孫所

鐵笛道人楊公

附標號主

謙齋滕公

滄江散人徐公

雲林倪公

附張介福

醫隱王公

侄溪漁子

楮園王公

竹溪逸民陳公

林清

陳亮

葉顯

朱顯辰

樂澹先生唐公

子璧

金粟道人顧公

附沈萬三

旌士王公

鄉耆汪公

附夏宗顯

王公

揚公

第十一卷

東莞伯何公

知縣王公

司直郎汪公

縣主簿潘公

知府陳公

行省平章王公

行省左丞吳公

附名會萬中

副使吳公

知縣張公

太僕卿朱公

尚書薛公

知府呂公

指揮僉事郭公

尚書等官單公 世公 錢公 劉公 周公

郎中詹公

中書平章李公

指揮僉事左公

行省平章潘公 附李伯昇

卷十二

孝子列傳

朱公

錢公

孫公

祝公

瞿公

伍公

丘公

魯公

陳公

毛公

吳公

朱公

危公

姚公

鮑公

崔公

李公

劉公

陳公



楊公

顏公

包公

胡公

第十三卷

義門鄭氏 顧氏

義士何公 張公 楊公 王公

駢義肅公 遺民程公

樂氏兄弟

南湖處士鄭公


白鹿生楊公

米壺周公

樂善王公 鄭公

杜公父子

善士李公 王公



025-026

皇明開國臣傳卷之一

臣朱國禎輯

中山徐武寧王

王名達字天德濠州人世農業長身偉貌剛毅英武居  
平沉靜不自炫露凡歷履與兵法傳授之槩莫得而名  
至正癸巳高皇自濠還鄉募兵得七百餘人王來謁  
上與語奇之曰此大器也留置麾下已歸盡獻七百人  
于郭子興獨與王等二十四人南略定遠王時年二十  
二出入必從謀議無不合命爲鎮撫位諸將上從入  
濠州破元兵上以元政不綱羣雄並起大命應有所

與王禕于天期三月投附多寡爲驗未幾衆雲集日  
與王訓練精卒可數萬明年乙未取和陽孫德崖之亂  
上被留幾不免王挺身往代 上始得脫王亦脫歸從  
下僉通海等水寨與蠻子海牙相距走之渡江拔采石  
搗太平擒陳埜先釋之海牙阨江口別率兵取溧陽溧  
水斷其肘腋合擊大破之乘勝下集慶路 上患諸將  
擄掠切責欲加罪王率諸將叩頭謝乃赦之王所過秋  
毫無犯 上固知之特欲借王示標由是軍政益肅  
上念鎮江係京師後障不即取恐爲張士誠所先江路  
梗塞勢難展布又新定都未可輕動乃遣王速進兵攻

下之走苗帥完者僇平章定定號令嚴明城中宴然置  
淮興翼元帥府以王領之尋置江南行樞密院晉同僉  
院事士誠據常州誘我降將陳保二將窺金陵王敗之  
龍潭追至常州請益師得三萬人分軍薄城士誠第平  
章士德來援擒之大破其軍進圍常州未下賜書讓之  
各奪一官益以兵二萬而新附長興卒七千人叛降士  
誠王被圍牛塘常將軍兵至援出之乃復合圍占珍來  
援入城以糧少遁去遂下常州湯和守之取馬馱沙轉  
攻益國府破其將謝國璽守臣楊仲英等堅守 上自  
至乃降復徇宜興別道下常熟已復與邵榮圍宜興使

丁憲興塞太湖援道宜興下時 上以重兵定婺處將  
略有浙東諸郡而徐壽輝將趙普勝陷池州復進據樅  
楊水寨王率俞通海等擊破之普勝棄舟走又擒其部  
將洪鈞等并獲戰艦數百 上得顓意西向無反顧憂  
拜奉國上將軍同知樞密院從 上取無爲州王夜掩  
浮山寨破趙普勝別將胡總管于青山窮追至潛山復  
破斬郭叅政下潛山還鎮池州 上諜知陳友諒且犯  
池命常將軍以兵來援使使語王友諒旦夕至則重覆  
九華山下掩其後可盡取也王奉命友諒至悉銳攻城  
城中兵應之伏發大破其衆斬首萬餘級生獲三千人

常將軍曰此精兵不殺將爲害王不可以狀聞 上  
使者天下戰方始多殺何以招來者而常將軍先以衣  
阮過半 上不憚悉縱餘者始命王盡護諸將友諒旣  
陷太平盛兵壓建康 上設奇大破之王時將南門外  
兵功最多遂與馮國勝等追蹙聯捷復太平遂攻安慶  
尋從 上取江州友諒走追破之進營漢江之沌口拜  
中書省右丞洪都內變還軍討定之遂移兵攻廬州而  
友諒悉衆圍洪都 上自將赴之召王會兵友諒亦解  
圍出遇鄱陽湖王先進敗其前鋒撲火力戰以死自誓  
乃行脫時張士誠素與友諒約窺建康及是兵相持度



左即決

上深憂根本命王還守

上既破誅友諒歸

卽吳王位置中書左右相國時猶仍元故尚右王爲左相國復從平武昌還復諭王等以更涉世故則智明久歷患難則慮周今者紀綱法度粗若有緒顧其間或未盡善諸公宜執正論毋使有旣往之悔于是王與右相國李善長相與推明稱畫一焉取廬州徇湖湘未下州縣守將楊以德以夷陵降楊興以歸州降師至潭州上首易華來降進討周文貴于辰州克其城并克寶慶召還大會師取張士誠淮東郡邑先克泰州分兵取興化上命馮國勝濟師會宜興被寇王渡江救却之還

拔高郵取淮安復率舟師攻安豐克之游兵至潁州獲其糧艘拜大將軍取浙西圍湖州鏖戰皂林舊館得其將士六萬直抵蘇州圍之遣人請事 上曰將軍天性忠義軍中稟命此賢臣事君之道吾甚嘉之然將在外君不御自後軍中緩急便宜行吾不中制松江錢鶴臯作亂討平之蘇城堅圍之十月乃縛士誠以獻班師封信國公遂議北伐改官尚左相國爲丞相王爲石丞相拜征虜大將軍副以鄂國公甲士二十五萬大集諸將諸將軍非不善鬪然能持重師有紀律戰勝攻取得爲制之體者毋如大將軍宜顯中軍策厲羣帥運籌決

勝不可輕動又謂工闔外之寄汝實任之茲行進取必  
自山東始大將軍至淮沂州帥王宣與其子信請降復  
叛急攻下之僂宣與其黨十餘人進圍益都降其平章  
老保遂徇濰膠壽光臨淄等諸州邑因兵威諭降樂安  
淄川遂次濟南與副將軍兵會東昌所過無不降附

上卽大位立 皇太子兼太子少傅賜諸比之太公韜  
略因奏山東新附州縣及俘獲軍寔之數勒兵至陳橋  
規取汴梁守將李克夔震懼時左君弼竹昌皆依焉克  
夔謂二人數與南師角爲我率麾下應之君弼曰是未  
易當也有徐相國者善用兵我見之輒膽落何能戰克

葬乃驅兵民夜開門北走君弼與竹貞率所部迎降大軍入城遂由中潏進略雒陽元兵大潰降梁王阿魯溫河南平別將拔潼關守之遣使諭擴廓帖木兒遂狗虜州毛葫蘆諸寨收其兵擴廓報聘以白金文馬爲饋受馬反金送其使建康 上幸汴梁謁行在 上勞問宜以時進兵退復召問計對曰大兵平齊魯掃河南擴廓自保不暇何敢離其穴我西據潼關扼天下之脊而守之李思齊張思道魏奪遠竄仗 天威取元都當如拉朽 上大悅王拜命次河陰副將軍遇春來會仍移頓

陳

上畫陳圖以賜調諸將悉集王復入辭已分兵

遣取衛輝彰德廣平王駐臨清諸將畢會遣傅友德開  
道通步騎顧時浚開通舟師前下德州取長蘆滄州犄  
直沽據之作浮橋濟師元丞相也速不戰走抵河西務  
敗其平章俺克等進抵通州與遇春夾河而軍擒國公  
卜顏帖木兒等閏七月兩寅入通州其夜三鼓元君開  
建德門北遁踰五日進師填濠入陳兵登齊化門執其  
監國淮王帖木兒不花居守太尉左丞相十餘人戮之  
時洪武元年八月初三日也封府庫籍圖書金玉以兵  
千人守宮殿門使宦寺監護餼廩無缺市不易肆捷聞  
設六衛孫興祖守之詔進兵山西副將軍先下保定河

間真定右副將軍馮宗異已定懷慶度太行取澤潞王  
以大軍繼之薛顯傅友德爲前鋒略平定州而北時擴  
廓方自保安謀險居庸關撼故都王聞謂諸將曰擴廓  
兵遠出太原必虛北平孫都督自足抗禦我直走太原  
覆其巢所謂批亢擣虛也諸將皆曰善遂抵大原擴廓  
皇遽還軍來救鋒銳甚副將軍與王計以步兵未集虜  
蹶至可掩取會擴廓部將豁鼻馬約降乃分八道夜襲  
之擴廓方燃燭坐帳中使二童子挾書侍卒聞警蹶一  
足乘驛馬以十八人走大同豁鼻馬降得甲卒及馬各  
四萬遂下太原乘勝逼大同擴廓復走甘肅遣顯友德

以步騎激破賀宗哲于西州大將軍自霍下平陽河中  
府山西悉平遂渡河鄜城守將迎降克同州趨鹿臺張  
思道等聞兵至遁去渡涇渭至三陵坡父老千餘人出  
近王撫慰遣左丞周凱入城申約束明日開城門具威  
儀而進秦民大悅改奉元路爲西安府副將軍兵逼鳳  
翔李思齊走臨洮鳳翔下諸將議所攻皆以張思道才  
不如李思齊慶陽易于臨洮請先取慶陽王曰不然思  
道自守虜耳城險而兵精卒未易拔臨洮北界河湟西  
控羗夷地富而人衆以大兵蹙之思齊不走則降思齊  
降全陝皆我有矣遂度隴克秦州走其將呂德張義至

鞏昌總帥汪蓋真保平章梁子中商屬等降部將欲  
虜下州縣羊不供軍不許曰西北之民素以牧畜爲生  
今奉命弔伐本以安民若奪其所資彼將何以爲生遣  
爲者軍進兵臨洮李思齊降得其衆十餘萬進攻靖寧  
走呼杜伯卜哈度六盤山襲走豫王盡獲其部落輜  
重黃喻慶陽張思道懼留其弟良臣以兵守而從輕  
騎黃夏遇擴廓爲所執良臣聞之來納款遣石丞顯  
騎五千少卒六千生受之良臣自疑佯伏道左獻牛酒  
乘夜襲之顯被傷走王怒甚悉軍圍慶陽分布精騎略  
其四面拔兵路絕王進逼西門矢石雨下不爲動城中



中兵盡虜壯士摧敗之悉捕斬伏兵及請援者并採汲  
之人皆盡良臣懼登城請降不聽擴廓遣韓札兒來救  
擊走之圍益急其平章姚暉等開門納師良臣父子投  
于井出而斬之誅其餘黨陝西悉平 詔還京第功宴  
諸功臣以王爲首稱其克敵致勝振揚國威撫綏軍民  
得大將體 賜白金五百兩文幣五十表裏且入給封  
而會擴廓覘王還以十萬衆襲蘭州不克敗及設運鑿  
指揮使于光時副將軍卒塞外 上乃還王大將軍出  
以平章李文忠爲副將軍分兵王自潼關出西道檄之  
西取擴廓平章自居庸出東道由大漠取元嗣主王

至定西遇擴廓相持左軍胡德濟被劫而驚親進擊乃  
定明日戰大破之乃使鄧將軍因兵威脇降西番自攻  
興元取之李平章亦克應昌先後露布聞還京 上爲  
幸龍江勞之授王開國輔運推誠宣力武臣特進光祿  
大夫左柱國太傅中書右丞相參軍國事進封魏國公  
歲祿五千石予誥券免三死子免二死世襲賚文綺帛  
百疋是歲辭判省事右丞汪廣洋代明年復佩大將軍  
印鎮北平以便宜徙山後順寧等處軍民戶三萬五千  
八百口一十九萬七千餘籍爲軍者給月廩爲民者給  
田以耕凡置屯二百五十四定墾田一千三百四十三

頃十一月還京五年正月與曹宋二公召宴射賜交趾  
弓五十彤弓百因諭之曰古者諸侯有四夷功賜之弓  
矢王等謝知 上且再出兵甫旬日 上御武樓與計  
邊事曰擴廓游魂尚出沒奈何王遂請行出中路曹公  
以左副將軍出東路宋公以征西將軍出西路王抵山  
西境都督藍王爲前鋒敗其游騎于野馬川復敗擴廓  
于土剌河擴廓遁與賀宗哲合兵拒我師于嶺北驟戰  
不利死者萬餘人王因壘而收之故徹侯功臣無死者  
虜亦不敢入塞偏將軍湯和遇虜斷頭山亦敗曹公出  
塞至口溫力戰破虜而道遠乏水其後軍亦爲虜所掩

失侯曹良臣大校數人獨宋公至西涼乘勝窮追盡收其妻子以私匿馬馳故賞不行而上以王功大弗問也連歲出鎮北平練兵築城獲元故官屬及招降甚衆十四年正月故元平章乃兒不花出沒爲寇復拜王大將軍率諸將往討四月庚午出塞右副將軍傅友德至北黃河虜騎駭遁友德輕騎夜襲灰山克之盡獲其部落人畜西平侯沐英等略公主山其寨殲其戍卒獲全寧四部以歸復鎮北平歲行盡召還明年春復出每還休沐宴見歡飲有兄弟稱而王愈恭謹嘗從容謂徐兄方人未有寧止欲以舊邸與之王固辭一日與之邸醉

以酒覆被昇臥正寢醒而驚輒俯伏階下呼死罪上  
益悅命有司卽舊邸前治甲第表其坊曰大功又語王  
天下已定宜少休免朝請固謝不敢蓋知上憂勞天  
下非人臣自逸時也王長女得尚燕邸每出鎮見王  
必執臣禮不少間王禮重之胡惟庸爲左丞相儉而貪  
以王元勳貴重欲因以內好惡之不答則賂王閹者福  
壽使爲聞事覺王亦不問惟時時爲上言惟庸不可  
過委未幾果敗後在北平疽發背小愈上使其子允  
恭視之賜璽書召歸疾益甚上憂之爲延致名醫  
祀禱無不至十八年二月二十七日薨年五十四

奔赴慟哭，輟朝，愴然謂羣臣大將軍爲朕股肱，心膂，倂力行，障東征，西討，削平羣醜，克濟大勲，邇者太陰屢犯，上將萬里長城，一旦奪之，悲夫！盡心國家，爲社稷重者，寧復有大將軍，吾何以報？贈中山王諡武寧，追封三代，皆中山王御製神道碑，稱王言簡慮精，當提兵之時，令出不二，諸將敬若神明，所至拔城不屠，與人不戲，凡受命而出，及功成而旋，每不自矜，至于封姑蘇府，庫置胡宮，美人財寶無所取，婦女無所愛，忠志無疵，昭明乎日月，特親筆生前偉績，張我威武，混一區夏，奠安人神之勞，仍爲式勒石，自王薨，上所授大將軍印，獨宋公勝

涼公玉而穎川侯友德以雲南功進封公然上待之  
不如遠甚諸所餽勵惟稱中山王或中山開平並稱比  
及文皇尤數數歸重于王王用兵如神善拊循其下  
得壯士與謀輒不殺恩結爲我用所至民皆不擾歸朝  
單車垂索生平無聲酒伎媵之好過吳見一女以首飾  
爲定後竟不取反資而嫁之親禮儒生與談經術古事  
雍容如也始上郊祀後卽建功臣廟于雞籠山圖王  
戰功與太廟配享位皆第一至是乃塑像焉文皇卽  
位祭以一中牢其後因之初娶張氏卒上爲特繼謝  
氏生子女各四人曰輝祖曰添福曰增壽曰膺緒添福

蚤卒次二女代王安王妃

弇州外史曰 高皇帝之取天下計初下建康再與陳友諒角實在行而他十七皆大將軍力也大將軍之廉靖仁武沉幾策勝卽古名世之佐曷過焉勞而不伐夙夜匪懈以功名終蓋所以處君臣之際微矣元女侑配英主整其成師于十五年後而資靖難兩都二公光表後裔寵冠羣辟夫豈幸哉

朱史氏曰贊中山王者無如 太祖墓道數語跡其氣象沉雄宏遠驅縉囑虎意氣甚閒服事真龍初終不易王佐之優我明盛必有君有臣蓋皆所謂天縱又多能



此功名保全良自有本二子繼起各爲向背一瘠死一  
殊死風雲擾攘之際精采益新上公之壽南旣復續北  
又加親蓋元功大德古今無二報亦如之 文皇后與  
整成師之二云寧亦受授意想之可及乎

輝祖初名允恭長八尺五寸有材氣王數鎮北平留宿  
衛御家衆肅然理左府事月給俸二十石王薨踰歲襲  
公以皇太孫嫌名賜今名數往陝西北平山東河南練  
兵治餉詔仍于太倉支歲錢五千石還公用于官元將  
阿魯帖木兒隸燕府有異志時嘗者所發往調實合

捕送誅之還領中府二十九年學正吳啟請隗別國子  
師生以公知文同禮部翰林諸臣請監試文藝分別送  
吏部銓用 建文皇帝卽位用肺腑與曹公李景隆領  
朝班加太子太傅 燕王以屬尊見疑王次子高陽王  
高煦時留京竊輝祖善馬逃遽以聞 建文皇帝以是  
益親信之輝祖亦秉節無二當爲大將北征終以燕戚  
屬見左燕兵渡京口猶與開國公常昇等分道出戰甚  
力 王下京師獨守先廟弗迎以是羣臣論劾輝祖削  
爵勒歸私第終不屈下獄五年死或曰年四十餘萬曆  
中鉉忠廟祀居首永樂十八年 上念王功大且以

后思俾子欽襲爵盡還誥券歲祿賜田明年來朝乞守  
父墓不待命辭 上恨之復削爵徙鳳陽 仁宗卽位  
欽來朝詔復故爵尋卒子顯宗嗣嗣二十三年卒無子  
弟承宗嗣屢領軍府提督南京守備加太子太傅矜嚴  
有威練達政體嗣十六年卒子備嗣備字公輔掌南左  
府時南京特重守備位公上備奏乞正名分以定班次  
乃得改正尋管守備事有衛卒列肆取利奏聞且言侵  
及陵壩詔勘不盡實被劾亦會星變避位久之仍左府  
守備加太子太傅嗣凡五十二年卒年六十八贈太傅  
孫鵬舉嗣鵬舉之生也備夢宋岳鄂王入其室故以字

名號篤軒溫厚長者凡三領軍府守備加太子太保晚節嬖其妾奏立爲夫人欲以其子邦寧稱嫡會有所格不得立立其庶長子邦瑞自顯宗後世世奉祀 孝陵 鵬舉嗣公凡五十二年卒邦瑞嗣號少軒入朝嗣爵會穆宗立宿衛凡一年歸養母尋領守備及後府事戊子大水有假神語爲妖者推得其首置之法乃定尋卒年六十一維志嗣萬曆十一年賜第火所失 太祖手劄甚多詔南京工部重建卒弘基嗣 增壽機警勇敢善騎射好讀書以父任三遷至左都督從征胡寇有勞侍宿衛謹實寡過而歸心燕王 建文

皇帝一日謂增壽王得無以叔父懷異謀且反對曰

燕王先帝同氣且富貴已極何故反燕師起爲內調

時報虛實帝漸覺未及問而燕師入召詰不對手劍

斷其腰燕王入撫屍而哭既卽位追封武陽侯賜諡

忠愍尋進封定國公子景昌嗣歲祿二千五百石恭慎

好學延禮士大夫永樂四年掌左府代祀汴河董修鳳

陽宮殿洪熙元年掌行在後府高煦構逆宣宗親征

居守車駕再出巡邊皆扈從凡三十五年卒子顯忠

嗣十二年卒子永寧幼又七年嗣疾失心子半祿罷朝

請病二十六年卒妾丁氏縊于寢旌曰貞烈子光祚嗣

領軍府 武宗立舊恩進太傅奉迎 世宗加太師監

修 武睿二朝寶錄成加兼太子太師凡四十五年卒

謚榮僖子延德嗣領軍府四十餘年卒子文壁嗣文壁  
字國璽號西畝領軍府送潞王之國營壽宮加太保太  
傅甲午郊祀加太師壬寅卒謚康惠子延輔先卒孫希  
自嗣卒子允廣嗣加太師詔裁恩澤世封而魏定二公  
皆自以功弗奪有言定公功不稱者亦以中山後謂兩  
朝並重而恩數則定國常過之

齊緒初爲尚寶卿遷大同衛指揮僉事再遷都督僉事

太宗朝禪祖增壽皆前卒膺緒以元舅見尊

寵凡有封拜皆遣將命 仁宗立加其子景珩中軍都  
督僉事景璿金吾前衛指揮僉事諸孫爲指揮弗絕

開平常忠武王

王名遇春字伯仁懷遠人膽力絕人猿臂善射從羣盜  
劉聚聚好鹵掠心薄之乙未高皇駐兵和陽四月來  
歸未至困臥田間夢神人披金甲擁盾呼曰起起主君  
來忽寤見上騎從至卽迎拜請爲先鋒上曰爾饑  
故至此且有故主在吾安得奪之遇春頓首曰劉聚盜  
耳無能爲也倘得效犬馬力于知者雖死不憾上猶  
弗許曰能相從渡江取太平而後臣我未晚也旣渡抵  
采石元兵陣磯上其下巨舟如織莫敢先登遇春在傍  
上麾之應聲挺戈直前敵接其戈乘勢躍而上大呼力



戰始藉眾軍畢登乘之大敗其眾遂取太平授總管府  
先鋒進爲總管 上旣渡而諸將士家屬輜重皆在北  
滁和守備單弱元亨丕蠻子海牙擁舟師數萬襲據采  
石界其間音問中絕 上自率眾攻之使王多張疑兵  
分應旣合戰王別搦輕舸橫衝其舟分爲三縱擊大破  
之自是元帥扼江之勢衰而南北通矣從取集慶路再  
從徐大將軍取鎮江爲領軍先鋒大將軍攻常州降卒  
叛與張士誠合圍我于牛塘命王濟師以援表裏擊大  
破之擒其梟將進統軍大元帥丁酉克常州遷中翼大  
元帥尋從大將軍下寧國遂取池州戰功最進行中書

省都督馬步水軍大元帥從 上取婺州己亥進鎮國  
上將軍同僉書樞密院事守婺州攻下衢州降院判張  
斌進僉樞密院事移攻杭州庚子召還從大將軍破陳  
友諒兵于池州六月友諒入寇薄龍灣從 上設伏大  
破之 上追友諒王留守用法嚴軍民肅然辛丑陞行  
省叅知政事復從 上至安慶遂取江州還督龍灣之  
師李伯昇圍長興急 上駐兵九江聞報遽還京遣往  
發兵并遁俘斬後軍五千餘人壬寅羅友賢據神山寨  
遣使乞降嚴欵癸卯討斬之餘黨悉平 上所任將帥  
者三人曰平章邵榮右丞徐達與遇春榮最爲宿

舊且善戰忽有異謀就縛 上猶欲宥死王直前曰人

臣以反名寧可宥臣諠不與之共生 上乃飲禁酒流

涕而僂之以是心益愛重之士誠別將呂珍圍劉福通

于安豐 上救之師至而城已破福通死珍兵勢盛連

營水陸爲戰守備甚嚴時汪元帥爲前鋒拔其中壘而

據之會左右軍敗汪元帥兵欲出不得則殊死鬪不可

敗而王以精騎橫突其脅三合三勝衆軍乘之大捷進

圍安豐左君弼自廬州來救逆擊大破之其再從弟榮

榮 雄毅果敢年未冠遭元末亂從軍安豐癸卯渡江未

歸 上甚喜謂遇春曰此將門之將也甲辰從征武昌

克安陸襄陽吳元年從下蔡蘇有功陞捕獮會事及遇

春爲征虜副將軍策從行遇春薨于軍策薨喪運京師  
三年陞指揮同知仍世襲四年從永嘉侯朱亮祖伐蜀  
軍還受賞五年從出塞  
戰死事聞優加贈卹

來歸卽以謀之移薄廬州且下

而友諒傾國兵久圍南昌 上趣還合大兵往救遇于  
鄱陽湖之康郎山張定邊奮前犯 上舟適膠淺事且  
迫王從傍射定邊中之廖永忠以舟激水至 上舟脫  
而王舟膠力戰衝突得免明日復大戰乘風縱火焚其  
舟數十里湖水盡赤友諒弟友仁友貴等皆焚死連戰  
三日友諒之卒死者過半而我師亡失略相當收兵復  
戰旣出湖口諸將氣稍奪欲縱之去王獨不言 上悟  
死江上流別出奇兵絕餉道凡旬有五日夜諒窘以百

艘突圍 上躡之友諒中流矢死策勲以王及廖永忠

俞通海爲首復從 上討陳理于武昌圍甫合其驍將

張必先自岳來援王以五千騎逆擊破擒之理遂降進

中書平章政事尋從大將軍取廬州始別將兵略定臨

江之沙坑等寨遂定贛州進師南安遣幕官危止止字公定

江右人讀書好義元末高皇帝遣平章常遇春帥師

海江右止獻策得諫麾下時陳友諒賴將熊天瑞破韶

州遂兼統之引兵五萬攻廣州何真出禦輒爲所敗天

瑞以廣州唾手可得願流南下會大雨晝晦雷震其檣

舟不能進天瑞驚疑乃回師贛州乙巳秋九月止從遇

春圍師攻贛五閱月天瑞拔絕糧盡出降遂進師南安

遣止諭嶺招諭諸郡未下者於是韶州守將張乘葵南

雄守將孫榮和各自以所部降遇春令持檄三與守南雄

乘葵仍守韶州止勞來安集上民說南雄韶州諸路皆

感悅及平張王誠授烏程知縣

來降師還取安陸襄陽復從大將軍克秦州高郵徇淮  
安徐宿安豐悉下之大發兵下浙西討張士誠副大  
將軍師出太湖擒其萬戶尹義等直趣湖州之昆山與  
士誠兵水陸勁鬪敵大潰遂薄城其丞相士信來援築  
壘舊館厯我師之背王率奇兵由大全港入營于東阡  
反壓其背士信急抽精兵搏戰鼓將士立破之復破其  
棧兵赤龍船于烏鎮士信跳去舊館之卒降得六萬人  
湖州亦下進圍平江路數破其兵凡十月始克封鄂國  
公 上念功大欲尊貴之而李徐已爲左右相國不能  
從蓋相乃以王爲平章軍國重事祿秩與相國等議討

中原爲征虜副將軍與大將軍北伐 上諭諸將當百萬之衆摧鋒陷陣所嚮披靡無如副將軍遇春第虞輕戰夫遇春大將也而好與一小校爭能甚非吾所望王頓首謝 上卽皇帝位冊立 皇太子領太子少保進師與大將軍合略定山東破汴梁攻河南元兵五萬陣洛水北王單騎突之敵以二十騎攢槩來刺王發一矢殪當先者大呼而入麾下壯士從之盡殺其二十騎敵大潰河南諸郡邑悉平 上幸汴梁入謁勞之三日辭復往河南遂與大將軍略定河北進逼大都元主北走移兵徇大原擴廓還師察罕援鋒銳甚王曰我騎兵雖集

而步卒未至驟與之戰必多殺傷且未易決夜劫之可得志從之擴廓果大潰走改左副將軍已酉正月出塞攻大同竹真棄城走轉徇河東西渡關下奉元路遂與右副將軍馮宗異合逼鳳翔張良弼遁去平章李思齊走出塞其侄良臣率所部十餘萬衆迎降臨洮鳳翔皆平會元丞相也速寇通州至白河而遁上乃遣王以所部馳至北平部署將士李文忠副之謀元主在開平選步卒八萬騎一萬取道三河經鹿兒嶺抵會州敗其將江文清于錦川獲士馬千計次全寧與也速遇復敗之是次大興州分千騎爲八伏徼其歸大興之守兵走



伏燧大取之擒丞相脫火赤遂薄開平元主已前走追  
北數百里俘其宗王慶生以 三平章鼎住等斬之凡  
得將士萬人車萬輛馬三千匹牛五萬頭子女貨寶稱  
是師還次柳河川暴疾卒年僅四十 上爲震悼喪至  
龍江親出奠爲文祭叙其功甚詳大慟始 命有司制  
開大臣計用宋太宗爲韓王趙普舉哀禮擇葬地鍾山  
之陰明器芻靈凡九十皆官給宋濂爲神道碑文仍報  
大將軍會葬特贈翊運推誠宣德靖遠功臣開府儀同  
三司上柱國太保中書右丞相追封開平王諡忠武推  
恩王其三代皆 賜謚明年論功 賜金幣與大將軍

等予誥券配享廟庭與祀功臣廟皆次大將軍爲第二

六年廟中立府

卽鳳陽府

旣成復爲一祭之王善撫士卒與

同甘苦皆樂爲之用出則摧鋒退則殿後未嘗敗北謙  
慎不伐有功無過雖不習書史而用兵決勝與古人合  
年長于大將軍二歲數從征伐奉令進止赴期不敢爽  
毫髮大將軍敬信之終始無少間及秉鉞專征又能節  
制將校所向克捷自言能將十萬橫行天下人稱常十  
萬一時推名將者曰徐常徐常云而一上亦均重每舉  
以勵諸將帥必曰中山開平二王又時對諸將曰常將  
軍衣我一今行失隊列亡班寧不慘然子三曰茂曰昇

曰森茂冠冠封鄭國公歲祿三千石二十年從婦父宋國公勝北征納哈出無所任數恚爭相失會納哈出請降右副將軍藍玉往迎之至營讓酒與衣未決納哈出悔欲出茂直前搏之納哈出走茂抽刀砍傷就縛部卒驚潰宋公恚上書以爲茂激變詔械至京而茂亦列上宋公貪淫不法事上收宋公總兵印謫茂龍州土官趙貼堅妻王氏有二女茂納一爲妾貼堅死子宗壽襲職王猶持印與茂擅州事數陵宗壽會茂卒宗壽以計取印上其事王亦言宗壽從子不當襲上以遠人兩釋之或又言茂實不死匿他所上命督府榜諭送

茂至京復遣尚書唐鐸繼往宗壽不奉命乃以左都督楊文合韓觀兵討之已審知茂定死宗壽亦輸款乃止茂弟昇以二十二年襲開國公 皇太孫立加太子太保建文初頗用事忠謹能盡職靖難師渡江與魏國公分道出戰皆不能却 文皇卽位安置雲南之臨安洪熙初召賜鈔幣尋遣還當是時開平王長女爲皇太子妃實生建文皇帝昇又事建文無二心故終不得復父之卒子繼祖繼祖子寧寧子復弘治中錄六王後得官南京錦衣衛指揮使子紹襲紹卒子經襲經卒子鳳襲鳳卒子玄振襲嘉靖中繼絕世封懷遠侯號爲開國輔

運推誠宣力武臣階特進榮祿大夫勳柱國歲祿千石  
卒子文濟嗣文濟卒子胤緒嗣

四功臣子孫復爵始末

孝廟卽位之五年以開國功臣封王者六人子孫有奪  
祿者欲量加恩典裨奉其祀乃下詔命所司其實查取  
赴京開平王曾孫常復取自雲南寧河王玄孫鄧炳取  
自湖廣璿與東甌王玄孫湯紹宗取自南京比至皆定  
以南錦衣衛使各近墳塋守祀時承行者吏部尚書三  
原王恕驗封郎中安陸孫交兵部尚書鈞州馬文升武

選郎中蘇州徐源嘉靖十年四家復加侯爵常玄振僕  
遠侯李性臨淮侯鄧繼坤定遠侯湯紹宗靈壁侯



岐陽李武靖王

王名文忠字思本小名保兒

一日保保

盱眙人父曰隴西恭

獻王貞母曹國公主

上之長姊也

上起兵滌陽甲

午歲盡來歸時年十五公主薨已二年矣亂軍中崎嶇

幾不能免

上見甥且喜且泣賜姓名朱文忠同皇侄

文正親誨之讀書史兼習兵法解悟有如素習

上嘗

携所業傳示幕寮曰是亦足矣平世一鄉士要富於馬

上習之丁酉以舍人從軍策應池州奮擊破陳友諒之

卒尋率所部取青陽石埭旌德敗元將阿魯灰於淳安

縣之萬年街及苗軍于於潛昌化念士飽飲且驕夜潛



殺所獲焚輜重激之曰患不力戰何患不富貴乎遂前  
襲破洪元帥營會邵愈胡大海之師取嚴州超帳前總  
制親兵兼領元帥府事鎮之張士誠來爭挾苗獠數萬  
人水陸奄至率輕兵從陸逆擊大破之取俘馘載巨筏  
上順流而下其水軍見之亦夜遁餘衆復屯烏龍領再  
擊走之取浦江遂克諸暨州義門鄭氏避兵居山谷間  
訪其所在護送還家苗將楊完者爲張士誠所殺其將  
秦不花等以同僉員成書來納款且言部師李福等士  
卒家屬在桐廬皆願効順奉 上命往撫之凡三萬餘  
人士誠攻嚴州又至大浪灘出兵夾擊皆破之士誠憤

甚遣其陸元帥花將軍據分水新城三溪以遏我師悉  
攻殺之陞同僉樞密院事辛丑城嚴州胡大海援信州  
代署金華分省事壬寅苗將蔣英劉震等殺大海以叛  
卽遣椽吏郭彥仁元帥何世明往討至蘭谿英等驅略  
南走處州李佑亦殺取再成等屯兵縉雲圍之尋亦就  
平進浙江行省左丞總各路軍馬辛亥諸全守將謝再  
興叛挾張士誠寇東陽馳救復破之再興走王以反側  
郡處兩叛間又與陸敵接壤而練兵繕甲屹不可動免  
上東顧之憂王以諸全當敵衝不易守與胡深謀別築  
新城去舊城五十里相犄角士誠患之遣司徒李伯昇

率兵號十六萬圍之不克而去乙巳二月士誠大發兵號二十萬圍諸全爲必拔計王先遣兩指揮出江浦爲聲援士誠又以兵邀釣臺將犯嚴州王命以舟師扼之未至而千戶謝祐爲伏兵所執衆皆恐甚王意氣自若留兵居守率朱亮祖等赴援去城十里許有地曰龍潭立營其上衆謂賊勢盛不敵盍小避俟大軍至合擊之王曰以衆則我非彼敵以謀則彼非我敵若未戰而退彼勢益熾雖大軍至難爲力矣莫若速戰死中求生正在今日遂誓鼓之曰彼衆囂甚以我整暇乘之實不足畏且聞彼懶重山積天賜若曹富也勉之衆咸奮戰旣

合天方晦霧忽開王楮禦引鐵騎數十乘高馳下直  
出賊陣斷其中堅賊列騎迎戰手殺數十人縱橫搏擊  
所向草靡賊駭而亂相蹂躪大軍乘之城中守兵亦鼓  
噪出呼聲動天地無不一當百賊遂大潰斬首數萬級  
擒將校七百人委棄鎧仗芻粟彌亘數十里上誠第五  
子及李伯昇僅以身免召歸宴勞進右丞命宋濂紀其  
事時徐常二王已取淮安進圍湖州使王率所部夾攻  
取桐廬新城富陽進兵餘杭一夕而下叛將謝再興之  
五子降丁未杭帥潘原明使其員外方彞納款王詰之  
曰兵未交而遽款得無以計緩我師乎彞謝曰王師所

過秋毫無犯杭之吏民鼓舞而慶有主其何敢緩乃引入臥內與飲授之約束明日原明如師師遂入以女樂迎邾之營於麗譙下令曰擅入民居死一卒借民金立殊以徇中外按堵如故就加榮祿大夫行省平章政事復李姓初 上以軍糧不給增民田租至是王以病民請減額從之 上卽大位封王父貞恩親候尋討平闖叛寇還爲偏將軍三年從開平王北討由遵化度鹿兒嶺進薄上都克之走元主俘獲萬計俄開平王卒於軍卽 詔代將移兵陝西與六將軍合攻慶陽次大原而虜攻大同甚急因諭衆曰吾與若等受命而來圖討之

事有利于國可以專之若候進止恐大同之敵愈盛不可復制當疾進兵赴之有阻者按劔將斬遂出鴈門次馬邑敗其選騎數千擒劉平章進次白楊門擒四大王時天雨雪疑有伏引數騎入山覘之前軍去虜五十里而營更進五里阻水自固虜脫列伯果率勁卒來劫不可動質明望見虜益大至乃以二營委虜俘死戰久之度其饑疲選精兵爲左右翼奮擊大破之擒脫列伯俘斬及降者萬餘人迨至莽哥倉不見虜而還論功 賜金幣當大將軍半三年進征虜左副將軍與大將軍分道北討至以十萬人出野狐嶺進師察罕腦兒擒平章

祝真進次開平謀知元帝殂太子愛猷識里達臘卽位  
兼程而往斬其候騎遂圍應昌明日破之太子走免獲  
皇孫買的里八剌后妃宮人暨諸王省院達官將吏等  
駝馬牛羊無算并獲宋元玉璽金寶十五玉冊二鎮圭  
大圭玉帶玉斧各一精騎窮追至北慶州不及而還道  
興州擒江唐二國公降其兵民三萬七千人至紅羅山  
降楊思祖兵民萬六千餘人捷聞班師 駕出勞江上  
還受 朝賀大封功臣授開國輔運推誠宣力武臣特  
進榮祿大夫右柱國大都督府左都督曹國公同知軍  
國事祿三千石世券尋領都督府事西蜀平令王因兵

威指循其地還復以左副將軍北討出東路取和沐西  
至哈刺莽虜先遁王留輜重臚胸河人齎二十日糧疾  
進至土刺河元太師哈刺章蠻子遣妻子北嚮悉衆渡  
河嚴騎以待兵接方戰馬中矢急特短兵以鬪從者劉  
義直前突擊以身爲蔽指揮李榮脫所乘馬授王自奪  
虜騎乘之王橫槊麾兵殊死戰始却之逐北至騁海虜  
來益衆乃據險自固散牛馬于野而多張疑兵劫虜虜  
疑稍稍引去王乃解歸迷失道至哥兒思麻乏水大窘  
出野尋水脉忽所乘馬跑土泉隨湧出賴以給王軍雖  
名爲勝而所失得相當大將軍出中路者竟敗故賞不



行尋復與大將軍行邊六年出朔州擒其太尉伯顏不  
花七年駐代縣分遣兵出至三不剌者俘其平章陳安  
禮至順寧陽門者斬其知院珍珠驢至白登者俘其國  
公鄧孛羅帖木兒又破大寧高州大石崖斬其宗王朶  
朶失里至豐州追斬魯王十年視師鳳陽十一年父貞  
薨十二年理軍洮河岷鞏護積石州逃叛土官阿里失  
納等斬之置洮州衛虜益避遠邊境無事召還與李善  
長通知中書省大都督府御史臺事又命大事皆取  
二公處分中書省華特參軍罔六計兼領國子監王好  
文門多賓客常以客所言言上請少誅侈胡雜庸之

死謂通日本 上欲討之文忠諫又官宦者大盛非天子不近刑人之義 上曰此儒生家言何從出爾口使人盡殺其客文忠出歸見館客橫屍牖下病悸不治

上幸其第撫之十七年三月薨年四十六王器量沈宏人莫測其際臨陣蹈厲奮發遇大敵膽氣益壯故戰無不勝及釋兵家居恂恂若儒生嘗師金華范祖幹胡翰講明性理之學其處身處家一循理度惟謹詩詞皆偉壯可觀至音樂華靡泊如也贈岐陽王謚武靖後景隆襲爵誥詞中有云朕姊子李文忠列之羣將位以公爵非智非謙幾累社稷身不免而自終爾慎鑒前轍永服

朕訓三子景隆增枝芳英

朱史氏曰岐陽之功莫大于浙西莫迅于應昌莫險于  
騁海蓋亞中山匹閼平而文學議論又宛然儒者氣象  
自古人臣文武全才未見有及者 太祖因居然以唐  
太宗目之矣非智非謙幾累社稷之語盡吐心事親爲  
帝甥共平天下如何用智如何執謙岐陽至是其道窮  
而其功乃所以爲累 上固籌之深矣借事發怒借館  
人行刑中道而逝延其世賞君臣甥舅之間情不足而  
體尚存千古變局殊不忍言至景隆綺紈子能讀書談  
兵自其家傳堂堂乎張也貌而推之情而信之天也卽

豪傑如何卽岐陽尚在亦如何而况景隆噫嘻

景隆

景隆小字九江身長偉姿疎眉目少齒諸生與天台方孝孺林右輩相善多習典故善談論每朝會進止雍容甚都十九年襲爵上書體爾祖福忠孝不忘字賜之

與烈國公輝祖等分鎮中原要地所使多稱進掌左府二十五年皇太孫立兼太子太傅益以肺腑見親任晉都督同知燕王兵起長興侯耿炳文武定侯郭英等皆敗命景隆爲征虜大將軍北伐一日齊泰黃子澄所薦賜通天

犀帶。竹爲椎挽親送之。江濤便宜誅賞時諸宿將鮮存者。雖存亦已老。又皆景隆諸父。行怏怏不肯爲之下。景隆暴得意自尊大。陞帳據高坐。毋敢與抗。禮會兵五十萬于德州。進營河間。乘燕攻大寧。直薄北平。爲長圍困之。王還師自救。景隆逆戰大敗。死者十餘萬。明日九門之師皆潰。死者復數萬。乃退走。王復攻大同。景隆引兵出紫荆關。時寒甚。士卒墮指者什二三。乃移書燕王。請罷兵。詞甚驕蹇。王報書切責之。見大又豫策其五敗。見大至是聚兵號百萬。軍德州。郭英、吳傑等嘗真定。逼北平。又敗。退戰于白溝河。北復大敗。殺溺及被俘者幾

三十餘萬王追至濟南圍之鐵鉉堅守不下始在軍

朝議權尚輕特

賜黃鉞金鉞朱弓矢使者渡江大風

失去複製以

賜而敗書至矣召還黃子澄于朝班慟

哭請誅以謝天下竟不問又二載師屢覆燕兵渡江駐

龍潭

建文皇帝使景隆同尚書茹瑄都督王佐來謁

以割地講和請王笑曰事至此何地可割吾但欲得好

臣耳于是景隆等蒲伏密輸款歸佐谷王守金川門王

至開門以逆王卽位以景隆等默相事機改號奉天靖

難增祿一千石監修

高廟實錄朝中大事猶以班首

主議

上雖外示崇重心恨之甚諸功臣咸扼腕永樂

二年周王發其建文時至邸即訊受賂又廷劾議罪

詔盡削勛階官號絕朝請勒歸私第猶以長公主故不奪爵亡何又言調事者至其家猶坐受闈人伏謁行君臣禮大不道并其第左都督增枝同繫私第盡沒其貲絕食者旬日得不死稍稍給食永樂末竟凍餒卒正統中增枝猶在聽自便又數傳玄孫濬爲南京錦衣衛指揮使卒襲者曰濂曰性嘉靖中繼六王後封性臨淮侯卒無子叔父沂嗣卒子庭竹嗣領南督府以振武營兵變召歸尋領漕事卒子言恭嗣好文學能詩有岐陽王風委寄大約如庭竹子宗城爲勳衛以正使封倭奔歸

謫戍子邦鎮襲鎮守淮安卒弘濟嗣

璿字天器岐陽王玄孫祖佑父萼皆以景隆奪爵閑居毋關氏生璿自其先世好文學璿有祖風鄰老儒許子貞方隱居著書見而見之以女許聘學成 敬皇御極錄大功中絕者各授南錦衣衛指揮使璿與焉謙厚慎儀節平日與弟璣供養爲二親歡暇則登臨賦詩甚著文采正德初逆瑾當路竊弄威權大獄繁興延及勛戚依勢者遂擢奪臨安主賜第璿與臨安切鄰因飲忿鬱鬱成疾甲戌卒年五十二





寧河郡武順王

王名愈涇州涇縣人父順興三子長曰友隆仲卽愈愈  
有大志貌魁嶷勇力絕人元末羣盜起順興從鄉里少  
年自保遂據臨濠拒元兵戰死友隆代復病死愈代是  
時年十六先登陷陣無不摧敗衆喜曰使仲蚤將何至  
爲人所侮高皇駐師滁陽來附從渡江克采石取太  
平大破陳也先蠻子海牙之衆下建康略定溧水破鎮  
江功多擢廣興翼元帥克廣德州長鎗軍謝元帥來攻  
出輕兵背城戰走之移鎮宣州別將兵取休寧績溪與  
胡大海合攻徽州下之苗軍楊元帥以十萬衆來爭與

大海逆戰大破之虜其大校吳宰等百五十八人婺源  
裨帥汪同來降遣驍將王弼孫虎等進逼其城破之殺  
其將鉞木兒不花斬首三千級得兵亦如之徇下高河  
壘由昱嶺關進攻建德破其長鎗元帥余子貞追奔至  
淳安復大破之遂克建德改爲嚴州進同僉行樞密院  
事領兵略臨安敗張寇于閑林寨破元帥于烏龍嶺庚  
子鄱陽院判于光左丞余椿擊走僞漢部將辛同知饒  
州來附王移鎮之饒濱彭蠡湖接漢界漢數遣舟師攻  
城下輒出戰殲其衆辛丑進叅政兼總各翼軍馬益布  
上威德撫納降附左丞吳宏等皆自拔來歸以兵取浮

梁轉戰樂平敗蕭總管之衆獲萬戶彭壽等諸屬邑皆  
下規取洪都駐師臨川之平塘聞州人熊旻有謀略延  
見與論事 上遣降將吳宏取撫州撫州帥鄧克明欲  
拒宏而畏王兵強遣人詐獻地緩我用鼎計率勁兵間  
道夜馳二百里黎明入其城克明出不意走又自度不  
免來降遂定撫州友諒丞相胡廷瑞平章祝宗同僉康  
泰等守洪都遣使來降 上受之人其城召王來會因  
命鎮守宗泰仍故官以所部從守二人初不欲降迫于  
廷瑞快快懷二心又以王秩卑不欲居其下廷瑞知之  
密言狀 上命二人部兵赴大將軍攻武昌舟次女兒

港叛還夜砍新城門入王倉卒以數十騎且戰且走從  
 騎被殺且盡窘甚連跨三馬輒踣幾不得免最後得養  
 子馬乃脫奪撫州門出自歸于 上上弗罪也大將軍  
 聞變還兵復洪都走祝宗執康泰于是大都督文正開  
 府洪都王副之明年陳友諒傾國來圍號五十萬治戰  
 艦高與城等文正堅守王分撫州門最衝力戰幾三月  
 晝夜不脫甲 上來接圍解論功與克敵等尋破平鄧  
 青等二萬人于永豐從開平王蕩臨江 山寨圍贛州  
 下之南安南雄韶州諸路悉降還軍吉安討饒鼎臣士  
 有擄掠者判官潘樞入謁曰將軍奉揚天威首亂未除

良民先掠甚失弔代之義王大驚謝進行省平章時年二十八兵興諸大將蚤貴無有如王與岐陽王者出鎮襄陽上賜書曰條法度施惠愛無罪者弗妄殺有罪者宜詳審古良將以仁義爲先勇略次之汝能勉之我無西顧之憂矣王披荆棘立軍府營屯練卒威惠甚著吳元年建御史臺拜右御史大夫時左大夫湯和討方谷珍王領臺事條上便宜特見嘉內大將軍經略中原王以征戍將軍進兵取唐州南陽生獲蔡國公史克新等遂取隨州守將左丞王誠降均房金商地悉平上卽位立寡宮兼太子左諭德三年以征虜左副將軍從

大將軍出隴右大破王保保別將招諭河州土番大酋何鎖南普化兒只等請降迤西烏思藏等亦降皆入貢請受命論功封開國輔運推誠宣力武臣特進榮祿大夫右柱國衛國公歲祿三千石子參世襲五年以征南將軍討澧州溪洞蠻獠悉平之十年吐蕃諸部爲梗劫剽烏思藏貢使王以征西將軍率沐都督等往討之分兵深入覆其巢窮追至崑崙山斬首捕虜數萬馬牛羊二十餘萬捷聞召還至壽春卒年四十一上哭之慟親臨奠歎曰愈事朕二十二年歷鎮八州有功無過一旦淪喪如奪予是命朱夢炎爲文刻神道塋皆官給追

封寧河王謚武順王沈毅詳敏事 上最恭順有所委

不憚危苦功成不矜屢受摧抑不怨敬禮賢士大夫

上特重之前後托寄親舊莫敢望焉五子鎮襲封改國

申亦數將兵從大將軍有功卒年二十三無子弟銘爲

錦衣衛指揮僉事征蠻卒子源當後鎮年二十爲散騎

常人七年征胡有功還卒子挺亦卒子炳成化十六年

不許弘治初復爲南京錦衣衛指揮使卒子繼坤

仍繼絕世封定遠侯卒子祖錫嗣卒世棟嗣卒

吳太常曰寧河之死猶在疆年乃其東蕩西滌鎮撫八

吳太常曰寧河之死猶在疆年乃其東蕩西滌鎮撫八



州聲名已奕奕在諸將上至今襄陽人猶道之朱夢炎  
稱寧河事母孝撫弟愛匪獨將略之雄兼有君子之行  
以故 太祖心重之光輔 帝業作我世臣有以也夫

東甌湯襄武王

王名和字鼎臣濠人少孤卓越有奇志嘗從羣兒嬉輒勤習部伍及長多力工騎射事滁陽王眺蕩善戰從取九灣再破定遠故與高皇同里閤相善時高皇以王婿與和共事下和州當是時諸將皆上等夷莫肯爲下和長上三歲獨效順執部曲禮上甚悅陳也先來寇和拒却之從渡江定太平也先復來寇和擊其水軍流矢中左臂不爲撓尋與中山寧河二王自東門大破之擒也先取鎮江進統軍大元帥守之略定金壇覆高莊戍轉同僉樞密院從取常州爲其守帥與張士

誠境接和頗好飲嘗請事于上不允醉謂其下曰吾  
填常州如坐屋脊左右顧惟所便誰能難也 上聞隱  
之和醒亦愧悔悉方拒士誠再破其軍又逐莫元帥虜  
其妻拜中書左丞從開平王解長興圍拜平章政事乙  
巳平江西盜姚大膽西取永新州執周安等誅之再守  
常州上誠既縛論功 賜帛建御史臺爲左御史大夫  
以征南將軍討方谷珍蹙之走海島悉俘其衆谷珍降  
移兵取福州虜陳友定洪武元年兼太子左諭德扈  
上幸汴梁遂同宋公取懷慶澤潞晉絳諸郡尋從中山  
王拔河中渡河入潼關趣鳳翔越六盤山秦隴皆平明

年復從中山王大破擴廓于定西遂定寧夏遣虜于察  
罕腦兒擒其將虎陳九月大封功臣與衛公鄧愈俱爲  
御史大夫而年位又在其上以功不如僅封中山侯祿  
千五百石始露守常州時語和頓首謝過明年爲征西  
將軍與副將軍廖永忠等舟師自夷陵攻夏扼險不得  
進永忠趣之未決而征虜副將軍穎川侯友德自秦隴  
深入取漢中永忠聞乃決計先入破其扼險之師長驅  
抵重慶和始繼之夏主明昇以重慶降友德亦定成都  
蜀平 上推功友德永忠受上賞責和逗撓姑子彩帛  
入和復頓首謝罪又明年從中山王北討分道擊賊敗

于斷頭山歸命往中都同李韓公建宮闕尋甃通州外  
郭徙鎮彰德王堅忍多智數又時與李太師抗故特委  
以綜理之任且念爲里中長者卒封爲特進光祿大夫  
左柱國信國公議軍國重事歲祿三千石與諸券同曹  
公練卒中都西巡至河州繕完城郭營舍明年從中山  
王北伐覆灰山營獲其平章刺里哥樞密副使九通又  
明年巡回川訓練士馬經理永寧淳熙思州五開山僚  
亂討之鹵斬四萬餘又從楚王討平古州蠻時天下大  
定從容爲上言臣老願得歸葬待骸骨上悅賜  
寶鈔治第中都尋悉治諸功臣家既而倭盜海邊上

患之有指揮方鳴謙者故谷珍從子 上以其習海事  
問焉鳴謙曰倭海上來則海上備之爾能量地遠近置  
衛所陸聚兵水具戰船若壘錯落倭無所從入入亦無  
所得若縱之赴斫魚肉吾民矣 上喜則曰于何籍軍  
將曰兵興以來軍勁民聽民樂爲軍若四民籍一民當  
嚮應時諸大將多物故 上知王知慮未衰強起之曰  
卿雖老爲朕一行因請與鳴謙偕至台鳴謙以其客王  
文敏見因爲王圖上要害城戍處奏聞一如所請于是  
自登萊淮揚迄吳越間設指揮衛若干戶所揀丁壯三  
萬五千有奇城之蓋發州縣錢及籍犯者家物給用工

匠往往過望丁壯多入民家關其墻垠堦序之石及諸  
確磴擗諸城下浙人謳曰京困巨倉公卒聊浪墻除確  
禮公城掘暑文徵曰浙人謫矣奈何王曰吾聞成遠筭  
者不近量任大事者不細謹若以困之無備及于戈鋌  
蔓草延竈下蟲豸生井曰安所得確礎乎復有歸者老  
夫將手刃之不踰年城成稽軍次定考格立賞令四民  
食一守之城凡五十九閘中並海城亦成既報命新第  
成王率妻子 陛辭賚黃金三百兩白金二千兩鈔三  
千錠綠幣四十有副妻胡氏黃金二百兩白金一千兩  
鈔五百錠綠幣三十有副皆軍書發諭又明年魏曹等

六公還鄉賜皆如之歲一朝京師而諸公侯猶不時遣  
鎮各邊及將兵討伐獨王以老不任行 上愈眷且安  
之二十三年入朝忽病中風不能言 上聞即日幸其  
第撫視惋歎良久遣還里命其女魯王妃歸寧侍疾小  
問二十七年 上使其子都督僉事鼎迎至都安車入  
內殿與酣宴賚賜相屬最後復入朝疾劇不能與 上  
手摩撫其體與敘里閉舊及艱難勞勩王不能對稽首  
而已 上爲之雪涕勅有司營塋地明年卒年七十追  
封東甌王謚襄武王沈毅質直入聞國論一語不洩臨  
歿果敢有語及兵書者輒笑曰臨機在智識敏達何泥



古爲家而妾媵百餘暮年悉資遣之賞賜多惠鄉黨待  
交舊民甚厚精于相地凡省郡州邑多所改正絕不  
語人正德中浙江巡按御史英言和守備寧波城戍精  
堅倭至今不敢犯請立廟定海縣從之海上父老至今  
指烽戍歷歷稱湯信公徵信公吾父鯨鯢食矣五子鼎  
立功爲都督僉事征雲南卒贈信世子次輓龍燮皆前  
卒少子醴都督同知征五開卒有孫十一人鼎子晟幼  
優給永樂元年卒子文喻孫傑皆病廢不得嗣傑無子  
弟倫倫子紹宗頗通經術 孝宗朝錄爲南錦衣衛指揮  
使家宰王三原見之日湯舍人必腰玉嘉靖中封

壁侯凡三歲以使事卒。子世清，年六十一，子佑賢。  
營務及南前府中。子世清，年六十一，子佑賢。  
保太子太保卒，贈太保，諡位。子世清，年六十一，子佑賢。  
事卒子國祚嗣。

自明開國臣傳卷之一

一



皇明開國臣傳卷之二

臣朱國禎

黔寧沐昭靖王

王名英定遠人不詳蓋自出或曰

高皇分封

上起兵收之溫爽有謀擊與李岐陽等俱從

國姓

文英數從征伐人皆稱其晝夜勤勵目無所視

上

重中宮尤愛之年十八以帳前都尉從守鎮江轉

揮使洪武元年從下湖建擒陳友定拔圍安十八寨

馮谷保爲製姓沐而單名曰英字文英

一日原姓李後

李原李母朱我朱單曰沐此包雲南

日南方火也當克不當生乃定曰沐 出鎮建寧三郡

袁大都督府事四年進兵九子撫屬西有事先更制  
而後聞十年副寧河王徑西答渡黃河哈烏思藏耀兵  
至崑崙戰數千里俘三十萬寧河王道卒卽代將還  
京師封西平侯進號熙國輔運推誠宣力武臣勲柱國  
食祿二千五百石 賜券一年拜征西將軍窮追西  
番朶耳孫等入平涼萬雜畜二十餘萬十三年脫  
火赤愛等邊寇所部蕩和林轉略亦集乃渡黃河登  
賀蘭涉流沙七晝夜至其境分兵四翼薄穹廬大破之  
獲赤愛覆其全部十四年與徐大將異道出古北口  
克天山會寧渡臙胸河獲知院李宣尋副穎川侯傅友

德率師三十萬征雲南由辰沅遵陸路出羅鬼攻普定  
普安循格孤山之南出奇兵襲畢節擊可渡河皆下之  
梁王遣其將達里麻駐兵曲靖拒守謀于友德曰雲南  
兵屯曲靖必意我軍深入勞頓且以程計之謂未能猝  
到彼必懈惰我若兼程以進出不意掩其未備此批亢  
擣虛之術也曲靖一破餘皆傳檄而定友德然之遂乘  
大霧進至白石江阻水而止霧歛江濶僅一里許其淺  
處可涉也虜見大驚或請遂濟王曰我軍遠來利速戰  
然疲甚及我半渡來擊勝未可必也乃陽整衆鳴鼓若  
將濟者賊悉擁精銳拒水上王別遣一軍涉流暗渡循

山出其陣後吹銅角張聲勢仍于山林巖谷間樹旗幟  
爲疑兵達里麻驚懼急撤後軍禦之水上軍覺之心動  
而陣亂王于是拔刀麾兵以濟士有猛而善泅者數百  
人皆蒙盾直渡以長刀仰斫所當皆靡我軍得登者人  
百其勇彼軍退數里結陣而待擊之勁戰自旦至晡蹀  
血震蕩多縱鐵騎橫貫而闌之賊大潰生縛達里麻僵  
屍百里梁王聞敗走死直抵雲南悉收其金寶子女分  
徇諸郡皆下獨大理猶爲元守王與永昌侯藍玉攻之  
其帥段世據龍尾關爲固王分一軍夜從間道登點蒼  
山襲其背質明麾騎亂流至關壯士被羽先登闕破伏

兵從後來擊擒段世拔大理不沈月雲南郡邑悉平分  
省列備戍簡置守令勸課農桑四月回軍與友德會滇  
池時烏撒東川建昌皆有變志令兵分道攻下之立烏  
撒畢節二衛而夷兵叛者復圍雲南守帥馮誠等告急  
王簡萬騎馳救之賊夜遁乘勝急擊遂悉復諸失守者  
尋 召永昌楨川二侯還楨川進封公王留鎮三歲間  
平廣南蠻誅浪穹鶴慶劔川逋寇特磨遁去二十一年  
百夷思倫發等聚其衆來寇號三十萬選卒二萬對壘  
都督馮誠以輕騎三百挑之賊萬衆乘二十象來戰誠  
一戰殺斃百人獲一象而返明日賊悉衆擁百象來圍



象皆披甲負戰樓四周若欄楯挾大竹爲筒于兩旁筒  
置短鎗十餘以標我王多置火銃神箭于前分三行參  
差而陣度象且近前行之鏡箭齊發未退二行者繼之  
第三行又繼之自立馬高岡觀戰馮誠領中軍審正居  
左湯昭居右昔刺亦有夷之勇人也殊死鬪左隊小邾  
王怒令馳取隊將首隊將望見擁士卒齊入諸軍並奮  
聲震天地象驚却走王乘之賊大潰斬首三萬餘級俘  
萬人生獲四十七象餘皆被矢如刺蝟賊帥皆伏殪象  
背羣蠻震驚稽顙奉貢不敢復爲梗明年東川蠻叛據  
烏路山遣審正討平之并破降叛首阿資入朝賜宴

奉大殿賚黃金二百兩白金五千兩彩幣百襲鈔五千錠陞辭 上撫之曰使我高枕無南顧憂者爾也歸鎮復大破阿資以兵威折脅八百國并諸番有重譯貢者初王留鎮之明年 孝慈皇后崩哭幾絕及是二十五年四月 皇太子薨哭失聲嘔血六月十七日方坐堂皇理事中風卒年四十八訃聞 上慟哭 命以喪歸賜塋都門外追封黔寧王諡曰昭靖王沉毅有志量好賢禮士撫卒伍有恩未嘗濫殺鎮雲南事事修舉墾田一百一萬二千畝辦方物以定其貢稅視民數以均其力役疎節目以寧便其人嘗從容詢一儒生欲觀書勸

讀大學衍義欣然取而細繹益以通鑑綱目不三二年  
學問大進論事輒援引典故又于壁間大書周子太極  
圖說張子東西二銘朱子敬齋箴孔明出師二表李密  
陳情表韓愈佛骨表朝夕瞻對求其理趣擇民間之俊  
秀及土官子弟皆令入學肄業使如禮義自往釋菜設  
食給衣曰首善之地風化攸關不可後也嘗得太極圖  
善本并白鹿洞規石刻置 文廟平居無所嗜惟有馬  
癖曰天用莫如龍地用莫如馬支遁一偈耳猶愛其神  
駿畜之吾將也馳逐于兩陣順吾驅策與吾一心以立  
功者在良驥耳是不可愛而他愛乎蓄息甚富良者屢

以克貢餘遇征討分給將校勇敢善戰者所得多至十餘匹後雲南父老與蠻夷土官願卽府城立廟以聞報可及追王三代妻馮繼耿俱追封王夫人五子春晟昂昶昕昶蚤卒三子遞鎮雲南而少子昕尚 太宗公主爲駙馬都尉屢掌南京都督府以壽終

春字

春字景泰生未幾失母鞠于外祖氏長歸就學洪武己未年十七從父征西番明年從征亦集乃又明年從征雲南皆有功還京師遂掌禁旅雲南既平又從父鎮守機務煩密應奏者必以將命一歲之內馳驛再三所報

悉稱旨十八年秋僉後軍都督事例從試職 上曰是  
兒我家人非他比畀實授冬錄因烈山奏釋數百人蔚  
州民吉那海等構逆往勘得實白其誣宥數百人從宋  
公出沙漠降納哈出藥送入京父薨奔喪奉柩還葬盡  
禮襲爵仍鎮雲南大修屯政命都督何福討降羅雄法  
來懼能平弄山諸酋二十七年越雋賈哈刺連西番爨  
邊出沒北勝浪渠州遣百戶藺宗賢勦平之立瀾滄備  
鎮禦阿資叛服無常討之謀曰此逋寇恃險阻及土酋  
皆羽翹得展轉亡匿今悉調從征俾不能過多置營堡  
相犄角制其出入授首必矣乃分道逼之二十八年兵

至赤窩果獲阿資并誅同惡二百四十一人衆皆斂服  
寧遠州古爲十七城門接壤交趾酋刀拜爛負固討降  
之隨所至皆捷麓川宣慰思倫發醕酒爲其屬刀幹孟  
所逐來歸求援挾與入朝面受 宸筭率勁卒八千銜  
枚倍道大破誅其魁餘盡釋之思倫發始得歸加征虜  
前將軍總川貴雲南兵欲蓋平其地洪武三十一年九  
月得疾卒年三十六謚惠襄在鎮七載闢田三十萬五  
千餘畝民爲立祠無子弟展嗣

晟字景茂少凝重端慤而質穎敏善讀書 高皇甚愛

之授都督僉事進左都督嗣侯代鎮雲南時岷王國其

地與晟交惡 文皇胎書王謂晟少孤不練事且其父  
佐命開疆之臣毋深責吾當召晟別加訓飭然卒徙王  
于楚晟居守自如初 建文皇帝自焚 文皇意其由  
地道出或言匿晟所久之調察無狀乃免麓川宣慰使  
爲諸蠻所逐擅其地討平之分其地爲孟養本邦孟密  
三府鎮沅威遠二州及五長官司歲征貢賦又于潞江  
之西置騰衝千戶所控之夷遂帖息八百國來犯發兵  
逆擊自特後走之獲其帥永樂四年安南篡奪討之晟  
爲征夷左副將軍率兵由蒙自以入前鋒奪關隘賊散  
走造舟濟師分遣所部夜出泚水步騎夾之遂渡富良

江與新城侯張輔兵合破多邦城柵繼擣其東西二都  
平之賊皆遠遁追擒獲無遺論功封黔國公歲祿三千  
石世襲 賜宴御製詩褒美之 仁宗立加太傅宣德  
元年安南再反會柳升進討升敗死晟兵亦退廷臣劾  
晟 上封章示之正統初蠻寇遠發遣弟都督昂討平  
之三年麓川擾邊率兵討之都督方政戰死瘴厲軍不  
能進還鎮至楚雄卒追封定遠王謚忠敬滇人恒服晟  
父子威信尊事之無異人主片紙下土奠具威儀交迎  
盥而後啓曰此令旨也多置庄田三百六十日吾日食  
其一足矣子斌嗣尚幼不能將第昂以都督同知代鎮



復討麓川不利王驥兵合始平之陞左都督卒贈定邊伯謚武襄

斌字文輝初名儼字可觀寬厚謙恭好讀書有文武才略父忠敬王鎮滇四十餘年侍母程祖母耿居金陵曲盡孝道內外整整無間言父薨奔喪庚申襲爵居京師叔父昂代鎮乙丑昂卒受命往鎮 陛辭賜今名緬甸執思任發將送京師其子思機發來奪促兵迎却之斬首以獻遣主事何瞻勞賜丁卯思機發復據孟養爲患朝廷大發兵以尚書王驥總兵官聚來討奉勅轉輸接濟大軍并爲後拒得不乏貴州苗叛攻圍城邑曰此滇

南襟喉地勢不可緩視輕騎倍道救之賊皆解散水西  
蠻攻畢節又諭降之景泰初卒年五十四謚榮康子宗  
嗣

琮字廷芳號益菴又號東山居士未晬而孤母梅氏鞠  
之從兄璘以右都督代鎮甯有文武才且友愛教以詩  
書八歲通經書大義未幾璘卒第璿以都督同知代琮  
冠帶優給食祿之半與縉紳學士游性行老成兼美詞  
翰成化乙酉入朝嗣爵丙戌往鄭府主喪丁亥還鎮雲  
南璿仍協理勤于爲政事無壅滯公退儼然冠帶守禮  
法不妄言笑時諺 孔廟勸講課士治水利廣屯田兵

食克足邊夷餽贄一無所受反勞之與以酒食遠近感悅疆宇宴然威德遠被諸夷賓服真滇南一時太平之盛也甲午安南假道窺伺拒不許因侵老撾啓釁大飭兵奏聞請討之安南懼謝罪乃得赦尋向廣西二府土官互相賊殺擒其倡亂者奏革去銓流官治之其地以安諸處竊發者授成筭皆討平之壬寅借都御史程琮往撫孟密有請用兵上方略者斥曰向來用兵騷害半天下寧受無功之名窮兵黷武以希尺寸義不敢出人皆避之癸卯討叛酋師五擒之加太子太傅南窩賊莽丘拒命生擒正法在鎮安靜清潔孜孜誦讀陰陽卜筮

無不精究善草書歌詩樂府瑰麗可觀馭下寬簡尤戒  
盈滿嗣公凡三十二年景泰庚午卒年四十七贈太師  
謚武僖從孫崑嗣

瓚字廷器父 南錦衣千戶瓚承蔭天順戊寅入朝會  
凡總兵都督璘卒于黔陜都督同知代鎮祿谷寨叛討  
平之霑賊阿賽與土官遮仲搆兵諭解復鬪又討破之  
壬午麓川餘孽思卜法侵奪孟木諸夷土地請于朝會  
勦賊懼納款成化二年黔公年長來鎮命瓚協贊四年  
克副總兵移鎮金齒辛丑疾卒年四十三 賜祭葬子

誠

崑字元甲賈之孫也父誠右叅將嗣守金齒崑生九月而孤武僖卒無子立爲嗣沐氏公爵得于忠敬而昂其第也崑孤自昂又武僖從孫廷議欲從昭靖初封西平侯爵下雲南守臣議謂百餘年來南人習知黔公一旦改侯而稱西平恐人心驚疑生變 孝廟從之嗣公仍佩征南將軍印鎮之小心慎事守法制體人情所部清靜益治兵庚申勦龜山等處蠻寇辛酉撫諭孟養復村寨十三處壬戌合貴州討平普安賊正德丁卯師宗州扇亂次第平之再益歲祿百石丙子加太子太傅嗣公二十四年在鎮二十一年己卯卒年三十八贈太師諡

莊襄崑凝重喜愠不形于色通六經子史談娓娓宛  
宿儒賦詩答啟手筆甚快日延儒士論文義教子弟隨  
文武各習所長平居矜厲勤于政理說者謂有忠敬之  
風而學問過之子紹勳嗣公十六年卒子朝輔嗣十一  
年卒皆加太子太傅贈太傅二子融華相繼殤朝輔之  
弟朝弼當嗣虐其嫂且錮之不使還南京于是上疏相  
訐久之始得襲佩印鎮守坐落虛創爵以子昌祿嗣代  
鎮而朝弼復欲殺其子逮至京幽于南京之故第死沐  
氏久鎮雲南擬于親王督撫大臣謁沐氏皆及門下車  
藩臬以下遠巡爲讓天下久平縉紳士抑貶之萬曆中

昌祚出僉事楊寅秋不避道昌祚答其與人交諗于朝  
中朝之士不能無多求沐氏明旨屢切責未幾革其鎮  
守子啟以都督僉事代父子又交惡昌祚出遊于外所  
至梵院皆有題額久之啟死昌祚復鎮天啟三年卒孫  
啟元嗣鎮沐氏既世鎮其卒也皆還葬南都之外娶也  
必于南北公侯家南中故有府府中用罔其始鎮 太  
祖使關監焉後仍不改

宋國馮公

公名勝初名國勝更名宗異最後名勝先世由泗徙光州再徙定遠父文質三子長曰國用季曰勝皆驍勇饒智略相與講讀兵書射百步外命中國用貌都雅勝長軀偉而磊落慷慨生時黑氣滿舍經日不散里中異之淮南兵起兄弟聚衆立砦自固高皇略地至妙山國用儒服來謁上曰若書生耶試爲我計安出國用曰有德昌有勢強建康龍蟠虎踞帝王都會幸而近我其帥懦不任兵急擊取之可以強強則其定然後命將出師掃羣寇勿貪子女玉帛倡仁義拯水火可以昌上



大悅曰此吾心也歸若挾其第拔衆俱來 上見勝尤  
愛異之引其兄弟爲心膂事寄常李善長亞而皆善戰  
與親軍諸忠勇知計之士惟國用兄弟至最先三江河  
之役國用手獲其帥從 上渡江破擒陳也先赦之與  
盟插血而啣國用曰其人必叛也先果行刺不克走爲  
下所殺姪兆先復擁衆據方山與蠻子海牙分水陸相  
持國用從破海牙及兆先盡得其衆 上選降卒驍勇  
者五百人爲宿衛獨國用與勝撰甲侍帳中 上寢息  
自如五百人皆感服 上卽以屬國用勝將之攻金陵  
先登後從取鎮江俱授萬戶因從取寧國定泰興宜興

俱進大元帥國用以忠謹擢帳前親兵都指揮使專待  
謀議從征金華進平紹興功最多屬疾卒。上親臨奠  
哭之。勔賜塋江寧贈郢國公子誠尚幼勝代爲都指揮  
使陳友諒逼龍灣。上禦之大戰石灰山勝率宿衛直  
擣其中堅大破之。再從拔江州及解安豐之圍走元將  
左君弼移兵取江西諸郡合兵下淮東勝獨圍高郵爲  
所給失兵千人。上召而捷之。徒步至軍怒甚勒軍一  
鼓下之。從討張士誠下吳興進圍蘇州破之。論功次平  
章遇春進銀青榮祿大夫右都督尋從大將軍北討立  
皇太子領詹事俄坐小法奪一官爲都督同知總諸衛

兵取樂安別部兵滌黃河會取汴梁河南二郡西據潼關守之復西下華州旋師謁上于汴拜征虜右副將軍命守汴從大將軍下山西踰太行取澤潞轉戰平陽敗其左丞田保保徐伯昌于絳州獲之制詔右副將軍居遇春下湯和次之楊璟又次之渡河取鳳翔李思齊走臨洮兵逼臨洮降之還從大將軍圍慶陽執叛將張良臣全陝悉平前是上諭達大軍已下慶陽右副將軍權鎮節制諸路兵馬而大將軍與偏將軍和先還京議功賞達遂還又五十餘日勝亦至上責之曰將軍不奉詔耶外邊虜肉填撫關陝所寄甚重而弁髦之

何故勝頓首請死 上以功高弗問至定賞頗列其事  
金幣減半俄復爲右都督再以右副將軍同大將軍出  
擣定西大破王保保自秦州南出一百八渡徇畧陽擒  
其平章蔡琳入沔州又遣別將由鳳翔入連雲棧合攻  
興元克之蜀地大震征哨極于西北凱還論功授開國  
輔運推誠宣力武臣特進榮祿大夫右柱國同叅軍國  
事封宋國公食祿三千石賜券誥謂勝兄弟親同骨肉  
痛切支體又謂勝十餘年間內則除肘腋之患外則建  
瓜牙之功平定中原佐成混一 所稱揚甚至 賜文綺  
帛八十疋明年按陝西又明年大發兵以征西將軍率

五萬騎由西路出金蘭取甘肅以疑虜且分其勢兵至  
蘭州遣傳將軍以驍騎五千爲前鋒連戰敗虜遂定甘  
肅進亦集乃路降其守將小顏帖木兒次別力篤山岐  
王朶兒只班走獲其平章張加奴等及馬馳牛羊十餘  
萬時大將軍達兵不利左副將軍文忠所得失相當獨  
公以捷聞而有言其匿虜索驢馬者賞不行自是適以  
將軍印練兵臨清北平繼往大同討元殘寇散不剌等  
還鎮陝西改河南冊其女爲周王禰妃夫人何氏卒于  
京 上賜璽書慰籍葬畢復之鎮董建 周王官府大  
將軍討虜也兒不花勝以征虜左副將軍練兵河南行

發勅勝曰今天象有警占在大梁乃爾封地就語都指揮馬兒宜慎防刺客未逾月又勅曰天象屢見不可不警秦晉二王還京宜選精銳嚴宿衛二王至宋國公迎都指揮守城卽都指揮迎宋國公守官兵三之一迎餘悉城守慎毋忽時徐李二公皆卒而元丞相納哈出擁大衆金山數窺伺遼東爲患十八年拜公征虜大將軍友德藍玉■右副將軍步騎二十萬備之諸公侯皆從以星變召還京十九年冬諭出師二十年春北伐復遣故所獲納哈出部將乃刺吾奉■璽書諭降公等至通州諜虜有屯慶州者遣藍玉以輕騎乘大雪掩之殺其

平章朵朶大獲士馬遂悉出松亭分築大寧寬河等四  
城進駐大寧踰兩月留兵五萬守大寧以全師壓金山  
納哈出見乃刺吾而驚曰爾尚在乎乃刺吾頗爲述

上恩德且示以富貴納哈出喜卽遣其左丞探馬赤等  
至軍獻馬因以覘我初納哈出分其衆爲四一曰榆林  
深處一曰養鵝莊一曰龍安一曰禿河其人畜輜重富  
於元主不肯預朝會召亦不往勝大軍直前逼之納哈  
出度不敵因乃刺吾請降勝使藍玉以輕兵往受之納  
哈出覘知明兵盛指天噴噴曰天不復與我有此衆矣  
遂率數百騎詣玉約降玉大喜出酒與飲納哈出別酌

所携酌玉玉讓之先納哈出卽先飲復酌酌玉玉解衣  
衣之曰請服此而後飲納哈出讓弗肯衣王亦持弗飲  
久之納哈出取酒澆地顧其下咄咄語鄭國公茂者勝  
子壻也勝故兒子畜之茂不受且迫欲自見而其部將  
趙指揮解胡語謂茂此且欲遁也茂遽前搏之納哈出  
驚起欲就馬茂拔佩刀斫之傷臂不得去都督耿忠遂  
以兵擁納哈出馳而見勝其將士妻子凡十餘萬在松  
花河者聞而驚潰餘衆欲來追勝遣降將觀童往諭之  
皆降凡四萬騎并得其各受馬所部凡二十餘萬羊馬  
驢駝車服至百餘里納哈出有二姪不肯降勝復遣諭



再三折弓矢擲地來降勝以禮宴待納哈出令耿忠與同寢食遣使奏捷罪狀鄭國公盡將其衆南行以濮英三千騎爲殿道中又獲棄車四萬餘輛殘軍二萬餘人上聞大悅使使諭勝等勞賜納哈出玉帶龍衣及其部尚金幣無算命勝凡降者隨水草便處安插方班師裨將有盜胡酋馬者斬之以徇然自所掠者甚多至使闖者行酒于納哈出妻求大珠異寶胡中王子死纔二日強娶其女大失降夷心又盡驅而南益恨逃山谷邀我將將軍因此陷沒鄭公茂械至京亦自陳所以博納哈出故且訂勝過上乃勅責至再收大將軍印還京命

歸鳳陽里第奉朝請而諸將士亦無封賞者茂劄歸安  
寘龍州二十一年領東昌諸胡兵征雲南胡兵中道叛  
是冬鎮永寧撫安胡兵二十三年詔還鄉明年來朝命  
塚軍山西屯種大同二十五年加太子太師時勲臣望  
重者八人勝居第三勝子諒與家奴同謀殺人囑縣官  
勿舉事覺 上諭勝家奴如律特免諒死二十七年諭  
勝曰天道以有餘補不足人反其道乃以不足奉有餘  
嗚呼禍福之來皆人自致朕命卿子出鎮西鄙近以家  
人違令聞朕登言觀色良由不得其所故爾然小人畧  
無怨言誠可愛惜朕念卿昆弟相從開闢有功且聯姻

親不忍不為卿言自後役人俾得從容足衣食無窘迫

自然效力下無怨咨則家道昌矣二十八年暴卒

勝家居

僕倚勢橫糶稅輻重乘載勝獲稻打場瘞廐場下碾碎磅共上取其有鞋鞋聲出入騎善馬邑有樊父名爲蔣困用妻家也勝一日爲酒召樊父盛陳其金銀器皿與樊父戲而令瘞之樊父既得難勝曰必千金乃還勝怒走訟于上樊父亦訟勝言其居家所爲若曰公爲偏場下瘞兵器上予勝酒曰我不問勝歸遂死

將時勇悍善戰及爲大將軍稍廢紀律金山之役有大

功上顧不悅卒之日贈卹不及諸子皆不得封國用

子誠雲南戰功官左都督

弁州外史曰馮國用不死其岐陽伯仲乎勝有大將材

積戰功久而其中不能無欲且又時時見驚策焉能免

乎金山之役璽書凡三下以中山開平二王爲噏始而勉之中而戒之終而愧焉雖然勝功大罪不能掩譴廢可也嫌死不可也不王可也不侯不可也

朱史氏曰功臣非謀逆而受禍者其根必有所自起宋公之失在于不奉命擅歸而多欲次之西陲初下反側未安任寄何如而可以輕委夫以中山王布衣兄弟功業蓋天凜凜不失尺寸宋公親奉行間不能則效敢以意自爲出入寧止狝鷲而已金山之役詔戒至三終不能率要之非大將材 聖祖以二王旣逝特以勇畧不得已用之又次及于涼公皆不克終蓋以悍將事嚴主

理勢固然無足惟者顧其功遠在既寧上既寧智人也  
亦福人也宋公智既不長福又遠謝寂寂至今不聞一  
綫一酌之報吾是以憐之叙其功列于六王之次

穎國傅公

公名友德宿州人徙礪山驍勇多力擊刺騎射絕一  
時元季兵亂從李喜喜破山東燒上都宮闕李敗歸明  
玉珍又從陳友諒皆不能用 高皇伐江州謁見小姑  
山 上奇之俾爲別將屬常遇春從援安豐掠廬州還  
從戰鄱陽湖操輕舫深入身被數鎗手殺數百人微涇  
江口大戰友諒死第功最復從 上圍武昌城東南有  
高冠山下瞰城中 上顧諸將誰能奪此山者友德率  
萬人一鼓而登流矢中頰鏃出腦後復洞脇不爲沮武  
昌平授雄武衛指揮使從徐大將軍下廬州西取夷陵

諸郡縣破擒其將任亮還師淮東克秦州進逼淮安破  
張兵下馬驢港獲戰艘千大破竹貞于安豐 上方蹙  
張士誠命公守彭城王保保遣大將李二來寇勢漲甚  
駐陵子村公度兵寡不敵調其散掠率步騎二千自呂  
梁渡直趨擊之驍將韓乙出戰單騎刺墜馬遂敗之度  
賊益兵且復至歸而陣于野臥槍開城門以待李二果  
盛兵至鼓之士騰搏賊大敗之縛李二以獻 上悅進  
江淮行省叅政召入以麾蓋鼓吹送歸第翌日復命中  
書叅議李飲冰楊希聖携音伎一部就飲冰等裸而酣  
上怒皆黥之諭公曰若擐甲胄出有死一歡之固當而

彼十人何爲者吾不而咎也明年大將軍北征 上所  
褒勉不四五人而獨謂叅政友德與右丞薛顯勇畧冠  
諸軍可授先鋒當一面復 召諭曰昔漢高與項羽爭  
衡彭越宣力山東今用兵自山東始汝其勉之從破沂  
州斬王宣下青州連收山東河南進克元都精騎偵邏  
古北諸隘從定中山真定進兵太原王保保來援兵未  
交萬騎突出壓營而陣公帥死士五百衝却之因合謀  
夜掩其營王保保棄軍走復收賀宗哲于石州逐竹貞  
至宣府復從大將軍西入關走張思道逼臨洮降李思  
齊大將軍圍慶陽公以驍騎扼走路慶陽下關陝悉平



功最多洪武三年復從大將軍擣定西大破王保保移  
兵伐蜀領前鋒出秦州奪畧陽關虜其平章蔡琳八沔  
分兵由鳳翔經連雲棧合攻漢中克之以饋運不繼還  
軍西安蜀將吳友仁謀復漢中兵大至守臣告急公以  
精騎三千攻斗山寨夜令人各持十炬列山上蜀兵疑  
大軍至驚遁凱旋大封功臣授開國輔運推誠宣力武  
臣榮祿大夫柱國潁川侯食祿千五百石尋進同知大  
都督府事四年議伐蜀湯和廖永忠由瞿塘以舟師取  
重慶公由秦隴以步騎趨成都上密諭公潛取階文  
馳集諸軍揚聲出金牛而密覘階文守禦果單弱因引

兵自陳倉攀援巖谷晝夜兼行直抵階州守將丁世珍  
倉皇拒戰擊走之階州下遂趨文州蜀人斷白龍江橋  
自固友德立督兵修橋以渡遂拔文州渡江所至皆不  
戰而潰進拔綿州漢水漲伐山木造百艦以渡欲通軍  
聲湯將軍爲木牌數千書克三州日月投之順流而下  
蜀守者見皆解體艦成圍漢州其丞相戴壽太尉吳  
友仁等分瞿塘守兵來援至則公已破其守將向大亨  
親督勁兵逆擊大敗之拔漢州進圍成都壽以巨象載  
甲士前戰公勒強弩挾火器衝之象皆却走兵躡藉死  
亡數萬高皇引兵功切責東諸將所書木牌亦達東

軍遂直前破扼江諸柵進逼重慶明昇降壽等聞之悉  
降分兵徇下州邑克保寧執吳友仁第功居首別爲文  
褒揚永忠次之湯將軍不與焉明年副馮將軍由西路  
出金蘭先率驍勇五千馳趣西涼進畧甘肅手射殺平  
章不花至瓜沙州大捷是時師出三道獨公獲全勝而  
以主將坐小法不被賞踰年復爲前鋒出塞虜聞絕漠  
徙去還軍填北平上疏言五事其一請通清河涑水便  
漕粟其二宜招撫流民給以種具復三年其三古北等  
隘罷民守戍發兵千人代之便其四關外新附丁口貧  
宜給衣糧厚恤其五北平郡歲供億大軍宜有以紓之

上褒允下所司速行尋召還扈 皇太子諸王講武荆  
山下與諸徹侯俱增歲祿千石同中山侯和備延安伯  
顏帖木兒僞請降 上陽召和還留公以誘果入寇大  
破擒之 上將取雲南命巡行川蜀永寧雅播等處修  
城郭繕關梁因兵威撫金筑普定等諸土夷皆納款還  
獻馬五百虜寇邊復以征虜右副將軍從大將軍出塞  
抵北黃河夜覆其灰山寨十四年命爲征南將軍率左  
副將軍藍玉右副將軍沐英騎步三十萬討雲南 上  
親餞龍江諭以方畧受命至湖廣分遣都督胡海洋等  
由永寧趨烏撒而自率大軍由辰沅取貴州道進攻普

定克之羅鬼狁獠諸苗望風降至普安復攻下之遂進  
兵曲靖梁王把匝剌瓦爾密遣其司徒達里麻來拒戰  
用沐英策大破擒之遂平曲靖白率衆擣烏撒藍將軍  
趨雲南梁王走死欲通胡海洋兵循裕孤山而南諸蠻  
皆遁將城烏撒蠻大至故持重不戰老之忽鼓上騰奮  
大破其衆城成得七里關以通畢節克可渡河于是東  
川烏蒙芒部皆降 上諭公梁王尚在靄翠不降雖有  
雲南亦難守遂進兵至大理宣慰使段明獻書請如唐  
宋故事降印頒曆願修職貢永爲藩服公怒拷其使諭  
速降明再上書曰善關危如登山大理險倍投海漢武

習戰僅置益州元祖親征梁王分土自古平天下易平  
雲南難且用兵之道講和爲上全師爲奇大國既有其  
兵小國亦有其備迨乎食盡畜死將獨兵離爲天下笑  
將軍悔晚矣公大怒與沐英斬關入大破斬之分兵取  
鶴慶略麗江破石門下金齒車里摩些和泥平緬悉降  
靄翠宋欽皆出降獻梁王眷屬及威順王子伯伯于京  
師凡三百餘人頃之烏撒諸蠻復叛公會沐英進擊而  
使指揮顧成擊破西堡蠻賊七月大破蠻兵斬首三萬  
餘與英引兵東攻諸蠻之未附者搜其潛匿悉殺之十  
六年元普顏篤先不花據鄧州復叛公自七里關回軍

大理平之攻北勝麗江前後斬首萬三千餘級雲南悉  
平因土俗定租賦興學校瘞戰骨廣屯田設寘諸司大  
小相維事遂大定 詔公等還京獨留英填之進封賴  
國公食祿歲三千石于誥及世參加賜米千五百石以  
征虜左副將軍同大將軍勝北襲虜將納哈出于金山  
盡降其衆大將軍以譴召歸留公鎮撫尋命部諸降將  
還京討平廣西反者東川蠻復叛往討并討叛酋阿查  
皆破之還命與諸將駐兵湖廣要地休士且以壓服諸  
蠻之叛服不常者尋赴北平練卒從燕王出古北口悉  
收其部落踰黑嶺至鎌子海窮熊皮山而還召歸加賜

還鄉請懷遠田千畝 上引公儀休事論止之再遣練

兵備邊復理山西諸衛兵已副宋公總山西河南兵馬

屯田公侯在事者悉聽節制還進兼太子太師尋復與

宋公往北平山西備邊聽秦燕二王節制二十七年十

一月暴卒二子忠尚壽春公主爲駙馬都尉讓金吾所

鎮撫

先是藍玉誅友德以功名內懼定遠侯王弼謂友

之會冬宴從者徹饌徹不盡一蔬 上責友德不敬且

日召爾二子來友德出衛士有傳 上語口謗其首至

頂之友德提二子頭以入 上驚曰何遽爾恐人也友

德出匕首袖中曰不過欲得吾父子頭耳遂自刎 上

怒分徙家屬 遼東雲南

按宋穎二公暴卒各書皆本國史不敢增一字余深恨

之妄有謗斷比癸亥入京抄得名山藏一書乃何司空

附國臣專 卷二 三



臣等所著有前一說及馮公之云司空多聞博學必有  
所據且義例精核不輕信不輕收余既寡陋不曉出自  
何書又在事機務匆匆與司空相會頗稀不及細細請  
教顧其說駭人耳目不忍舍爲存之而細其行以俟議  
者若曹公事則國史詳詞甚明及不可例論也

嘉靖元年巡撫雲南都御史何  
孟春奏潁國公友德宣德侯朝興汝南侯思祖皆雲南  
開疆之臣請立祠致祭賜廟額許之額曰報功友德後  
在遼東者嘉靖中有御史鎬在雲南者嘉靖中有給  
事中良弼

朱史氏曰潁公有宋公之功而無其過乃三數月中相  
繼暴卒并停襲封若曰 高皇末年疑忌殺戮則防其  
父可耳何以廢其子世間奇偉人遭此氣運功成身死

總只一死雖死猶生或兵或糴不妨明言以志 聖人之失而寂然不著本末謂有所諱與畏則韓涼二公不啻詳言謂可畧不必細書則一代大功臣生死之際豈宜草草此秉筆諸公不得辭責而尚論者動曰寬仁大度曰愛惜功臣此只可論本心不可論作用 聖祖如青天白日其心天心也其威天威也欲殺便殺殺之不當亦多自悔未嘗一毫掩飾至于文人體面話頭尤所厭聞決不任受何事曲爲之辭獨惜公之沈寃進不得聲于廟廊退不得寫于典籍雲南一祠殊覺荒寂至今山陝浙閩之間傅姓者皆引爲遠祖理有之未可盡以

爲妄也

韓國李公

公名善長字百室定遠人有志計讀書處持文墨策事  
高皇略滁陽善長進謁 上謂里中長者禮之收爲掌  
書記屬曰倉卒聚兵人自爲心又謀士持案牘多毀惡  
諸將以致敗事調之如一是在平時密啓此儒者事汝  
能任之吾事濟矣善長受命朝夕與密謀諸將有來歸  
者悉其本末言于 上復爲 上布欵誠而中有以事  
力相勸殘者委曲調護人皆安之一日 上從容問曰  
四方戰鬪天下何時定乎對曰秦亂漢高帝起布衣豁  
達大度知人善使不嗜殺人不五載而成帝業胡元酷

暴視秦元烈以故羣雄蝟奮土崩瓦解 主公濠產距沛不遠與漢高帝同受山川王氣能法其所爲天下不足定也 上曰漢高帝所用豪傑未有踰張良韓信蕭何三人者今徐達勇力或可方信君可當張良蕭何乎對曰良智許絕人後世鮮比善長何敢望若供給饋餉或可效蕭 上曰良不可得矣今天下才智之士可擬良者幸以教孤將就見之對曰世豈乏才顧善長不能悉知惟知金華宋濂博學洽聞且知象緯 上曰以孤所聞知象緯者莫如青田劉基是年滁陽王疑 上奪其權招善長不應 上曰此吾父也安得辭終不肯應

滁陽旣沒 上填和陽元衆猶盛 上自畧地收兵善  
長以一隊守城元兵來襲設伏大敗之 上聞甚喜曰  
不謂儒者乃辦吾事方謀渡江會巢湖將僉通海廖永  
安等以舟師萬餘請降 上曰天贊我也旣渡泛牛渚  
拔采石乘勝取太平 上命善長置榜諭士卒擄掠必  
斬 上自稱大元帥以善長爲府都事巴克建康取鎮  
江與諸將奉 上爲吳國公軍機進止章程賞罰皆佐  
處分 上益禮任之擢行中書省叅議師行必留守轉  
調兵餉安輯居民 上爲吳王拜右相國請立茶法洪  
都鑄錢設局湖廣開鐵冶定魚稅裁取有衷民不困而

國用足。上與諸將議伐張士誠善長以士誠兵尚強，饒蓄積請緩之。上不聽。卒用徐大將軍言，先取淮。當時李濟尚據濠州，善長以書招降之。既平浙西，興鹽法，力請上卽帝位。上曰：「常笑陳友諒甫得一隅黃屋，左纛自雄，未幾頽滅。我安能復效之？天命果在我，應自有時。」毋庸汲汲。士誠就縛，以勞封宣國公，賚賜如大將軍。更百官制，始尚左。善長爲左相國。上嘗謂羣臣曰：「吾以布衣起兵，時李相國里居最密，邇徐相國及他大將遠不過百里，寧自望貴乎？今者賴諸公力，一旦舉天下大半，雖然中原未平，焦勞之日，豈能坐守一方，忘遠慮。」

平十是善長與大將軍謀北伐及徇東南諸州郡 上  
懲元政縱弛頗用重典一日謂善長法有連坐三條不  
已甚乎因請自大逆而外皆除之既而命與劉基等悉  
裁定律令復率羣臣勸進三表乃許進卽位儀 上御  
新宮歸功臣下告于 上帝皇祇有帝賜英賢爲輔之  
語戊申正月 上卽皇帝位一切冊典皆充大禮使改  
中書左丞相善長請緣元舊以 皇太子領中書令  
上不許曰元氏胡也事不師古何足法且令吾子尊師  
傅習經傳通古今識達事宜他日軍國機務皆令啓聞  
何中書令也于是議置東宮官屬卽諸勲德大臣兼之



以示父子爲一廷臣事之亦如一絕嫌間之疑命兼太子少師率禮官進議郊社宗廟禮 上幸汴梁居守者

三月便宜行事尋奏定六部尚書以下官制議官民喪服三師朝賀 東宮儀監修元史奉 詔編 祖訓

朝臣大小服色俸賜天下嶽瀆神祇名號封建藩國功臣爵賞優恤死事者家屬事無鉅細悉委與中丞劉基右丞楊憲謀而行之三年大封賞謂善長雖解汗馬勞然事朕年久給足軍食其功甚大進封韓國公授開國輔運推誠守正文臣特進光祿大夫左柱國太師叅軍副事左丞相歲祿四千石世襲賜鐵券仍免二死子免

一死詰詞比之蕭何時大將軍爲元功位猶居次善長  
錄寬博有器畧然意思劾叅議李飲冰楊希聖黨之矣  
中丞基爭法而詢上方獨斷事寄如故而言不盡行  
且厭之矣明年引疾乞解任賜臨濠地及佃戶踰年督  
建臨濠宮殿賜以牢醴茗漿從江南富民十四萬田及  
地諭善經畧毋使失所凡留臨濠者數年擢其弟存義  
太僕丞義二子伸佐皆羣牧所官尋以長女臨安公主  
歸其子祺拜駙馬都尉歲祿六百石初定婚禮公主修  
婦道甚備居一月御史大夫汪廣洋陳寧疏糺善長因  
子祺尚主狎寵自恣陛下病不視朝幾及旬不知問

安祺六日不朝宣至前殿又不施禮大不敬請付所司  
論法父子皇恐謝罪 上赦之善長在 上前凡事不  
先發時爲小人覆過或時譴訶不當罪強爲對 上以  
爲柔好嘗賜勅曰爾太師善長昔當擾攘挈家舍皇謀  
生無所朕時帥師滌陽爾迎于道朕待爾腹心用如手  
足朕無上智于爾爾或小疵朕置不問遂成命世之英  
今無謂朕忘乎朕報功之誠神人共知爾年雖邁精力  
可爲何至比小吏枉功臣夤昏定擬詭辭符奏國有定  
律奏對不寔者杖心欺者斬卿欺矣然大封有誓免爾  
三死今削祿千四百石爾其聽之克謹後戒庶有嘉貞

後以不悛復勅責自是意忽忽不自得尋起與曹國公  
文忠議軍國凡大事悉聽裁審而後奏行督南郊園丘  
工洪武十三年勅左丞相胡惟庸等反狀 上親臨獄  
具謂惟庸嘗以兄女妻善長弟存義子佑相表裏爲威  
福旣數以事見督皇恐起邪謀誘吉安侯陸仲亨平涼  
侯費聚使出招士馬爲外應先與存義謀後告之善長  
善長始大驚不聽已惟庸復謂存義苟事成盡擗淮西  
地王太師善長心動乃歎息起曰吾老矣惟爾等所爲  
又旬日惟庸過善長延之東西嚮坐屏左右欵語良久  
人不得聞但遙見額首而已惟庸遂與倭通俾以精兵

寓貢舶缺許害 上而掠庫兵入海事發 上乃賜惟庸與御史大夫陳寧死時費聚已前死羣臣請併誅善長與吉安侯 上謂吾年二十七識善長兵間善長年四十一所言多合遂命掌簿書贊計畫爲功臣爵上公女女其子此吾微時股肱腹心其勿問止誅存義併救佑尋召理臺事議文臣贈封廕敘例十五年河南水命祺賑濟善長復請老二十一年肅清逆黨榜列功臣五十七人善長居首又二年善長年七十七嘗欲營第宅從信國公和假衛卒三百人役和探得 上背攘臂口太師敢擅發兵耶密以聞復有坐惟庸株累當徙邊者

皆豪善長私之數以給其親 上惡之而永昌侯藍玉  
破虜捕魚海兒獲其遺臣封績乃惟庸謀亂使于虜者  
善長匿不以奏後事發下鞠得績往來沙漠私書有善  
長手蹟廷劾當誅不報會有言星變其占當移大臣于  
是御史再論劾善長捕佑伸置獄獄具謂惟庸初爲寧  
國令善長薦之趨爲太常少卿以黃金三百兩謝及惟  
庸反謀定善長遣家奴耿子忠等四十人從皆厚得其  
金帛惟庸復以西域古劔白玉壺玉刻蛟龍螭桃脯善  
長羣臣奏請誅善長不許仍手詔慰諭之召諸 耒天  
殿與語開創艱難爲流涕至右順門謂羣臣曰太師老

矣吾欲幽宥佑伸死以慰大師心何如羣臣固言善長反狀明甚三尺法非陛下所得私上曰法如是奈何善長大慟曰臣誠負陛下恩無面目見羣臣歸而自經死佑伸及吉安侯皆坐棄市特赦諸子以禮葬之卹其家都尉公主徙江浦都尉卒于永樂元年二子茂指揮僉事芳鎮撫孫恒停襲恒生城堽城生宣宣生巒嘉靖中錄絕封改文資世襲七品其餘猶居金陵聚寶門外善長死之明年御史解縉代虞部郎中王國用爲稱寃言善長與陛下同心出萬死以取天下勲臣第

一生封公死封王男得

尚公主親戚拜官人臣之分

概矣富貴無復加矣藉令欲自圖不軌未可知而今謂其欲佐胡惟庸者則大謬不然夫人愛其子必甚子兄弟之子安享萬全之富貴者必不佻倖萬一之富貴善長于胡惟庸則猶子耳于陛下則親子女也使善長佐胡惟庸成不過勲臣第一而已太師國公封王而已尚主納妃而已寧復有加于今日且善長豈不知天下之不可倖取取天下之百危當元之季欲爲此者何限莫不身爲蓬粉覆宗絕祀能保首領者幾何人哉善長胡身見之而以衰倦之年身陷之也凡爲此者必有深仇激變大不得已父子之間或至相挾以求脫禍今善



長之子麒麟備 陛下骨肉之親無纖芥之嫌何苦而忽  
爲此若謂天象大臣當灾則尤不可天下聞之孰不解  
體臣亦知善長已死言之無益所願 陛下作戒將來  
耳 上雖不能用亦不罪也

弇州外史曰 高帝神武所斷決皆自臆而善長奉行  
之卽善長功胡能比蕭鄧侯哉爵爲上公位至太師贈  
王之約同於帶礪其班先徐武寧恩數百劉文成而中  
不愆人亦不異議者 帝固有以心知之也人臣無將  
將必誅身從逆而再屈法以寬之必不得已而令自盡  
以禮葬恤 帝之恩德不亦深厚加諸公萬萬哉雖然

其初獄抑何曖昧少證也隱之十載而後發發之後一  
獄辭視初十年而加詳者寧能使善長瞑也嗟乎王國  
用之疏可味也已

朱史氏曰韓公之死王國用一疏發揮明切 高皇亦  
無辭以解然止論韓公之地位未究當日之事情也韓  
公有心計而無遠識觀其料張士誠一節便可槩見既  
以布衣特起佐平天下富貴已極毫且勸勤而 高皇  
益振厲法在必行雷霆時擊 上之恩既不勝其威而  
摧折甚多下之懷又不勝其懼韓公久居班首屢旨切  
責奪祿甚曰欺可斬危矣日岌岌焉憂及身家徇第姪

之言密通惟庸爲脫死計應亦有之要之惟庸以黠才  
偶當 上意而奸僞情狀傍觀豈不了了伯溫顯與之  
抗中山屢爲之言而我以姻故相暱此豈腹心功臣善  
自保全之策乎昔蕭何常識韓信矣身追之自亡命立  
拜大將特達之知千古無二然鍾室之斬卒給之使入  
蓋古人一心爲國識大計如此並稱三傑抑有由來使  
何以舊恩終始與信綢繆恐其辱決不止械繫而王術  
尉亦決不得以一言動漢祖之聽今韓公籌軍食輯和  
諸將誠可比蕭何而其知人則遠不及雖歷識景濂不  
能識伯溫而歸宿乃貿貿于惟庸之邪說舍曰舉發而

又比焉惟庸族矣第且坐死矣猶徘徊觀望遲之十餘年迫而引決總之是世味中人構風雲履盛滿不制而敗終屬可憐溫陵嫂罵儒者頗爲上上人說法而乃以辭爵分祿責韓公以隔靴搔癢詆國用此豈其聰明之極真可抵掌千古者乎

### 僉事王公

公名濂字習古定遠人父子良敏給多智定遠令愛之俾爲書佐辟河南行省掾卒濂好讀書知大義習聲討音節韻趣皆有法推擇爲定遠吏有謀策令長以賓禮

遇之元季政亂豪傑並起歎曰保宗族救民可也走頰  
毫說其軍帥使反虐政無害民軍帥喜留爲萬夫長至  
工部尚書非其好也又度必無所成聞 上克金陵乘  
間挈家南渡時李韓公其婦兄也在 上左右亟言之

召見遂詔爲執法官悉心詳讞務協于中活丹陽令白  
齊應天知府王子謙 上深簡注陞爲中書員外郎遷

浙江僉事巡行郡縣貪墨蠹民者擊去惟恐後餘則務  
存大體觀風宣化而已一日大風晝晦 詔求直言歷

述災傷病民竟爲之罷征俄得疾家居洪武三年卒年  
五十七 上深痛惜之每謂善長曰王濂識力真王佐

材今捨朕去朕失一臂卿肺腑亦安所托後善長坐事  
上歎曰王濂在必不至此濂恂恂儒者與宋景濂相善  
或共論議或掀目吐氣指方畫圓滾滾數千言不休臨  
大事神采精緊毅然有不可奪之氣面折人過性又慈  
惠在戎行務以不殺爲勸且導人辟兵之方賴以生者  
甚衆事親曲意承顏咸曰孝如王習古庶幾無愧子二  
伯驥先卒仲佐篤學好古凡法帖名畫多能鑒定且善  
虞世南書以才爲鎮撫

叅議權省事公

公名麒字國祥定遠人負英氣多謀畧 上在臨濠引

兵趨定遠之池河初縣之大姓陳氏與麒謀招健兒屯  
守挾縣尹某爲帥自固聞大軍且至皆棄妻孥走麒獨  
扶尹來降 上指謂侍臣曰衆皆潰而麒獨降非有識  
者不能留與飲食籌征討之事密謀曲算甚當 上意

禮遇甚隆既取滁州擢行軍總管府經歷司其倉廩兼  
掌晨昏曆以指將帥之失伍者未幾取和州軍威益振  
上以始事之初唯兵食最急仍命護滁州倉既渡江克  
太平開江南行中書省徵還陞爲郎中是時 上左右  
唯公及李韓公凡政令解劄羽檄皆二公相與協贊之  
及建康下陞爲叅議官戊戌冬 上親征婺州權署中

書省事方寄心膂委任俄病卒 上親爲文御鎮淮橋  
而祭慟哭良久直至塋所視其下棺始還子驥時備宿  
衛俾就儒師學 親自訓督命爲管軍千戶大兵征漢  
鄂定襄沔卞吳興俱從征有功 上卽帝位擢親軍指  
揮僉事從平中原陞指揮使世襲滕州段士雄反驥帥  
師討平之倭奴寇浙東會浙江太倉諸軍捕斬五百餘  
級進僉大都督府事





朱史氏曰 皇祖萬古一君也勲臣首徐中山謀臣首  
劉誠意似是天造地設不可移動溫陵獨以陳靜誠歷  
誠意之上人情好異何所不至然考靜誠召見時年方  
彊仕非秦元之篤老比魯爲教官亂而退隱非輕世肆  
志者比得遇 聖主叅幃幄受差撥蒙賞賜非洗耳投  
淵果于忘世者比其決于辭官辭而 皇祖亦不力彊  
此其人本末可知始爲元之所薦旣又合薦陳文輝博  
得飛龍在天一書聲氣學問自是儒者一派然汶輝辭  
于始應于後卒以迂滯投金水橋以死

見開國  
卷 靜誠逸

死非遜官也當日與王景象得此數人點綴自負先天

學王佐才未肯卽執臣禮 皇祖因而風厲待之非三  
僚非四皓外不失尊禮之名而內收豪傑嚮用之實豈  
與用事諸臣謀功實分高下哉始事草創仕隱都不可  
著則收之李韓公之後而已

飛龍在天書

王師東渡之日士民仰戴之辰忽得翰音  
不勝舞蹈夫易之九五飛龍在天釋者謂

剛健中正以居尊位如以聖人之德居天子之位故其  
象占如此其義亦旣彰矣公以此爲問請齊其旨蓋龍  
本神靈聖人之德入於不可知者人中之龍也龍惟不  
飛則已一飛則駕風雲而雨天下萬物爲之淳淳矣聖  
人不作則已一作則攬英傑而濟羣生萬國爲之熙熙  
矣故易以龍象聖人而以龍之飛在天象聖人之作而  
在位噫古今凡幾變世道凡幾新以龍德位天者幾見  
於御觀滄察始畫八卦爲萬世開太平者伏羲氏之龍  
也務農制禮始通貿易爲萬世開衣食者神農氏之龍  
也黃帝堯舜龍也垂衣裳而治龍斯飛矣禹湯文

武亦龍也以禮樂爲化龍斯飛矣由百世之後等可也  
之王飛龍在天僅有數主降是則有德無位龍矣而不  
飛也有位無德飛矣而不能也龍而不飛者孔子是也  
其所抱負日月而可三年有成緩來動和之神豈下於  
五帝三王而不位乃潛天下所以春秋也若乃飛而不  
龍者不可勝計夏自啟仲康少康帝世數主之外凡十  
二君商自太甲太戊祖乙盤庚武丁祖庚數賢君之外  
凡二十一君周自成康穆宣數主之外凡二十四君秦  
魏列代姑置勿論兩漢凡二十四君可稱者七制耳唐  
二十一君可稱者三宗耳宋十八君可稱者亦止五六  
君耳求其足以克飛龍之號而充爲皇極之主者則未  
也是果天地之氣運自盛而衰猶人之自少而老不可  
以力爲乎不然何上古迭興而寥寥於後世也或謂聖  
人作易以範圍天地人物之數陽畫則一陰畫則二以  
天地間治日常少亂日常多故聖賢不世出噫有是哉  
陽一陰二象奇偶耳元氣流行乎寒暑晝夜者自開闢  
至今無一時不得其平乃于人類世運則獨饒于陰而  
乏于陽豈常理耶天人交勝君子不謂命書固曰惟聖  
罔念作狂惟狂克念作聖太甲嘗覆典刑怨艾一新遂  
爲百世令主人品何常之有宋太祖不由師傅洞開重

門數語三代後無此音響殆有平平蕩蕩氣象故朱子謂其直與堯舜之心合是真有聖人之資使程子得際其時以爲之輔三代下又嘗見一真龍飛矣奈時無王佐有孤二儀篤生真主之意惜哉神宗不傾心磨程而傾心安石則又失之悠悠宇宙吾不得見之歎且五百年又始有今日龍飛而吾士君子所以致君爲堯舜者果何以哉大抵有蓋世之道術斯有蓋世之功業楚龍鱗而上之決非尋常鱗介所能辨也唐有魏徵取君不如堯舜以諫諍爲己任志亦高矣然堯舜其君諫諍云乎哉宋范希文第一等人物考其立朝大節固善而根本議論竟亦少見蓋堯舜其君其權輿在自正區區類舌設施間抑末也某嘗讀大學一書占聖賢皆自此中來今所以不古者正以此一部書不見效於世耳今日果能以此自荷使大學本領工夫實見於吾身則格心事業在是吾君果能用之大則爲五帝三王次可爲太甲成王不然雖欲云云皆苟而已然正君非難正己爲難使爲於己未如吾意何望天下事盡如吾意君臣相遇自古爲難而其大有未易言者某讀前史或臣有致主之術而君不能任則爲臣悲君有帝王之略而臣不能佐則爲君悲長抱悲吟所瞻真主易曰雲從龍風從

虎聖人作萬物觀正我君子匡濟之  
期堯舜君民之日何幸恭祭其虛



元之秦公

公名從龍字元之洛陽人仕元累官和林行省左丞  
陝南行臺侍御史會兵亂避居鎮江丙申王師下金陵  
遣大將軍達下鎮江 上謂達曰其地有秦元之者若  
存老成當詢訪致吾欲見之意達物色得之時從龍猶  
從孫永爲達部軍因遣還報 上喜甚命兄子文正奏  
朱文忠以金綺聘之遂與妻陳偕來 上親于龍江迎  
入時 上寓王綵帛家因邀同處朝夕訪以時政公盡  
言無隱旣而 上卽元故御史臺爲府居公西門外用  
爲南臺侍御史不受事無大小悉與諮謀密書漆板間



答左右皆不知 上稱先生而不名每歲生日 上與  
太子皆有贈遺或親至其家與之燕飲禮遇甚厚乙巳  
從子澤歿告還鎮江 上出郊握手送之是年十二月  
卒年七十餘 上聞驚悼未幾督兵至鎮江親臨哭之  
命有司厚卹其家同時建康周良卿丘某三人素有德  
行 上入城以禮延請詢政事號曰三老敬重之時  
傑士退隱者甚多無不聞風自奮思佐成大業矣

葉公

葉公名允字良仲寧海人以經濟自負尤精人文地理  
卜筮之學 上旣取太平仰窺天運有歸乃以布衣獻

武事一綱三目策一綱者先定規模北絕李察罕之招  
誘南并張九四之僭據督方國珍之歸順取閩越之土  
地卽建康以定都拓江廣以自資進則越兩淮規中原  
而取天下退則保全方面而自守三目者一取張九四  
圍平江擣巢穴用鎖城法困之爲上策取紹興進兵杭  
州略湖秀攻平江爲次策二取溫台慶限以歸順之期  
不則興兵脇以必從三取福建先遣辯士說之不則進  
兵一自溫處入一自海道夾攻福州必拔移兵兩廣可  
傳檄而定凡千餘言上奇其言留用之力辭賜金幣

歸



靜誠陳公

公名遇字中行一曰仲行先曹人高祖義甫宋翰林學士徙

建康父辛之元淮南鹽課提舉遇資稟純粹識度超遠  
博通經史尤邃先天之學元末爲江東明道書院山長  
溫州路學教授兵亂歸建康扁其室曰靜誠人因號曰  
靜誠先生每夙興焚香叩天願蚤生聖人救世 高皇  
渡江御史秦元之薦其學行才識以書聘之曰子因胡  
元入馭海宇瓜分豪傑與兵共爭疆域干戈四起黎庶  
流亾天命歸予提兵東渡遂取臺城歷思自古英雄創  
業誠難獨理轅門雖有將士帷幄惜無軍師恒側席以

求賢定太平以開國比聞老先生世居江左學貫三史  
六經博覽兵書百技才兼文武超越等倫賢哲天生實  
我良輔崇儒重道今古皆然湯文曾徵伊呂先主猶聘  
孔明予不敢以前代明王自期先生當以伊呂孔明奮  
起倘以生民爲念須弘恤患之心應天順人敷陳遠畧  
非欲奮爪牙以黷武其實資文德以安民助成大業列  
爵胙土以報功德子孫傳襲與國終始豈不偉與與其  
發光歛迹以全已何如濟時行道以成仁拱俟車塵起  
展素蘊蓋丙申四月八日也馳入見與語大悅稱先生  
而不名籌謀帷幄益見親信幸其第者三甲辰 上卽

王位賜冠帶授供奉司丞不受戊申卽帝位陳治道以復中國先王禮教爲首務三授翰林學士不受乃賜肩輿選衛士十人贊其出入洪武庚戌春承命往兩浙廉察民隱還朝密有所陳賜白金綵段除中書左丞力辭辛亥召對華蓋殿賜坐命草平西詔賞賚有加授禮部侍郎兼弘文館大學士復辭時西域進黑馬一甚奇召入觀引漢故事以諫上大悅賜大銀一錠除太常少卿又辭上不許沉吟良久從之歲辛亥除禮部尚書固辭上嘉歎連稱君子且曰士之有志節者功名不足以及介意其卿之謂乎朕不强卿以成卿之名也自是

每燕閒輒召問古今得失嘗值暑賜歸時功臣多有過  
譏力爲救解每從寬釋 上嘗諭曰先生有子著來帶  
刀隨侍朕當重用對曰臣三子皆幼俟其讀書成立以  
圖報效 上悅賜對衣兼金當是時寵遇之隆雖公侯  
卿大夫無與比者甲子秋病作太醫省視尋卒年七十  
二 上震悼不已諭祭賜葬鐘山祖塋之次 上所賜  
詩文翰墨甚多并公所著述嘗燬于火故所存無幾今  
見世德錄子欽誠俱蚤卒弟恭字中復嘗隨公侍 上  
由鄉貢仕至工部尚書文章政事克世其家

皇明開國臣傳卷之二

終

皇明開國臣傳卷之三

臣朱國禎輯

誠意伯劉公

公名基字伯溫處州青田人曾祖濠爲宋翰林掌書每  
陰雨積雪登高丘望其聚突無烟者賑之宋亡林融爲  
宋舉義元使簿錄融株連盡其里濠盛治牛酒延使者  
其家醉之胠篋私記渠率二百人而自火其室使者欲  
携簿走尋之不得濠佯驚第以所記二百人上曰此燼  
餘也衆並得免祖廷槐父煇有智許通經術爲遂昌教  
諭公少穎脫讀書七行俱下年十四通春秋徧及五經



工文章凡天官陰符家言無不精析其奧講性理于鄭復初先生聞濂洛心法元末舉進士揭曼碩深愛重之曰子魏玄成流也而英特過之濟時器也在燕市得天文書一冊閱之翌日卽背誦如流其人驚以歸之笑曰書在腹中矣授高安丞進賢有老人卻祥甫者善天文一見驚曰公聰明絕世器質宏深當爲一代偉人盡出秘書相授在官以廉節著摧抑豪貴人多怨之嘗反新昌故獄檢官以罪去嗾謀中傷行中書省移基入幕府避之與其長抗議不合投劾去尋補浙江儒學副提舉充考試官上言御史失職數事受臺抨歸乃與魯道元

宇文公諒日縱酒游西湖一日有異雲起西北二人以爲慶雲將賦詩公大言曰天子氣也應在金陵十年後英主出其下我當輔之衆駭散獨門人沈與原京共

飲沉醉乃別西蜀趙天澤尤奇之以爲諸葛孔明之流天下方有事幸自愛勿落小盜手方谷珍反海上省憲群公元帥府都事築慶元諸城逼之時左丞帖里貽木見議招撫公恃不可曰谷珍首亂赦之無以懲後左丞稱善進公行省都事聞之朝而谷珍使人浮海至京賄用事者許谷珍官聽其降坐公擅持威福奪職羈館紹興并罷左丞公夷然曰數也一曰憤甚欲自裁門人抱持得止放浪紹

興諸山水游必有記多爲詩歌自適而谷珍遂不可制  
山盜蜂起行省復以都事辟治兵且撫且討寇悉平而  
是時石抹宜孫爲樞密院判負義幹公與之相犄角軍  
聲甚振自樞密經歷遷行省郎中方上功經畧使李鳳  
谷右方氏僅以故儒學資遷總管府判奪其兵權卽棄  
官歸集鄉黨自保衆避谷珍者多依以居著柳離子十  
八篇其醜物託類皆悲生民之塗炭歎國法之弁髦庶  
幾藏器以遇真主其辭甚多其意一也郁者文也離者  
明也九難篇做七發七啟爲之而其末歸于講堯禹之  
道論湯武之事憲伊呂師周召稽考先王之典商度救

時之政明法度律禮樂待王者之興客或說以勾踐事業笑曰生平惡谷珍士誠輩所爲今乃效尤可乎天命行有屬于姑待之時 高皇已下金華定括蒼公置酒延客指乾象示曰此豈人力也耶會 上使孫炎來聘付其衆弟陞曰善保境勿爲方氏窺遂與宋濂章溢樂琛間道走金陵旣見 上陳時務十八事盛言明公因天下之亂崩起草昧間尺土一民無所馮藉名號甚光明行事甚順應此王師也我有兩敵陳友諒居西張士誠居東友諒包饒信跨荆襄幾天下半而士誠僅有邊海地南不過會稽北不過淮陽首鼠竄伏陰欲背元陽

財附之此守虜耳無能爲也友諒劫君而脅其下下皆  
乖怨性剝悍輕死不難以其國嘗人之鋒然寔數戰民  
疲位乖則不驩民疲則不傳故漢易取也夫攫獸先猛  
擒賊先強今日之計若若先伐漢漢地廣大得漢天下  
之形成矣 上大悅稱先生而不名陳友諒傾國入寇  
陷太平將犯龍江 上欲禦之而衆恇擾甚有請決一  
戰者有以鍾山王氣請奔據者至有勸納款者公獨張  
目視不言 上召入問之公曰請賜臣劍先斬議降及  
奔者臣乃言 上曰事急矣言而後賜基曰友諒恃太  
平之勝盛氣東下我師縮朒勢已不敵然明公初有建

康圖國之始勝則王敗則虜奈何使諸將人人持所見夫驕易敗也創易懲也敗驕在彼創懲在我臣聞天道後舉者勝王師得人爲本明公若傾府庫以興士怒開至誠以固人心興王大業在此一舉且臣聞者望氣敵衰我旺決可取也 上曰善于是賜基劔令諸將盡拜基爲軍師有不服者斬之諸將竦然誘與戰盡覆其衆時 上雖定江東稱吳國公猶奉小明王座于中書省公怒罵曰彼牧豎耳奉之何爲不拜陳天命所在乃得止議代陳友諒力贊曰金星在前火星在後往必克此天意也遂進攻安慶拔其水寨請乘風直擣江州從之

友諒倉卒戰敗遁去馮勝攻南康 上使公授方畧書  
片紙付曰夜半出兵至某所見某方青雲起卽設伏項  
有黑雲起者賊伏也勿輕動日中旻而黑雲漸薄回與  
青雲接者賊歸也啣枚躡其後擊之可盡擒勝啟讀之  
初亦莫信已而具如所言始以爲神遂破賊取其城洪  
都守將胡廷瑞使其子約降要質請無分軍 上有難  
色公從後椅所坐胡床 上悟許之洪都遂爲我守友  
諒不敢越江直下矣前是公以母喪告歸 上固留不  
得行至是復伸前請特許而以禮官館伴賻祭踰等歸  
至備前軍叛殺守將徧人洶洶其將夏毅憂之迎公入

衆御帖伏爲移書諸屬邑俾固守已邵平章兵至悉誅  
諸叛將方治葬谷珍甲辭以幣來唁公白之 上使受  
而答之因騰書宣 上威德方氏遂入貢獻 上于軍  
國有所謀輒馳使以書來叩署名稱老先生公事事條  
答皆縣中機宜俄驛召還道建德張士誠來寇李文忠  
時爲帥奮欲出戰止之曰三日後必走走而尾擊可盡  
擒也三日公登城望曰賊走矣衆見壁壘旗幟如故且  
聞嚴鼓聲莫敢發公復趣之至其所則空壁留者皆老  
弱追薄之東陽悉獲其衆還京會友諒復攻洪都 上  
率師逆擊遇彭蠡湖方大戰公疾呼揮手曰難星過



上遽易舟返顧前舟已中礮碎矣相持未決請移軍湖  
口以金木相犯日剋勝陳氏遂平乙巳置太史監秩正  
三品公領之上戊申大統曆日中有黑子奏東南當失  
一大將已而叅軍胡深伐陳友定敗沒上方欲刑人  
公入見亟語之夢以頭有血而上傳故欲應之公曰頭  
上血衆也傳以土得衆且得土也應在三日上爲停  
囚待之果杭州及海寧降上悅悉付公縱歸焚賊守  
心羣下皆惴惴以上且有誅修密言宜下書罪已以  
回天意明日上見羣臣自引咎衆乃安大旱上特  
命公諡滯獄甫決而雨隨注時公最爲上信嚮言無

不聽中書叅政張景故元臣有二心使人上書頌上  
功德請及時娛樂明得意上出示公公質責曰足欲  
爲趙高也景色動懷忿乃使其腹心齊翼巖伺公陰事  
未發景先坐事誅司天告災翼巖遂飛章論公專擅顧  
所行皆取密旨或有請報可者上怒詰問知出張  
景襟于市上卽大位擢御史中丞仍領太史令諸大  
典制封賞冊拜皆公與左丞相李善長學士宋濂計定  
時處州七縣糧稅比宋制當加五升上獨令青田止  
五合爲額曰令鄉里子孫世世頌劉伯溫也或言有殺  
運三十年公慨然曰使我任其責掃除弊俗一二年後

寬政可復時李丞相貴盛公獨與抗李不能平而適以  
事見譴憲使凌說囚彈之公爲 上言李助舊且能輯  
和諸將 上曰是數欲害汝汝乃爲之地耶公頓首曰  
計大體安得及私 上乃解累欲加封謝曰 陛下乃  
天授臣何敢貪天固辭 上每稱曰伯溫吾子房也嘗  
因卜相問楊憲何如公素與憲善對曰憲有相才無相  
器夫宰相者任理爲衡而不以己與乃稱憲自用且不  
學未見其可問汪廣洋曰此褊淺殆甚于憲問胡惟庸  
曰此債轅破犂犢也 上曰吾固難之吾之相無逾先  
生公曰爲巨室者棟必大輕易棟而得小者寧無爲室

憂臣非不自知第臣疾惡太甚又不耐繁劇恐辜 陛  
下恩其後憲以怙寵廣洋以輒惟庸以不遜皆坐罪一  
如所言 上巡汴梁公與李丞相居守請于 上謂宋  
元以寬縱失國且今刑亂用重必使紀綱肅而後惠政  
可施許之遂督營宮省糾舉奸惡小者捕治大者啟  
皇太子施行中書省都事李彬貪縱事發丞相以彬省  
僚且素暱請于公求緩不聽獄具馳奏報可卽斬之丞  
相大恨俟 上歸訖公盛夏方祈雨僂人壇壝之下非  
所以奉承天意 上持其章不下而會公以妻喪告歸  
得免尋手書召還曰前太史令御史中丞基世居括蒼

懷先聖道天下初亂聞朕親將金華旋師建業卽別里  
間捐丘壟應聘而起相從羣雄未定之秋居則匡輔治  
道動則仰觀天象發縱指示無往不克曩者攻皖城拔  
九江撫饒郡降洪都取武昌定處城內變爾多輔焉彭  
蠡鏖戰砲聲激裂若雷臨首軍士大呼鬼神號怒自旦  
至暮如是凡四爾時在舟同我患難今秋告歸久而未  
至朕心缺然今天下一家爾當疾來同盟勲冊言非儒  
造實出朕誠爾遂命駕良慰朕心旣至賚賜甚厚是時  
上方幸鳳陽建爲中都銳出塞滅王保保公謂中都曼  
衍非天子居王保保不可輕也七月進兼弘文館學士

二年大封功臣先已贈祖父皆永嘉郡公至是封公開國輔運守正文臣資善大夫上護軍誠意伯祿二百四十石四年正月告歸八月手書問曰近西蜀悉平稱名者盡俘我之疆宇不少前王胡元以寬失天下朕今收平非猛不可然小人但喜寬恣謗罵國家扇惑非非莫能治卽今天象疊見天鳴已八載日中黑子又見三年今秋天鳴震動日中黑子或二或三或一日更有之更不知災禍自何年月日至卿深知曆數休咎討論封來卿年高靜處萬山中必有真樂使者往回勿賈以物茶餅發回公悉條對而焚其草大要謂霜雪之後必有陽

春今國威已立宜少濟以寬大云 上是之宣付史館  
遣其子璉上平蜀及甘露頌 上優詔以答時胡惟庸  
以右丞相攝左事憚公每思中傷公亦自料兩人不並  
立深藏以待凡天象及時務所宜必馳書以聞既括之  
間有隙地曰談洋南抵閩界曰三魁爲醜盜藪元末應  
方寇爲亂公奏以其地立巡檢司控扼之奸民謂地屬  
温州乃民業非隙地遂合逃軍周廣三逆命處州宿猾  
持郡邑事不以時聞公使璉上書奏之不先白中書省  
惟庸挾舊事益怒及宿猾逮至甚使訢公欲購談洋地  
爲墓不得則創立司之說以窘其人致激變具上當坐

罪 上不問復請逮其子璉又不問公懼馳入朝請罪  
留京師待詔 上明言有功不汝害也六年以文廟不  
陪祭受胙奪俸一月惟庸既益橫公私憂曰吾安敢希  
言驗卽驗如國家何邑邑得疾惟庸陽爲修好八年正  
月朔挾醫來視疾飲藥覺有物積胸中如拳久之浸劇  
使使問之知不能起三月給驛舟護歸 御製文賜之  
畧曰君子絕交惡言不出忠臣去國不潔其名爾基括  
蒼之士少有英名謁朕陳情用征四方天下一統加以  
顯爵垂名後世勅賜歸老以盡天年何圖蒙生致使不  
安國有八議奪祿存名卿趨朝不辨釋疑親君可謂不



漢其名者與惡言不出者與卿今年邁居京數載老病  
日侵朕甚念之可還鄉終天年稱朕優老之意四月念  
六月竟卒年六十五且卒以生平所習天文秘書封授  
璉曰亟上之毋令後人習也又爲一書勸上以修德  
省刑祈天永命且寬猛若循環然毋持一端諸要害地  
宜宿重兵與京師形勢相聯絡授其次子璟曰惟庸方  
在事上之何益是不久必敗敗則上思我其時可密  
聞也公剛毅有大節慷慨敢言遇天下事果勢勇壯不  
復返顧受上持知東西征討掃平中原一切皆叅密  
謀上或召入宮中或親至公所屏人語移時乃去自

中山王而外人莫得聞 上天威嚴重羣臣進對每戰  
惴失措惟公抗言直議不以利害禍福有所轉移與人  
交開心見誠遇所不可義形于色家居日飲酒奕棋未  
嘗自炫尚儉好讀書多行陰德所著自郁離子十卷外  
有覆瓿集二十四卷寫情集七卷犁眉公集五卷皆竣  
潔嚴勁爲時宗工初胡惟庸致毒 上聞而未嘗嘗問  
汪廣洋對以不知 上怒貶逐十三年惟庸誅于是深  
思公言召見二子慰諭之璉旣蚤卒二十三年命子鵠  
復故封誠意伯誥詞謂公父子俱沒于奸邪紊政之時  
其節不移故授前爵加歲祿共五百石世襲二十五年

卒子法幼而璟奏公遺疏拜閣門使遷谷王右長史北師起谷王開金川門降璟獨不屈法亦停襲永樂二年法與璟子豹進 太祖書詔宣德三年授豹刑部照磨卒法子拒拒子曇曇子祿景泰三年命錄公後守臣言璉七世孫祿幼不堪授官璟四世孫文謙可詔用祿七年授世襲翰林五經博士天順二年勅祠公于青田成化十八年勅取公像祿子憲未嗣官卒弘治十三年給事中吳士偉言公子孫宜世爵憲子瑜得爲處州衛指揮使正德九年賜誥曰劉基學爲帝師才稱王佐孔明之任豈間人言敬輿之謀不負所學占事考祥明有錄

驗運籌畫計動中機宜渡江策士無雙開國文臣第一  
受爵能讓懷辭金蹈海之風成功不居從辟殺封留之  
請可謂明哲允矣清貞贈爾爲太師諡文成嘉靖十八  
年刑部郎中李瑜言 皇上明聖斥姚廣孝 文廟侑  
享臣鄉人劉基宜侑享 高廟世其封爵如徐達 上  
是瑜言下廷議皆言 高皇收覽賢豪創造基業一時  
佐命功臣並軌宣翼而帷幄奇謀中原大計每每屬基  
故在軍有子房之稱剖封發孔明之喻基亡之後孫廡  
實嗣 太祖嘗召論再三鐵券丹書誓言世祿廡嗣爵  
未幾旋即隕世禡圭裳于末裔委礪帶于空言或謂後

胤孤貧弗克荷負或謂長陵紹統遂至疎嫌雖一辱  
塗泥傳聞多謬而載書盟府績效具存昔者武王興滅  
天下歸心成季無後爲善何勸基宜侑享太廟其九  
世孫指揮使瑜宜嗣伯爵伏惟聖明裁定制曰可公  
入祀太廟廡中列六王之下尋以爵序瑜嗣誠意伯  
食祿七百石與世券二十年瑜卒子世延嗣年少氣銳  
振武營之變擁諸大臣至小教場呼噪衆皆悸無人色  
不能出一語世延方僉府事與少司馬李遂呵殿至叱  
之氣色甚壯世延反覆論以國威騎頽墻罵曰汝等反  
反卽殺我大軍至盡殺汝等衆稍稍備乃散而聽命由

是自負藐諸公卿喋喋上封事見格忿而恣橫革管事  
益縱其下侵奪民田有詔勒回原籍驚不肯行曰我有  
鐵券捶死一人納一可免誰難我者蜂起徇疆目  
如顧瑄消家亦益貧不能支矣萬曆丙午下南京刑部  
獄死子孔昭嗣

宋史氏曰誠意神謀閱策隱見于亂世遇合于真主天  
意實然指畫張陳形勢與中都北寇若卜相諸事卽留  
侯諸葛何以過焉必坐之曰術術平天下其爲術也孰  
大于是夫爲元進士則忠于元爲元逐臣則養晦俟時  
力色事元進士則忠於元爲元逐臣則養晦俟時  
佐成大聖人事業伊尹之去就千古迥合非常之人非

常之事拘儒安能測識漢高豪傑也恢廓多大度又數  
圍兵而灌于色易與故留侯可以托赤松之遊總不失  
柔道本色我太祖豪傑而聖賢也經綸密察運天下  
于掌上嚴束諸將相喜任事惡避事多疑難犯誠意聞  
謗挺身歸命僅得自完若一有所托要領卽分家族滅  
矣六爻皆剛終克有濟嗟乎周孔而後歷代佐命只此  
數人弁州旣以出處訾誠意溫陵推而居留侯之前又  
言知天文不能知胡惟庸之毒死筆端頓挫各一見解  
自喜要非定論姑舍是使並稱絕世之奇可乎

璉字孟藻自幼有器局永嘉爲方氏所據鄉有無賴子將煽變以應出不意一夕撲滅時年纔十八上聞召璉并其弟璟入見甚喜曰阿璉明秀阿璟嶷重謂基曰非卿焉有是于基旣歸奉命入京無慮八九占對詳明甚稱上意爲胡惟庸所中幾坐法上赦之基卒

上急命御史李鐸取其觀象諸書璉卽日出書石室中隨入京上慰諭之除服授考功丞兼御史又二月拜江西叅政面許入中書同官韓士原貪而苛立本儉邪不知大體璉一以信直自處未三年卒年三十二

璟字仲璟弱冠涵濡經傳喜談兵究極韜畧握奇諸書



偉貌豐髯議議英發父沒不仕旣賊葉丁香叛延安侯唐勝宗討之決策于璟破賊還薦璟才畧上喜曰璟真伯温兒矣召見謂曰朕欲汝日夕左右惟閤門使如儀禮司立百官上宣達爲職處爾無逾此官者遂授之賜第馬衣帶論以糾正時袁都御史奏牛車事件旨當殿呵殿上曰正當如此會谷王封宣府詢侍臣擇可爲輔者諸大臣故忌璟對曰閤門使劉璟忠勇果敢可任上領之授谷府長史且曰王年少凡事執正兵機尤不可忽璟嘗至燕文皇與璟奕璟輒勝文皇曰卿獨不少讓耶璟正色曰可讓處璟不敢不讓不

可處璟不敢讓北兵起璟馳還京獻十六策不聽令參  
議李景隆軍事景隆又不能用景隆戰敗璟夜半渡蘆  
溝河冰陷馬斃璟力破冰跳躋岸冒雪走良鄉趾裂跛  
行三十里璟子豹自大同赴難越良鄉至涿州遇璟翼  
上馬南奔知景隆決誤國稱疾求歸見許建文三年輿  
疾赴闕進閭見錄千萬言又不聽令還家待用 文皇  
既卽位凡仕建文者悉令趨朝不且重罰甚則坐以奸  
黨璟稱疾不起法官論璟逃叛逮至京見 上猶稱殿  
下且云殿下百世後逃不得一箇字下詔獄辨髮自經  
死法官希旨緣坐其家 上不許得歸葬嘉靖乙酉提

學副使萬潮肖像配享文成祠

趙公名天澤新都人棄官游江南最善劉伯溫贈以文  
曰蕭何投韓信玄德師孔明非信任之篤則泚水之奇  
八陣之妙何由照耀後世乎方劉未遇授之以卜法者  
曾義山而深奇預識者天澤衆雖疑駭勿顧其吳江月  
下泛舟詩云餘霞欲遙岑微靄生近浦江行得良夜月  
出鳴柔櫓茫茫天欲流歷歷三星可數水螢明乍滅沙禽  
或翔舞此意與誰同三高千古

學士宋文憲公

公名濂字景濂號潛溪先金華人後遷浦江父文昭一名朝字文憲性樂易好禮法隱不仕年八十一卒子二長淵義烏教諭次卽景濂母陳氏六歲授李瀚蒙求一日而盡九歲能詩呼爲神童稍長里人張繼之抽架上雜書以爪逐行按而試之按畢輒誦受業于聞人夢吉得春秋三傳之旨兼通五經時吳澗穎先生萊方內儒宗金華胡翰出其門致書招曰舉子業不足溷景濂曷來同學古文詞乎欣然從之未幾悉得其闢奧吳旣辭去卽代講席鄉先生柳文肅公賞黃文獻公潛深禮重

之歎曰吾鄉得景濂斯文不乏矣莆田陳公旅稱其文  
沉鬱簡嚴能兼二公之所長歐陽先生玄則曰非才具  
衆美識邁千古安能與于斯遂以文名擅天下主于鄭  
氏者且二十年而是時胡俗滔天獨其鄉猶傳考亭東  
萊之學考亭一冊傳爲何王金許四先生稱朱學適派  
心慕效之間因許氏門人究其說而又念東萊之傳且  
墜每與人言深慨歎思振其統蓋志在聖賢讀其書想  
見其人自任之重有不求人知而求天知者至正己丑  
薦爲國史編修固辭會世亂益韜閤入小龍門山著書  
二十四篇曰龍門子凝道記又著孝經新說周禮集註

等書劉誠意稱其主聖經奴百氏遊戲佛老譬猶飲梁肉而兼茹茶飲茗彌成其大庾子 上徵入見問世亂奈何對曰願明公不嗜殺人 上甚悅語必稱先生除江南儒學提舉授世子經壬寅召講春秋左氏傳公曰春秋孔子褒善貶惡之書遵而行之賞罰適中天下可定歸省甲辰改起居注侍左右明年 上論黃石公三畧且口釋之公曰尚書典謨帝王大經大法靡不畢具願 陛下留意 上曰知之但三畧乃用兵攻取時務所先耳又明年以疾還家賜金帛 太子贈有加上箋謝恩書奉 太子勸以孝友恭敬進修德業 上覽書

喜召語 太子書意令日誦一過且賜書褒答父憂洪

武二年徵總修元史除翰林學士知制誥兼修國史時  
甘露屢降召賜坐 上執金杓煉湯于鼎以露投之手  
卮注而賜曰此和氣所凝能愈疾故與卿共之因問災  
祥之故對曰受命不于其天于其人休符不于其祥于  
其仁 上侄文正得罪婉言請全親親之誼從之 上

嘗言古帝王當宴安之餘多好神仙朕孜孜政理國治  
民安心神恬康卽神仙也對曰漢武帝好神仙而方士  
至梁武帝好佛而異僧集使移此心以求賢才天下有  
不治乎尋失朝叅左官三年遷國子司業明年坐議孔

廟禮稽緩謫安遠知縣未幾召爲禮部主事陞太子  
贊善大夫 上問帝王宜讀何書公請讀真德秀大學  
衍義 上立取覽悅之令大書揭兩廡壁六年 上坐  
西廡大臣侍坐指衍義中司馬遷論黃老事令講講畢  
復言曰人主能義理養性則邪說不能侵興學教民則  
禍亂不能作刑罰非所先也 上曰朕上畏天地下畏  
兆民兢兢業業不敢自逸公頓首曰 皇上慎終如始  
天下幸甚陞侍講學士兼資善大夫令集歷代奸臣事  
爲辨奸錄分賜 太子諸王侍 上觀穫 上問三代  
以上所讀何書對以載籍未立不專誦讀而尚躬行又



命序 祖訓纂 大明日曆七年日曆成凡一百卷序  
進稱上度越前王者六挺生南服統一華夷功高萬古  
一也避亂民間初無異念憫民塗炭始取之羣雄之手  
得國之正二也百戰百勝未嘗摧衄治政詰戎文武將  
吏仰成筭而已獨稟全智三也動靜起居森若神鑒禮  
行郊祀存于心目有赫鑒臨惠鮮小民恐一不獲唯墨  
吏黠庶是刑是威敬天勤民四也后妃宮中不預一髮  
政外戚戢戢循理闡寺給掃除而已家法之嚴五也大  
帥輒印領兵以從征伐凱旋上章歸士單身還第兵政  
有統六也公復與詹同樂韶鳳言日曆藏天府人不易

見更倣唐太宗貞觀政要輯成四十類爲皇明寶訓上之與其事者吳伯宗朱右其他禮樂律曆之制勲臣名卿焯德耀功之文 上並使公編摩潤色旣侍 上又有問陳說直諒不務文飾 上喜曰卿可叅大政對曰臣少無他長徒以文墨議論待罪禁林臣之榮極矣一旦受職任事不效將負 陛下頓首力辭 上愈厚之每燕見坐賜茶詢舊章講治道甚條析至問廷臣臧否第言其善者不置又問否者爲誰對曰善者與臣友故知之否者縱有臣不知也時命賦詩爲文必寓忠告性深密不洩禁中語有奏輒焚稿嘗大書溫樹二字室中

或問朝廷事指二字不對。上嘗瀰之飲醉歡笑賦楚詞一章命侍臣咸賦醉學士歌曰後世知朕君臣同樂也九年除翰林學士承旨知制誥兼修國史。上曰朕起布衣爲天子卿自尊萊列侍從爲開國文臣之首俾世世與國同休不亦美乎徵孫慎爲序班仲子璫中書舍人復以年老艱步行令。太子選賜良馬又爲良馬歌賜之許致仕贈父爲尚書祖德政太常少卿妣皆淑人誥詞。上皆親撰復留之時有上萬言疏者。上怒其迂衍將加罪問羣臣有阿意者輒指其疏此不敬此詆謗罪當誅召公問對曰彼應詔而來本效忠無他也。

上復覽疏顧有足采者召罵阿意者曰若等激吾怒何異以膏沃火向非宋學士幾不誤罪言者 上嘗廷譽公曰古人太上爲聖其次爲賢爲君子若濂事朕十九年口無毀言身無飾行寵辱不驚始終無異不謂君子人乎匪惟君子抑可謂賢矣十年歸賜縉綺御製文集太子贈衣三襲 上曰朕最慎賞嘉卿忠誠貫金石故以賜卿卿今年幾何曰六十八 上曰藏此綺三十二年作百歲衣公頓首謝辭行請歲一朝 上曰大江漲空循河行俾慎侍至家公遣慎表謝曰生世而逢真主仕宦而歸故鄉二者臣兼焉 上召問慎而翁去此而

誰從撫兒孫乎闕生財也涉田園乎慎叩對 陛下所

問臣大父事皆有之 上曰雖然尚有他慎叩頭無他

第時時聽訪國政倘知一二雖在鄉尚翼實封補 陛

下萬一 上悅賜公歸休之詩是年九月入朝 上廷

問公屢矣及至大喜賜勅褒諭禮部致酒米穀果日進

見從遊覽便殿侍食至暮始退 上歎曰純臣哉爾濂

方今四夷皆知卿名卿自愛日本使奉勅求文獻百金

却之 上問故對曰天朝近臣受小夷金非所崇國體

上然之歲盡辭還既行數日 上語璉曰朕疇昔之夜

夢爾父談笑如曩璉曰非 陛下垂念臣父切至何

以形諸夢寐明年而至賜賚慰勞彌厚公嘗曰古人爲學使心正身修措之行事俯仰無愧而已繁辭複說道之蔽也尤篤于倫品與人交和易任真內誠外恕一見信服汲引後學如恐不及平居布衣蔬食無異貧士或勸爲子孫計曰富貴豈一家物哉吾乃所以遺之也自少至老未嘗一日去書致仕居青蘿山閉門纂述人不見其面視近甚明夜然燈于几臥絺帷中閱蠅頭小書一黍上能作十餘字皆可辨性疎曠賓客不至累日不整冠幘悠然自樂十三年冬孫慎坐法論死公罪且不測太子力救得釋安置茂州十四年五月行至夔卒

年七十三夫人賈氏名專先一年卒門人方正學曰當  
元之衰國朝始興也地大兵強據名號雄視中國者  
十餘人皆莫能得士太祖定都金陵獨能聘禮太史  
公論道上前授經太子未嘗不言仁義天下既定  
上方稽古制治凡郊廟山川祠祀律曆禮樂夷裔貢賚  
諸禮文大政皆太史公裁定太子寬大仁明天下歸  
心愛戴太史公之功居多海外諸國朝貢接國門至必  
問太史公安否其爲人取重如此公墓初在夔永樂十  
一年孫恪以蜀獻王命遷葬華陽置祀田弘治五年四  
川巡撫鄒表奏公攷沃之益旣多著作之功尤備一代

元勳死非其所權厝蓮花池山下雖經改葬未荷殊恩  
乞加贈謚下所司九年巡撫賈俊又以爲言部覆謂公  
一代儒宗人心景仰久矣今不敢別議贈謚請依學士  
承旨職事令有司于塋所春秋致祭正德八年劉誠意  
九世孫瑜請其祖謚祠額誠意得贈太師謚文成因并  
賜公謚曰文憲宋納曰文恪公二子長瓚先卒瓚子三  
人慎愷恂皆無後次璉工書稱爲國朝義獻子三人懌  
愷恪恪居華陽懌字子夷奉母諱居思紹父學勤苦特  
甚蜀獻王憫之時賜粟帛由是得專其學 建文皇帝  
念公爲 皇考舊學之臣召懌還以爲翰林侍書懌書




陽明先生集 卷三  
與劉彥銘朱思平皆名建文間而濂門人有聲者同郡  
樓璉浦江鄭楷云

朱史氏曰先生篤行真修學有本原文歸爾雅遭際

聖神大弘制作守先王之道而見之行無道學之名而  
有其實收宋儒未竟之功開我 明大成之運決當從  
祀 孔廟而先生既不自名世亦無有名之者乃後來  
追崇太約以著述講授爲主推曰先儒謂足接有宋諸  
君子之後而于先生未聞談及 太祖固常評之矣躋  
其品曰賢蓋在聖之下君子之上此千古斷案不可易  
而汶汶至今良可歎息至日本之文原是奉 勅李卓

吾自纂之自忽之德從渾成人品尋一。旋所謂馬精  
有餘精押不足。太祖勞其身以憂天下切齒于人之  
不仕者。御製班班可考先生二十餘年魚水之交鞠  
躬盡瘁死而後已自其職分末年引疾實拂。聖心若  
有意避遠并子孫亦杜仕籍恐天威一震全族皆沉欲  
徙死于夔其可得哉俗儒之哀吾不欲聞之矣。



025-234

御史中丞章公

公名溢字三益處州龍泉人其先閩之浦城人始生音如鐘父遇孫疑爲不祥幾棄不舉及成童嶷然莊重諸兄應孫頗爲儕類侵苦公忿然曰彼謂我弱耳我不自勵豈爲男子乃往受事衆皆憚服弱冠從鄉先生王剛叔游剛叔名毅有傳講正心修身之學旣又聞金華爲文獻之邦間出咨訪叩統緒浙東憲使禿堅不花與語悅之不花改官陝西要與俱至虎林心忽驚悸力辭歸抵家父病已革越八日而逝壬辰蘄黃妖寇起犯境與從子存仁避亂存仁爲寇所執奮曰吾兄止有一息不可使無

後挺身出謂賊曰兒幼無所知我願代之賊聞公名方  
購求及得大喜邀上坐問計正色拒曰若等皆有父母  
妻子顧爲此滅族事耶賊怒繫之柱以刀磨其背曰不  
降且死厲聲色不爲屈賊愈怒愈大叱曰死卽死何恐  
爲賊縮不敢加害夜給守者得歸集里民爲兵不旬日  
擊却之府判官以兵來欲盡誅誑者走說石抹將軍  
曰貧民迫凍餒故相挺從盜誠得一循吏招輯皆爲良  
民今不出此而肆行剪屠失民望且以資賊非計也將  
軍稱善卽檄判官毋擅殺因留議軍事盡平屬縣上功  
授龍泉主簿辭海寇起石抹將軍守台城寧海民亦爲

變應之聞台甚急將軍召公爲援方退居得檄即起曰  
吾邦賴將軍以生今有急正報德之秋也集趨勇數百  
人趨城下來擊賊潰海寇亦遁去寧海大饑豪民積穀  
不糶言于將軍行縣賑之抵豪罪發其粟克用龍泉亦  
歲儉大家闕粟高其直公先以私田易粟貸里人乃行  
勸分之政民受惠爲多青田潘惟賢爲盜而龍泉監縣  
竇忽丁貪虐民因導潘攻縣治竇忽丁棄印走公同王  
剛叔召豪傑與賊戰敗走之縣治遂復竇忽丁懼棄職  
獲罪而愧公有功乃謀害公公方贊軍往處城未發先  
害剛叔公憤甚誓必復仇言于府帥檄兵擊襲之乃遁

去平時處之七縣皆盜起行省移石林將軍分治處州  
公謂將軍曰松陽小醜不速平將成大患將軍曰惟君  
處之乃遣千戶曹勝安督兵授以方畧一戰盡降之以  
功授松陽尹辭討麗水賊大敗之賊爲內外二砦公麾  
兵踰外砦立壁賊突至奇兵橫擊賊奔北園內砦急攻  
破之賊首就縛外砦亦降凡三授官太息曰吾所將皆  
鄉里子弟今子弟肝腦塗地甚衆而吾獨成功名吾不  
悉爲也力辭不受屢戰皆捷賊勢戚其黨張貴李興甫  
等盡降又斬土豪周天覺散其衆時天下日入于亂公  
結廬匡山自號曰匡山居士

山在龍泉西南百餘里最  
爲峻險或曰山形似篋或

日似巨盧故名山多古松西南有深淵中潛蛟龍雲屬  
氣所出又西北山上入霄漢遠近數百里可俯視

其子曰兵將至矣汝曹善保州里己亥冬王師克虜州

公避入閩中 高皇東帛來召與青田劉基履水葉琛

金華宋濂同至建業入見 上問勞曰我為天下屈四

先生然四海紛乚何時定乎對曰天地無常惟德是輔

惟不嗜殺人者能一之 上悅曰卿等其留輔予擢僉

營田司事巡行江淮田荒蕪及耕墾者皆籍之差稅有

等嘗有疾在告 上遣左司為事張安碩來視小愈入

謁 上望見喜甚後念及即問左右章某康彊否安碩

言其念母邑邑未愈即日命歸省賜金綺留季子存



厚京師浙東始設按察司卽擢公僉事尋命還處州代  
總制胡深入朝而為存厚娶胡女且命入侍 皇太子  
胡出師溫州復詔公還守處州餽餉無缺師旋卽以總  
制事付胡還所部王師平荆楚設湖廣按察司遷公往  
入見 上慰勞曰紀綱之事今已屬卿荆襄多廢地建  
議分兵屯田 上曰所言甚善今則未暇鎮撫同七帖  
勢作威輕重人罪廉得狀坐以法河南按察使宋思顏  
浙東按察使孔克仁僉事王璠坐法辭連公 上遣劉  
基諭曰予素知章 守法令毋疑也旣而胡以兵入閩

九域中空虛召所部義兵列柵為屯捍之賦乃遁去長  
子存道初以元帥戍浦城及是命提兵為遊擊公謂父  
子相統非制請罷上不許曰吾方藉爾父子鎮靜疆  
場顧效他人嫌疑耶浦城軍食不繼上命右丞李文  
忠與公計之李欲運糧慶州公以舟車不便而軍中所  
掠糧甚多請拘入官均給償以直食乃是稅官金甲為  
奸利訊上斬之建寧守將阮德柔來納款或疑其詐  
公曰陳友定據全閩勢必不能容故圖為自全計非詐

也事聞詔許以元官守本部命下德柔已為友定所破  
來奔厚存恤之禽斬周遂鄉通乎陽瑞安之路處州僉  
水軍隸軍府役煩而事擾奏設千戶專統之又奏免山  
田之稅海賊入寇千戶任惟賢退縮斬之自拒戰破禽  
畧盡朱亮祖取温州軍中掠人子女悉搜出還其家海  
隅既寧請朝京師報曰吾知卿在邊良苦俟乎吳有後  
命及浙西諸郡皆下 上召公且令分兵征閩而存道  
守處州八見嘉獎甚至 上諭羣臣曰章溢雖儒臣父  
子宣力一方盜寇尽乎其功誠不在諸將後明日 召  
問征閩諸將何如時湯和由海道進胡廷瑞自江西入

公曰二將進討此固必勝然閩中尤服李文忠威信若令帥師從浦城取建寧此萬全計也卽日召文忠出師處州糧額以軍興加徵十倍言之丞相入奏上曰吾勞處民久矣詔從其舊温州朱君達旣叛又請降奏戮之方作海舟徵巨材檣處州與諸郡均辦公曰此皆限以峻嶺縱有木何從而出力言于省臣止之上卽大位歷敘其功與劉青田并拜御史中丞尋兼太子贊善大夫時廷臣多候上意尚嚴公務存大體不屑屑細故或以爲言公曰憲臺百司之儀表居其職者當先養人以廉耻使人避而不犯豈直視搏擊爲能哉上

親祀社稷會大風雨還坐外朝怒儀曹議禮不合以致  
天變將殺之公奏曰風雨已連朝無足恠者縱禮官議  
有未盡 陛下精誠自足仰格神明願賜寬貸 上爲  
霽威雨亦尋止 上禮重公嘗語公及劉基二先生年  
向耄恐感霜露致疾善自衛攝不宜蚤趨朝也先是  
上旣從公議令文忠入闕存道部鄉兵萬五千以從旣  
事平詔存道以兵從海道北征公持不可曰鄉兵農人  
耳始令征闕許以事平歸農今復調之是爽信也 上  
不懌公繼奏曰兵已入闕者俾還州里昔嘗叛逆之民  
藉爲軍使北征一舉而恩威著矣 上喜曰孰謂儒者

果迂濶哉先生其爲朕一行比至母憂求守制不允遣  
存厚還家治喪身理戎事兵旣集命存道部領浮海北  
行再申前請 上覽惻然許之存道至崑山走京師聽  
進止 上諭曰汝父事朕宣勞爲多汝又北上勉立事  
功以無忝爾父因授處州衛指揮同知成上黨尋移平  
陽公自喪母悲戚過度居常忽忽營兆宅親負土石感  
疾益深臨終親友來候曰當收斂此心無有執滯公曰  
吾久已知之遂卒洪武二年五月也年五十六 上甚  
憫悼親爲文祭之公孝友父未葬而盜焚閭里額天稽  
顙奔哭至柩所而滅事母備極孝養二兄別居已久旣

創第龍淵請二兄同居未母定先世祭享之禮益田以  
供祀創義塾立義阡諸可以聳善扶義者無不爲也器  
局夷曠撫世酬物誠確宏偉外若和緩至臨大事爭是  
非不避權勢必折衷于理嘗言曰占之學主躬行故章  
句之習一不以屑意而人倫日用關世教者恒切切焉  
宋學士有言生我者父母知我者章公其相信如此  
有道從公集兵保鄉里己亥率所部歸總制官孫炎合  
兵守上游陳友定入寇擊却之自是屢有戰功授處州  
翼副元帥胡深戰歿代領其衆洪武元年漕運至京  
上嘉其才畧從右副將軍馮宗異北征以功授處州衛

指揮同知三年從征秦隴取興元留守明昇將吳友仁來侵擊敗之改平陽衛五年從湯將軍出塞至斷頭山戰不利死之

季公

季公名汶字彥父龍泉人元季江南諸郡俱陷獨處州士夫倡義兵堅守得完歸丁天朝最著者葉琛劉基章溢汶其一也三人入朝爲顯官汶早致仕然鄉里人稱之以儼三人不替云先是率壯士從石抹空孫有功授義兵萬戶改尹龍泉不就天兵旣下處授安南翼總管孫炎見殺勒所部駐白巖出不意同諸將攻城破



誅之復其城陞翼同知從元帥胡深破青田賊葉賢三  
出私財贖軍中擄掠還其家 高皇卽位召入見以老  
乞骸骨賜宴及襲衣遣歸十年卒年六十少讀書多智  
畧事親孝喪服依古禮濟貧乏不倦宋學士尤重之

叅政陶公

公名安字主敬當塗人外樸而內穎敏有大志博涉經史得程氏讀書日程及呂舍人學規遂湛心濂洛之學尤邃于易爲文純雅疏擧元甲申鄉試戊子試禮部不第授明道高節書院長元末四方兵起郡當其衝屢以策于守將不見聽乙未上取太平與耆儒李習出城迎見上狀貌喜謂父老子弟曰龍資鳳質非常人也生民今有主矣上召語時事安首言四海鼎沸豪傑爭雄志在子女玉帛非有撥亂救民安天下之心明公率衆渡江神武不殺人心悅服以此順天人行弔伐

天下不足乎也 上曰善吾欲取金陵何如對曰金陵古帝都龍蟠虎踞限以長江據其形勝出臨四方何向不克 上又曰善留叅幕府爲都事丙申從克金陵陞左司郎中旣而得劉宋章葉 上問四人者何如對曰皆天下才也臣與之語謀畧不如基學問不如濂治民之才不如溢琛敢爲得人賀辛丑克黃州難共守者 上曰無喻于安命往視事兵荒之後政務一新甲辰改知饒州賜詩以行寬賦省徭招徠流亡民皆悅服乙巳信州賊蕭明攻城與千戶宋炳拒守登城諭賊曰爾皆吾民反爲賊用得無大討乎衆曰使皆如太守豈有今

日城破不敢相害會援兵至賊大敗遁去諸將怒請屠  
從賊者不許曰民爲賊脅非本心奈何殺之明年入朝  
民思之爲立祠吳元年置翰林院召爲學士知制誥修  
國史時開禮樂二局徵宿儒集議禮制公總裁定修律  
爲議律官洪武元年 上與儒臣論學術公對曰道之  
不明邪說害之也 上稱善且重其才賜門額曰國朝  
謀畧無雙士翰院文章第一家御史有言公隱過者  
上曰朕素知安安豈有此且汝從何知對曰聞之道路  
上曰御史取道路言毀譽人以此爲盡職乎立黜御史  
代汪廣洋江西叅政論以首渡江見軍門敷陳機務深

合朕心茲上游都會擇卿撫定公寬仁達吏事政績益著居四年疾劇草上時務十二事卒年五十七贈姑孰郡公國初諸禮多經裁定大祀禮專乃公議禘禘禮定于詹同齋戒禮朱升五祀禮崔亮朝會禮劉基祝祭禮魏觀軍禮陶凱安有二子曰昱曰晟晟爲浙江按察使貪信用輕薄小吏上并呈戮之其家四十餘人皆克軍多死亡無所傳州司逼索安妻安繼妻陳褻白入見太祖問媪爲誰叩頭具對上曰陶先生嫂乎有幾子復叩頭曰臣前子二人皆不肖伏法家人四十餘坐罪傳軍散亡失伍州司督責甚急惟陛下念先臣安一日

勞 太祖曰晟死其罪言及陶先生令我惻然立召兵部臣曰朕渡江之初陶安首得見先後蒙涉諸艱功在彝鼎家人所犯卽盡赦之使安妻還自老安前妻喻姓名德常有賢孝之美王師克金陵安移家金陵喻要母同行母不可喻曰今四海兵爭惟高城深池都會之地可以托身母從之及陳友諒陷姑孰母以移居免人服其先見

月

月

日

イ

一

夕

三

三

三

三

三

三

三

三

三

三

三

三

三

叅政陶公

公名凱字中立臨海縣人生時有大星墜簷光照臥室  
比成童讀書過目成誦遲重不妄言笑孝第忠信卓然  
自立嘗夜歸限大溪不能渡忽有人撐小舟泊岸卽登  
舟渡回顧無所見人皆奇之里人大疫探病入其家見  
妖入甕卽與封識棄水中遂愈又入城晚宿三江病家  
夜禱凱朗誦離騷經聲清越以長病者驚汗而差儀容  
步履有嚴有則從學者甚衆父有孝行家貧凱以束修  
助治喪如禮祖母墓奪于勢家咸贖而表之無他兄弟  
一妹適仙居顧氏蚤卒撫所遺子女甚篤故里中稱德



義者必曰陶氏父子積詩歌成帙劉青田爲之敘相者  
袁廷玉見而驚曰後十年當爲異代名臣至元中以明  
經除永豐教諭不受主杭州施克弘家 太祖起兵訪  
凱延至置上坐與語不敢居因進取天下之策且曰羣  
雄地實兵強未易圖胡元政衰民怨是空地也直取之  
易耳 上大奇之每用其策後別去戊申卽大位以書  
徵之凱矢心不仕 上求之切論使人曰陶凱不應可  
取一族人首級來族人四遠求得凱見 上授編修與  
諸儒纂元史又撰洪武廣韻 上稱善命教大本堂授  
楚王經除翰林應奉文字三年陞禮部尚書請建 奉

先殿于乾清宮左 上日焚香上食朔望薦新若節序  
生辰祭用常饌行人禮四年試進士凱爲提調刻程  
文凱序其首五年句容縣民獻瑞瓜奏頌 上曰卿歸  
德于朕朕不敢當因言漢唐皆有會要記載時政及起  
居注記言記事宜令臺省府各置銅匱編錄 聖旨及  
時政依會要編類爲書 上從之扈 駕獻詩又進方  
療 孝慈皇后有效、賜免死牌命與開濟作天下尺  
籍易見圖公資性過人才高學博識見卓遠爲文千言  
汨汨不見有艱難意初游吳楚文多激慨中更亂離去  
居深山中授經養親文多隱約 明興應聘而起凡稽

古禮文事多公論定又兼領翰林院事詔令封冊歌頌  
碑碣時時命公文遂盛傳出爲湖廣叅政致仕八年召  
爲國子祭酒自稱耐乂道人 上聞怒曰何自賤也又  
上一夕夢龍繞公門疑之復以叅政致仕密謂弟中吉  
曰汝可俟明春二三月數將至矣宿緣在此昔避不能  
今奚得免會遣高麗悞用符驗坐與知罪死凱曰臣受  
知 陛下官三品壽七十歿復何憾雖有金牌免死亦  
不自表也 上尋悔之楚王求師不得憤入金水橋羣  
臣懈衣履下救者及法官不覆奏者皆死贈太子少保  
葬長潭山下

叅政魏公

公名觀字杞山蒲圻人父雲瑞有隱德觀讀書蒲首山中勤苦弗輟惟喜吟詠觸物感興陶寫性靈乃構亭曰梅初以寄志焉元呂忠肅公讀其詩歎賞薦於朝辭勿就國初觀被徵與青田劉基金華宋濂諸儒同謁上與語大奇之授平江州學正遷國子監助教浙江僉事吳元年改兩淮運使入爲起居注洪武初建大本堂命公侍皇太子說書及授秦晉諸王經公有詩記之詩曰翠葆威蕤九鳳旗東華遙望立多時都堂啓事貂蟬集率衛輪班虎豹馳月遶珠簾升講席花迎金輅肅

朝儀六王炳炳前星後珠緯聯輝上玉墀二年十月甲戌膏露降乾清宮 上問災祥觀曰帝王恩及于物順于人則甘露降十一月冬暖如春 上召偕危素詹同吳琳宋濂遊觀內苑燕紫閣 御製賜之曰卿等各賦一詩以述今日之樂公奏詩云深冬晴暖動逾旬內苑遊觀詔侍臣五色慶雲開鳳尾九重麗日繞龍鱗和鸞喜奉彤車御式燕慚叨紫闕賓淑氣已從天上轉人間無地不陽春 上覽大喜三年轉太常卿七月命改定太廟祝文稱孝子皇帝某凡遣太子行禮稱長子某著爲令是月陞侍講學士十二月辛酉編集大明志成以

公爲國子祭酒宋濂爲司業四年廷試進士與博士孫  
吾與修撰王傑爲讀卷官得吳伯宗等一百二十八人  
開科之始得人最盛伯宗卒爲名臣九月坐考祀孔子  
禮不以時奏謫知龍南縣濂知安遠縣未任卽召還爲  
禮部主事賜燕 奉天門喜曰前日逐卿去今日與卿  
飲何其樂哉仍命各賦一詩五年 上召至內庭諭曰  
朕新得蘇州恐餘孽包毒朝夕在心今思其人惟卿公  
忠彊幹可爲朕一守頓首受命蒞事懲陳寧苛政鋤暴  
樹良寬而且肅敬老恤民闡宣聖廟庭舉鄉飲酒禮聘  
郡賢士周南老王行徐用誠教授貢穎之定儀節高啓

王彝張羽闡文學郡多耆耄崑山周壽詮年百有十歲  
吳縣楊茂年九十三林文友年九十二皆延至之禮成  
彬彬可觀壽詮還躬餞諸郊再拜送之觀者如堵時戎  
事倥偬百物彫耗禮文衰落乃能力挽躬行風教勃興  
課爲天下最 上嘉之陞四川叅政蘇父老願留仍命  
公還郡七年公以舊治爲士誠竊據且郡多水患乃修

府浚河以壯士觀資民利御史張度

度字景儀廣州府增城人風儀偉特

以才學聞元末爲高要教諭遭亂棄官洪武壬子計偕  
入京會罷科舉選賢能授御史時諸勛臣連姻帝室多  
怙勢度每檢舉外州名節而心險刻人多畏之請立張  
憲廟於歸德州見許蘇州知府魏觀以舊治爲士誠竊  
據且郡多水患乃修府浚河或以爲言 上使度偵之  
變姓名爲僧者入吳縣學宮廉其實誣劾坐極刑擢度

知常州府勤勵有治行九年召爲吏部侍郎與高舉定  
考課法殿最三等上者賜坐而宴中者宴而不坐下者  
侍立宴畢送出方退又條舉選法之不當者數十條  
事皆見用十二年進本部尚書後獲譴開戶一昔卒誣  
其與既滅之基而高啟爲上梁文俱獲罪 上悔之命  
所在致祭 皇太子諸王哀賻有加歸瘞于蒲圻燈窩  
山公高明端重學博詞贍與宋景濂蘇伯衡相上下其  
所履任率有成績事至不擇利害爲之所著蒲山歌唱  
集人咸稱之



1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

長史桂公

公名彥良初名德稱以字行慈谿人元鄉貢進士爲衢之包山書院山長轉平江路教授罷歸張士誠方谷珍聘之俱不就洪武六年徵天下儒士浙江叅政徐本首舉以應時待詔公車不下數千彥良奏對稱旨擢太子正字 上嘗出 御製詩文示之卽 上前誦聲朗然左右驚愕或私戒之 上知謂曰儒者事君正當誠意自然無事矯揉也時給事中蔣學等十七人講學文華堂多恃寵不自修飭命彥良及修撰孔克表爲之師各賜金三十兩曰昔許魯齋教弟子多爲宰輔卿其勉

之每侍宴以御製勅訂正嘗訪以治道對曰治道在心心不正則好惡頗好惡頗則賞罰失當賞罰失當則無以致治功故爲治在乎正心正心之要不過懲情窒慾而已上善其言一日上問曰元政寬弛遂致大亂朕矯之以嚴有犯必誅顧法數行數犯奈何對曰德則逸法則勞法以靖民則民勞而弗靖德以靖民則民靖於德矣上喜曰此吾心也嘗從登內城未幾從容顧謂曰朕比來好善惡惡如何對曰人君至公無私則好惡自得其當陛下持衡堅定孔子曰惟仁者能好人能惡人上曰善卽書其語揭于便殿七年長至有

法大道也臣聞君民一體故古者藏富於民取之有節  
近 陛下發德音減茶課免軍需民欣欣然庶幾遂有生  
生之樂今浙西卽平租稅日廣賦歛之科當尤有可減  
者故臣願 陛下之順人心也法天順人則存之心者  
爲忠厚施之政者爲寬大而祈天永命之道不外此矣  
上嘉納洪武二年修元史與宋濂爲總裁官徵逸士汪  
克寬胡翰宋僖陶凱陳基趙增曾魯高啟趙訪張文海  
徐尊生黃箎傅恕王錡傅著謝徵十六人爲纂修官開  
局天界寺公史事擅長裁繁剔穢力任筆削書成拜翰  
林侍制同知制誥坐失朝降國史院編修官三年預教

大本堂經明理達義開道召對 殿廷必賜坐從容宴  
語奉使吐蕃尋召還五年往雲南諭元梁王把匝刺瓦  
爾既至抗言 皇上聰明神聖天人所歸惟爾僻在西  
南久阻聲教故遣使者來諭意亟宜奉版圖歸職方官  
封如故身名俱全不然天討且夕且至梁王不聽館別  
室數日又諭曰 朝廷以雲南百萬生聚不欲殲於鋒  
刃今元綱解紐天兵西征不五六年天下大定爾恃險  
遠屢拒明命龍驤鷁艦會戰昆明悔無及矣梁王駭服  
有降意卽爲改館會元有遺孽自立于沙漠遣使脫脫  
至雲南視梁王有二心迫殺我使以固其意梁王持兩

可不決匿公春登楊氏家脫脫鬪誚責梁王不得已出  
公與脫脫欲屈之罵曰天訖汝元命我朝實代之汝如  
燔火餘燼尚欲與日月爭光耶我將命遠來豈爲汝屈  
有死而已顧梁王曰汝朝殺我大兵旦夕至傍有解者  
脫脫曰今雖孔聖義不可生竟被害司徒達里麻等殞  
而火之莫實其處或曰瘞地藏寺北時六年十二月也  
年五十二雲南旣平立祠祀之著有華川前後集玉堂  
雜著續東萊大事記子紳

子紳

紳字仲縉父死時甫十三聰明能文章鞠於伯氏綬事

母何盡孝及卒哀毀踰禮未幾綬亦沒獨理生產作業  
憂患中傑然負奇志益取經史百氏言窮其浩博會其  
旨歸曲暢引之縱橫磅礴出入上下務探擷精英乃已  
潛溪先生一見器之曰吾友其有後乎蜀王尊賢下士  
聞之聘致待以客禮痛父死節蠻徼遺骸未返白其事  
王悼憫之給道里費以行二十九年至雲南訪求不獲  
遂卽其所奠祭仰天號慟幾絕過者爲之洒泣述滇陽  
慟哭記志感旣還王慰勞備至建文君卽位給事中涂  
誠御史黃凱薦爲國子博士預修 高皇實錄獻大明  
鏡歌鼓吹曲十二章曰神龍躍曰殪奔鯨曰開洪基曰

清江漢曰縛狡兔曰掃殘胡曰海波平曰拓闢境曰定  
關陝曰闢川蜀曰蕪苞祛與方太史友善嘗尊太史爲  
百代儒宗勸著書淑來學太史不應紳悟遂略文藝潛  
心道德建文元年四月紳上言父死節狀且曰 陛下  
方隆孝治而明詔又有旌表節義之條正徵臣得展情  
事之時先臣之節獲伸之日下翰林議贈公翰林學士  
謚文節開國以來文臣有謚實自公始正統六年義烏  
丞劉傑再以前改謚忠文紳以成化二年卒年  
四十一有繼志齋二十卷子稔

子稔



孫字叔豐受業方孝孺妻以女方死難孫周旋其間又與廖鏞鄭珣等至聚寶門外求遺骸歸葬不得卒坐逮繫文皇念其祖死國特宥免且欲用之疾辭還金華結屋讀書青巖之下將終身焉孫與童景庸書言痛念遜志名蹟目就湮沒欲執事與令兄商確搜輯其學行幽潛生平始末爲家傳行狀以傳同志有愛慕之心者自能默識謹藏或可待時發揚於萬一遂輯方氏遺文爲侯城集性至孝初紳痛念父沒每食必斥兼味孫一遵遺志子孫相承閱十百年不變居父母喪盡禮三年酒肉未嘗入口學問該博從遊者日衆郡邑交重之禮

爲鄉賓分獻先聖廟稌疎髯倬貌出必儼然古冠服人  
爭覩之曰此王先生也所著有青巖稿聖廟文纂金華  
賢達傳續文章正宗卒年五十九門人私謚曰孝莊先  
生稌子汶舉進士授中書舍人亦辭疾不仕弘治初與  
陳獻章並薦應召道卒

吳公

吳公名雲字友雲宜興人世業儒父仲傑仕元湖南提  
舉雲少有文行爲國子生仕元翰林侍制洪武元年魏  
國公定元都送至京師除弘文館敕書郎二年改渭南  
縣丞有惠政四年召還擢刑部郎中尋遷磨勘司令五

年拜刑部尚書六年出爲湖廣叅政八年坐事被逮釋  
之貶元梁王據雲南 上召諭曰今天下混一四夷賓  
服獨雲南一隅未奉正朔殺我使臣朕欲以兵取之恐  
勞師費財且傷遠人卿能爲朕作陸賈乎對曰天命所  
在誰敢違之第彼恃遠故阻聲教臣奉 陛下威德往  
告以大義諭以禍福彼必附順若冥頑不從興師未晚  
上然之七年遣行會梁王使鐵知院等二十餘人使漠  
北爲大軍所獲械送京師 上欲以恩懷之令與公偕  
往至沙塘口鐵知院等謀曰吾屬奉使不達中道被執  
而還罪必不免於是說公改易制書共給梁王不從欲

殺之適梁王亦遣人來劫降逼令胡服辮髮往見公曰  
朝廷念雲南一方生靈不忍加兵特遣使持勅招降汝  
輩今反欲脅使臣以降邪吾以死自誓終不爲汝屈遂  
被害梁王壯其節命收骸骨送蜀給孤寺藏之後雲南  
平 朝廷方知公之死適其子黻亦以其事來白乃命  
馳驛奉視歸葬黻爲國子生貧不能還鄉以公嘗餽湖  
廣卽葬江夏縣金口鎮歲久遂占籍焉四子季充歲貢  
交趾遠游知縣弘治中輔臣徐溥言於雲南巡撫王詔  
爲請於朝贈刑部尚書諡忠節與王禕並祀改祠額爲  
二忠嘉靖初姑蘇李應禎往來宜興素知其事及官南

陽春集卷之三  
兵部以事過湖廣訪其子孫得之至金口墓已墾爲田  
居人莫肯言蓋其家赤貧侵者已久地契與家藏 誥  
命及遺書俱燬於火矣曾孫承宗志高玄孫鳳翔家益  
貧不振李爲言於御史唐符奏乞表墓從之歲時改祭  
承宗得官中書舍人

參議王公

子彥達

附王名善

陳敬

公名綱字性常一字德常温州人第秉常敬常並以文學知名性常尤善議鑒有文武才少與族人元章永嘉高則誠相友善往來山水間時人莫之測也元末嘗奉母避兵五洩山中有道士夜投宿性常異其氣貌禮敬之曰君必有道者願聞姓字道士曰湖南隱士趙緣督也與語達旦因授以筮法且為筮曰公後當名世然不克終曠下今能從吾出游乎以母老難色道士笑曰俗緣未斷吾固知之劉誠意徵時常造焉謂曰子真王佐才然貌微不稱其心宜厚施而薄受之老夫性在丘

聖異時得志幸勿以世法見累則善矣後劉竟薦公於  
朝洪武四年以文學徵至京師時年已七十齒髮精神  
如少壯 上問而異之親策治道嘉悅拜兵部郎中未  
幾湖民弗靖權廣東叅議督兵糧謂所親曰吾命盡茲  
行乎致書與家人訣攜其子彥達以行至則單舸往諭  
民咸叩首服罪回抵增城遇海寇曹真鼓譟突至截舟  
願得爲帥曲論不從叱罵之遂共擁而去賊爲壇坐公  
日羅拜請不已罵亦不絕聲遂遇害時彥達年十六亦  
隨入賊中從旁哭罵求死賊欲并殺之其酋曰父忠而  
子孝殺之不祥與之食不顧賊憫其誠孝令綴羊革裹

尸負之而出歸葬禾山洪武二十四年御史郭絳「其事得立廟死所錄用彥達痛父以忠死力耕養母祖衣惡食終其身不仕

此王陽明万世祖也王之年譜直言餘姚不及遷徙來歷

時有王

名善陳敬

### 王公

王公名名善義烏人洪武元年爲高州府通判四年秋八月寇黨羅子仁劫奪府印逼名善附之名善罵賊不屈執至霞峒新營遂遇害是月己酉也後雷州衛遣千戶黃青領兵擒子仁斬之



陳公名敬世家增城之石灘洪武十四年以賢良舉授  
部主客司郎中遇事剛果敢爲人多忌之以事左遷  
雲南曲靖府幕府尋署劔川州事劔川鄰寇竊發來攻  
州城敬親率壯士禦之衆寡不敵其下欲退敬瞋目大  
罵賈勇前進遂力戰而死軍民咸聚哭賻焉事聞命有  
司恤其喪

副使經歷熊公

附黃政

公名鼎字伯穎臨川人元末鄉薦入燕就試以議論奇  
棄不取歸主龍溪書院兵亂立柵結民兵自守一郡獨  
完陳友諒屢脅之不應 國朝兵入江西鄧將軍愈聞

其賢索至軍門與論意合大喜咨以兵謀 上至江西

召見慰勞甚至欲授官以母老固辭留愈府叅軍事母  
憂既葬復徵至京奉 旨借諸儒撫作公子書以訓貴

戚子弟初平浙西授德清縣丞錢鶴臯反松江聲搖德  
清民皆逃散坐鎮之卒得無患吳元年召議禮儀除中  
書考功博士尋遷起居注時 上精求禮樂之事嘗召

翰林學士朱升等陳樂器於庭。上擊磬命升辯五音。升對忤旨。上大怒欲寘諸法。鼎從容論解之。上曰：升每謂審音顧不辯宮徵何耶？對曰：石音難辯自古而然。唐虞惟后夔能和磬聲。書曰：於予擊石拊石，百獸率舞。上曰：任此豎儒治樂，樂何繇和？鼎具言樂之和由人所致。人君能致中和，則萬民和，萬物和，而樂音和矣。上怒乃解釋，升不問。升既出，謝曰：非熊君，吾屬幾殆。舍人耿忠奉使回奏，廣信郡縣官多違法，前所陳茶稅失實，時新行赦。上怒，趨中書遣御史往廉狀。丞相李韓公諫不聽，御史已受詔，丞相復諫不從。公與給事中尹

正盜曰 朝廷新立將布大信於四方今肆赦之後復以細故而煩御史按問既失信且褻國威 上良久乃曰止其追御史毋往 上詔浙西民輸糧京師率五百致一石民甚苦之鼎曰國家都金陵以浙西爲根本而遽困之農作方興僕僕道路苟一年失耕害不淺矣 上悅卽詔罷之明年 上卽皇帝位凡創制更革之典多預聞 上每字稱而不名立浙江按察司以爲僉事分部台溫二郡經方氏竊據之後別部僞官悍將二百人暴如虎狼出奇計盡刮種類遷於江淮間民始安枕 溫有邪師曰大明教造飾殿堂甚侈民之無業者咸歸

焉以其替俗眩世且名犯國號奏毀之沒產散其衆  
爲農地多倡家中朝使者以事至多挾倡飲有司罷於  
供應下永嘉令籍倡戶數千械送之京平陽州吏目杜  
乙賊罪事發下鞠同知以下皆服罪獨知州梅謚廷辯  
不已民數百遮門外爭知州無辜將聽之吏白曰今奉  
詔按獄而釋知州不治情則得矣如身受故出何再進  
民詢之辭不變歎曰法以誅罪吾敢身畏譴而誅無罪  
人乎釋謚以情聞上可其奏寧海強民陳德仲以憾  
支解黎異異妻屢訴無爲白之者一日覽其牒深疑忽  
有青蛙立案上曰蛙非黎異乎果異則止勿動吾復爾

寃蛙果如言明日逮隸訊得實誅之凡事未便者皆爲  
奏改兩郡民灑然如更生始兩郡早旣至輒雨民口此  
熊使君雨也是年秋立按察司於山東擇其人行新政  
上曰無如熊鼎矣改治濟南州縣官多失廉平陰跡數  
十輩悉如法論罷之六郡肅清陞其省副使三年封建  
親王拜晉王右傅治官晉陽坐事左遷大同衛知事五  
年召還授晉府叅軍以尚書授王府再奉 詔兼授秦  
王經明年召還復入王府尋改刑部主事八年授衛經  
歷時朶兒只把錐降尚持兩端上書萬餘言謂西涼岐  
寧漢唐內地不可棄朶兒只把非有歸向之誠特假我

聲援協服鄰邦爲自安計 朝廷宜思制之道急之  
則必蕭捲而遁雖得其地而無民緩之則恐羽翼旣成  
漸致跋扈宜稍給種糧撫其遺民以安衆心而以良將  
叅守之則孛兒只札特匹夫耳又將安往 上覽書曰  
人謂熊鼎迂濶今不迂也九年徵還次西京府打班驛  
孛兒只札特匹夫耳又將安往 上覽書曰

子孫力戰而死

皇明開國臣傳卷之四

臣朱國禎輯

丹陽縣男孫公

公名炎字伯融句容人面黑如鐵破一足持辨風生筆  
爲歌詩時丁復夏煜以詩名炎游此兩人間相切劘  
立機括下紙爛然雅能飲與煜對引務出奇得一爽句  
拍案大呼拔劍起舞亦以經濟自負氣豪才雄輕視章  
句儒衆中常自許曰孫炎男子豈死蓬蒿下耶 上渡  
江召見與語請延攬賢士以成大業 上悅辟行省椽  
論事慷慨激切多合 上心從征浙東擢同知池州府



尋陞知華陽府己亥擢行省都事是年十二月師克處  
州山澤間盜賊憑結不解甚難治 上以炎爲才授處  
州總制聽其辟任一切不從中覆匹馬入城召父老諭  
以天命所集空稟教化不且爲侈衆皆感悅仍擇勇健  
者練爲兵紀律嚴明賊皆退縮時才俊士因亂多伏居  
山谷中不肯出悉爲鉤至劉基章溢葉瑛皆處士所推  
基最有名不肯爲他人用使者再往返不起以一寶劔  
送炎炎作詩以爲劔當獻之天子斬不順命者我人臣  
不可私受封還之草數千言論基文詞甚美基尚不答  
然心已知金陵王氣有驗矣遂巡就見置酒與飲論古

今成敗之事如傾峽滾滾不休畧無枝複基乃淡敬歎  
之曰基自以爲勝公觀公論議如此基何敢望亦會

上來聘遂送基於京師 上方征伐無一兵與炎止以

口舌安反側郡日置身狼虎間無所疑憚壬寅賊叛害  
耿將軍炎被擒幽空室中守之脅炎炎始給以生賊視  
非本情恐留自遺患燭鴈斗酒噉炎曰以此與公訣炎  
拔劍割鴈舉卮酒曰嗟乎我乃爲鼠輩所陷爾死犬豕  
且不爾食賊持刀視炎飲酒自如賊叱解衣炎罵曰此  
紫綺衣 主上賜者吾當服以死何可解引枕而臥賊  
不忍伺其睡乃害之年四十事聞追封丹陽縣男妻某

爲賊擒亦不屈死公事親孝與人交緩急可遇匱乏者解衣推食給之所著詩若干卷其弟子蔣敬編次傳於世

南陽郡侯葉公

公名瑗字景淵麗水人元季兵亂從叅政石抹宜孫守處州時青田葉賢三等作亂瑗爲畫策捕斬之其餘山寇竊發者以次剪滅行省承制授元帥守桃花寨王師下處州謂其下曰金陵兵有紀律且氣候精明必成大事遂來降僉院胡大海以瑗偕劉基送建康辛丑授營田司僉事復命同佐鄧愈守洪都祝康之亂愈脫走瑗被執不屈大罵死之上聞痛悼遣使往祭追封南陽郡侯復其家塑像于院判耿再成之祠令有司歲祀後陳友諒滅配享洪都功臣廟

三三三

三三三

三

高陽郡侯許公

公名瑗字栗夫江西樂平人聰明強記至正中兩以易經舉於鄉皆第一會試不第放浪吳越間每醉必大言自負人未有知之者戊戌上駐兵夔州瑗以儒士進謁因言於上曰方今元祚垂盡四方鼎沸豪傑才勇之士勢不能獨安夫有雄畧者乃可馭雄材有奇識者然後能用奇士欲掃除僭亂平定天下非擾收英雄難以成功上曰今四方紛擾民困塗炭予用英雄在如饑渴也授博士留帷幄參謀議以太平股肱郡命爲知府瑗至厲士卒修城池撫黎庶庚子僞漢陳友諒率舟

師攻太平與守將花雲拒戰城遂陷瑗被執屬不辟死  
之追贈高陽郡侯

當塗縣男王公

公名愷字用和當塗縣人幼有大志通經史間爲府史人服其平乙未上渡江召至幕府爲椽叅決戎事時新下京口民抗拒不安慰撫之皆安方建中書省進左右司都事遇事彌綸元戎宿將唯其言是信戊戌獠兵數萬自杭來降待命嚴陵境上遣馳至軍諭之偕其渠帥來朝是年冬胡大海已戍蘭谿命與定議取婺降之己亥克三衢擢左司郎中總制衢州軍民事調度有方兵食俱足有警以五丁應付一兵攻凡得萬餘人開平王屯兵金華郡將或侵民偵知之械而捷諸市王



使人來讓對曰民者國之本將軍天子股肱肯令傷其  
本乎撻一部將而民安計將軍所樂聞也王歎美之開  
化馬宣挾舊印爲亂江山楊明恃險劫掠悉討擒之部  
內乃安饑疫出粟賑之全活無筭勸興學較士皆悅服  
諸暨戍將謝再興與部帥王甲有違言幾致亂力調解  
得安往來李平章文忠軍中議事多用其策六月僞漢  
寇龍江 上召嚴陵帥葛俊壽廣信牽制之謂俊曰廣  
信僞漢門戶彼旣傾國入寇必以重兵爲守非大將統  
全師往不可乃止俊請胡大海行廣信遂潰辛丑分省  
於婺控浙東胡大海曰當軍民民事悉以委愷時力役

無藝乃令民自實田數糧多者爲里正寡者爲副通驗其糧均賦之有一斗者役一日賤與貴皆無苟免金華周泰義烏柳昌侍俠蠹民逮至獄痛懲之自是畏避不敢吐氣猾胥潘立道操金華一邑田賦之柄緣爲奸利廉其罪狀以聞真于法挈綱布紀丰采肅然苗軍亂胡被害擁愷而出正色責以大義賊帥劉震欲全之其黨吳得真素有隙曰無自貽患乃被殺并其子行及椽吏章城年四十六追封當塗男公善謀能斷常白事未聽却立戶外比暮不去上出帷而問之從容諫如初上卽允行尤長吏事以儒術脩案牘辭簡而意周喜爲

詩歌情意爽豁 上以經濟材稱之將大用未舉而殘  
于三長爲侍儀使次行同外于難次升童

縉雲郡伯胡公

公名深字仲淵處州龍泉縣人穎拔有智畧涉獵子史百家及天官術數之書父鈺仕元征東行省左右司員外郎母趙氏一日談兵甚奇父警之曰才雖撥亂智在識主父宦游京師深年十歲徃侍父使高麗歸卒奉樞南還廬墓益讀書尤工文辭元末兵亂歎曰浙水東地氣盡白禍將及矣結鄉里自固石抹宐孫倅叅軍事募兵浹日間得數千引屯竹口時盜賊所在結聚徃諭曰爾皆良民也因驟迫至此棄仗卽良民耳盜以深長者不欺遂降會温州韓虎陳安國殺主帥據城叛深曰城

中叛者惟一二人耳請往諭之軍民見深相泣曰吾屬  
自度旦暮鬼耳若得更生敢不惟命遂以城降從征鄱  
陽賊青田潘惟賢聚衆爲叛龍泉長吏聞風遁去賊焚  
縣治深之師曰王毅先生與門弟子集義兵搗退之里  
中惡少年疾其功因害先生公在鄱陽馳歸執肆害者  
盡殲之窮其窠穴悉平移師攻遂昌賊酋出戰公望見  
笑曰賊若堅守不出未易卽滅今茲之來豈非天授我  
乎分部諸較以正陣接戰奇兵夾擊之別遣遊兵擣其  
伏匿比戰賊三面被擊大敗生擒八百人天兵取浙東  
婺衢既下獨處州爲不拔所守不降己亥 皇帝遣胡

大海由間道取處州石抹敗北大軍入城狗屬邑葉琛  
來降遣琛諭以禍福遂出應命 上素聞其名召至京  
擢左司員外郎與論事稱善詔還處州招集舊部曲從  
西征 上旣平江西命守吉安會浙東苗軍變殺守將  
已而復平命總制處州軍民事時山寇竊發人情未固  
捕首惡誅之防禦甚周慮戍兵單弱多方召募遂得兵  
萬餘人曰兵足矣諭于衆曰兵少不足禦敵師衆又無  
以餉奈何衆對曰養兵所以衛民苟不爲禦備計子女  
玉帛且不保而况于食遂因衆心量度民恒產權宜加  
賦軍興饒焉請寬鹽稅二十取一商販大集以沒入出

代租民甚賴之薦進士吳世昌司學事文教始興諸全  
守將謝再興叛犯東陽李文忠擊走之深引兵來援議  
以浙東屏障度地去諸暨六十里新築一城相表裏其  
勢益固浙西將李伯昇大舉入寇頓城下堅不可攻敗  
去。上以立城功賜之名馬遂平青田溫州方明善取  
平陽出偏師復之并復瑞安侵地親統正軍攻溫州明  
善勢蹙與其叔國珍議納歲幣乃還師。上卽吳王位  
擢王府參軍仍總制處州命征陳友定取浦城崇安建  
陽敗守將阮德柔兵四萬有定懇帥銳卒來鬪圍我營  
公以氣惡未卽攻爲朱亮祖所迫不得已進擊之破其

二柵敵悉銳圍深數重日暮深率精兵突出伏起馬蹶見執有定不敢害會元使至督促乃見殺年五十二追封縉雲郡伯公智識絕倫藝術無不精曉個儻好施予其守鄉郡凡五載馭衆一以寬厚用兵十餘年未嘗妄戮一人宋濂侍上白虎殿忽顧問曰胡深何如人對曰文武才也上曰誠如卿言浙東一障朕方賴之比伐閩有星變上曰東南必失一大將亟使諭之公已被害上甚痛惜之聞者莫不流涕子楨刻木具衣冠葬之友定既誅上使楨燔其肉以祭



昌黎先生集

卷四

七

東丘郡侯花公

妻郇氏

公名雲懷遠人少孤隨母嫁張氏貌偉而黑驍勇絕人  
癸巳杖劍謁上於臨濠上奇其材力俾將兵畧地  
所至輒克破懷遠城口虜其帥以歸進攻全椒拔之夜  
襲破繆家寨上以濠城殘敝將取滁州自單騎前行  
雲獨從後遇賊數千於道顧後隊尚遠舉鉞翼上拔  
劍躍馬衝陣而進賊驚曰此黑將軍勇甚不可與爭鋒  
兵旣至遂克滁州甲午從上取和州得卒三百以功  
授勾管明年乙未率所部從渡江上克太平以忠勇  
宿衛左右下集慶陞總管狗鎮江丹陽丹徒金壇諸縣

皆克之過馬馱沙劇盜數百遮道索戰雲且行且鬪三  
日夜皆擒殺之授前部先鋒文常州拔其城守牛塘營  
夏六月立行樞密院於太平拜院判丁酉春正月克常  
熱州獲卒萬餘七月兵過寧國陷山澤中八日羣盜相  
結梗道操矛鼓譟出入斬首千百計身不中一矢還守  
太平庚子閏五月陳友諒以舟師圍之率麾下三千餘  
人結陣迎戰三日賊不得入乃以巨舟乘漲泊城下令  
士卒緣舟尾攀堞上城中乏食士馬憊乙亥城陷賊縛  
公急怒奮身大呼縛盡解起奪守者刀殺五六人罵曰  
虜非吾主敵也曷不趨降賊怒碎其首縛於舟檣衆射

之忿激至死不少變年三十九追封東丘郡侯妻鄒氏  
方戰急時一子僅三歲鄒祭家廟會家人泣曰今城已  
破吾夫忠義人必以身死之吾夫死吾必不獨生然不  
可使花氏無後嬰兒在若等善撫育之聞公被執鄒赴  
水死年三十五侍兒孫瘞屍抱兒以行爲漢軍虜之至  
九江軍中惡養小兒逼投水中伴諸乘間授漁家脫簪  
資令善視之尋王師破友諒孫在漁家視兒故在矚漁  
人出負以走夜宿陶穴中天驕僦舟渡江遇債軍奪舟  
棄江中孫抱兒遇斷木浮至附入葦洲採蓮實哺兒七  
日不死夜半聞人語聲呼之逢老父號雷老告之故與

俱行明年二月達 上所孫泣抱兒拜 上上亦泣寘  
兒於膝曰此將種也賜雷老衣遣之復其徭忽不見兒  
八歲賜名煒侍 皇太子就學年十三授虎賁右衛副  
千戶後七年拜指揮僉事偕孫氏至太平未部骸骨東  
草像雲葬上元縣 世宗初立其五世孫遼東復州衛  
指揮僉事請於 朝部氏贈貞烈夫人孫氏安人立祠  
致祭

承義侯桑公

公名世傑無爲州人甲午與廖俞蔡諸公結水寨巢湖  
乙未納款從 上入和陽諸軍大集卽攻破鱗魚州鐵  
長官水砦取采石太平擒陳也先蠻子海牙遁擒兆先  
入金陵拔鎮江陞秦淮翼元帥下金壇丹陽從圍常州  
攻寧國常州平陞判行樞密院事取馬馱沙克大浦口  
江陰下太湖收空輿尋與諸將攻江陰石碑海寇樂瑤  
奮戈躍馬陷陣死諸將大怒奮擊盡獲海舟瑤窮促來  
降贈承義侯侑享 太廟 上起兵屢經危殆諸將戰  
死甚多最初爲宋國興定遠人父朝用從渡江授天寧

翼元帥國興生而壯偉每出先登授總管 上與陳瑩  
先戰南臺兵却國興年十八請出鬪 上壯之衣以白  
龍袍與常遇春馳入陣敵見袍誤以爲 上攢槊刺之  
被執見殺遇春翼 上潰圍出是日也國興妻曹氏亦  
赴井死洪武六年詔定功臣謚號禮部言光武封寇恂  
爲承義侯景丹奉義侯世傑侯名永義不必重謚 上  
從之而國興未之及後其弟晟立功永樂中封西寧侯  
世傑子敬以父故陞督府僉事比戰有功洪武二十三  
年以擒除克逆封徽先伯祿一千七百石世嗣誥詞引  
其父死難之功賜鈔還鄉治第宅二十四年練兵邊塞

召還明年又出燕陽信陽練兵繕浚城隍經略屯田明年閱民籍軍屯軍平陽已而屢出山陝北平



卷

第

五

越國胡武莊公


公名大海字通甫虹人長身鐵面智力過人甲午謁  
上爲前鋒從入和州克采石攻金陵常州先登授右翼  
統軍元帥宿衛佐鄧將軍自績溪進攻浙東諸郡擊敗  
元將八思爾不花追其萬戶訥於遂安元苗帥湯完者  
以兵十萬來救大海前諸軍斬其部將遂克嚴州與李  
文忠擊敗完者攻徽州擒其將進克諸全火九華山鮑  
萬戶寨遷行樞密院判官因說鄧將軍曰蘭谿爲婺州  
右臂於嚴爲近公引兵下之婺入我掌中矣從之遂下  
蘭谿進攻婺婺不下 上乃自往大海引其客王宗顯

來見 上曰客何自來曰烏江人 上喜客吾鄉人使  
偵獲還報曰獲將貳可下也曰有之汝爲守元將果開  
東開納師 上以宗顯知府事陞大海僉書行樞密院  
以王愷爲都事民賦軍器成屬焉時 上方伐陳友諒  
遣搆廣信破之信方絕糧人勸還師公曰此閩楚矜衿  
地不可棄爲堅守計以養子德濟協諸將鎮之李道明  
來攻自往內外夾擊大破擒以獻呂珍圍諸全堰水力  
攻公馳救奪堰反灌之珍大窘於馬上折矢求解兵詐  
之叅佐曰賊狡未可信機不可失乘之可立盡公曰言  
出而背之不信旣縱而襲之不武遂引還珍亦遁去

上以婺浙東大郡通甌引越以公爲江南行省參政  
婺州已亥克處州初苗軍元帥蔣英劉震李福等歸  
隸麾下喜其驍勇待之不疑至是震等謀亂以公選已  
厚未忍發李福謂其衆曰胡參政待我輩信厚然兵柄  
在主將不殺則事不成舉大事寧暇顧私恩乎衆從之  
以書通衢處苗師李佑之等約二月七日同舉兵是日  
英等入署陽請公至八詠樓下觀弩公上馬英令其黨  
鍾矮子跪馬前陽訴曰蔣英等欲殺我公未及答反顧  
英英袖出鐵槌若擊矮子狀因中公腦仆地英卽斷其  
首并于關住殺之脅僉書安慶院判張斌使從已公兩

目有光每夜出燁燁如炬旣沒敵人數擾我邊屢顯祥  
異或見夢於人或覩靈火滿野洶洶聞人馬聲泊出師  
輒大捷李將軍下杭縛英至京 上命懸公像市曹刺  
英血祭公贈越國公謚武莊洪武元年築壇鷄籠山祭  
故功臣公位第一而祔以文臣沒王事者李夢庚王愷  
孫炎等二年立功臣廟於雞籠山定祀二十一人命死  
者塑其像生者虛其位時公及廖永安趙德勝耿再成  
丁德興俞通海張德勝茅成八人已卒棲神卞壺蔣子  
文廟六王與華高吳良吳禎曹良臣康茂才吳復孫興  
祖尚存公嘗曰吾不知書吾行兵惟有三事不殺人不

虜人婦女不焚人廬舍以故所至健兒驩附編氓寧輯  
有祭征虜之風德濟積戰功聞難奔計進同僉樞密院  
明年癸卯諸全守將謝再興叛降張士誠左丞李文忠  
遣德濟屯兵五指山下備之因晉浙東行省叅政統重  
兵守諸全新城丙午移守杭洪武三年從大將軍北征  
居陣東徧爲虜所襲不能禦械至京宥復官後爲都指  
揮使鎮陝西卒



025-318

泗國耿武莊公

公再成字得甫泗州五河人癸巳來歸從征授百戶立戶泗滁和陽建康鎮江陞元帥守鎮江克揚州改守揚州宜興數被吳寇又改守宜興尋還守揚州上取金華爲前鋒屯縉雲之黃龍山取處州卽以爲守石抹宜孫率衆驟至擊敗之宜孫走死嚴戢部下招撫流亡有竊發者擒治赦其餘黨先是士卒無論大小徵私粟民間號砦糧民甚苦莫敢言公曰民盡餓死軍亦何爲白於胡叅政罷免民乃得安壬寅苗帥李佑之賀仁德叛方與客飲變作上馬收戰卒不滿二十人迎賊罵曰



俘虜奴國何負汝乃反急解甲降不降吾斫汝萬段揮  
劍連斷數繫兵不繼賊攢刺墮馬死胡瑗等收其屍藿  
葬之贈高陽郡公洪武二年侑享 太廟三年加贈泗  
國公諡武壯子天璧方起發前軍入京聽用行次石港  
聞變馳還收舊部曲討賊而李將軍文忠已破賊斬之  
卽襲父職李將軍討諸暨叛賊以兵策應方園珍據溫  
州乍降乍叛張士誠窺東陽皆討敗之 上于處州設  
制勝衛用爲指揮副使克浦城進攻建寧擊敗陳友定  
李將軍下杭州陞指揮同知世襲縛張士誠走方園  
珍擒陳友定皆 具有功征兩廣攻取三山生擒賊首陳

祖保等諸郡以次平定調回從征襄陽等處遂至西安  
策應招諭河州臨洮皆下改杭州指禪同知七年出海  
捕倭屢逐至外洋沉其舟卒



號國俞忠烈公

父廷玉弟通源通淵

公名道海字碧泉巢縣人父廷玉元末有彭祖及金花  
小姐者妖術惑衆江淮人多應之通海父子從其部屬  
李晉勝爲軍妖徒旣戰敗泊舟巢湖結水寨自固屢爲  
妖黨左右所困乙未聞上開闢和陽納款乞發兵

爲援

上大悅謂李善長曰吾士馬糧盡欲渡江乏舟

楫通海父子以舟師全附良應我機五月親率兵至巢  
湖諸將迎上登舟謀出東口時桐城閘馬場河等隘  
口皆爲元將蠻子所扼惟一小港可通然淺澗不  
容巨舟已而大

四川谷流溢素非行舟處皆水深

丈餘

上喜曰天助我也乘漲發至黃墩雙刀趙普勝

陰蓄異志華高

高含山人兵亂卽所居黃墩結水寨與俞廖諸將收軍共入巢湖自固納款

上親視之高等尾出東口將入江爲繫子海牙所阻時雙刀趙有異志高露其機上上歸益兵復至戰却海牙遂縱舟抵和陽渡江同諸將下太平等處授總管遂定金陵陞秦淮翼元帥謀取廣德守兵出戰奮擊敗之遂破其城從圍常州敗青軍廣德復叛再平之卽留守禦戍戍同討江陰石牌海寇已亥副俞通海破趙普勝水營自後破友諒援長與克南昌決戰鄱陽湖皆有功武昌旣平陞湖廣行省左丞乙巳規取淮南悉平之從討張士誠分門而軍凱還陞行省平章鎮湖廣三年封廣德侯祿六百石世券先是高奉使廣東巡視城池券留高府明年卒卮州上命中書省補支祿三百石無券子納券墓中贖集國公議武莊從子岳授指揮僉事

以爲言

上謀脫身歸聲言和陽取舟載兵同攻海牙

欲以兵勢挾之遂得歸乃集商人舟多載猛士復至

黃墩督其兵攻海牙敵船高大通海與永安德勝操舟  
進神勇無敵直趨和陽敵皆潰走繼攻鱗魚州等寨大  
捷長萬戶遂定渡江之計六月從上率舟師徑渡明  
日克采石取太平有功遂攻取邊湖水陽八月攻行廊  
山溼縣克小花圩寨溧陽九月克銀渚東壩及固城民  
湖寨復取三汊口敗海牙悉驅戰艦結寨采石元帥也  
先從子兆先合淮兵屯營方山相犄角窺伺太平丙寅  
正月通海攻采石寨二月復從上力攻海牙大破走  
之三月從平陳兆先營是月克臺城歷沙港焦門克阿  
魯灰者林苗軍水寨十七日拔鎮江追康元帥降之進

統軍元帥四月取丹陽金壇丁酉三月常州平陞行樞  
密院判官尋克江陰州宜興四月克宜城寧國復與樞  
判趙馘等乘勢趨水陽下之五月畧太湖克大浦口降  
張士誠守帥王貴鈕津等經東洞廷山遇其右丞呂珍  
大軍已西獨帥餘舟與戰矢中右目痛劇下舟令從者  
披已衣立船上賊不敢逼戊戌正月討江陰奪馬馱沙  
四月攻雙刀趙復取通州十月克宜興等處時雙刀趙  
據樞陽已亥四月擊敗之復池州陞僉書樞密院事庚  
子陳友諒犯龍江同諸將擊走之縱火焚其舟賊衆潰  
樞密院同知八月從討友諒遂克銅陵擒九江蘄州

黃州等郡壬寅四月取南昌癸卯三月張士誠圍劉驥  
遁於安豐通海擊敗其衆回攻廬州七月丙戌上大  
發兵帥通海等援南昌友諒解圍來戰丁亥遇康郎山  
戊子大戰先諸將乘風縱火焚其舟漢驍將張定邊直  
前戰率飛棚射中定邊相持數日舟小漢巨艦來壓軍  
皆首抵艦以脫鐵盔盡裂又乘風棹七舟載葦置火藥  
入敵水寨焚其戰艦數百僞王友仁友貴皆戰死賊稍  
退時舟深入鏖戰我師遙望久之不復見意已沒少頃  
舟飄颻遠出敵舟傍我師見之大喜躍呼奮前大敗敵  
兵敵遂拔水寨謀遁去我軍先柵壘子口及橫截左



遇其歸路戰愈急進曰湖有浮沙舟輒膠不利戰盍移兵入江據上游敵舟入我直擒易耳從之敵見我水陸結寨不敢出糧盡益窘繞下流突出與諸將追擊敗之友諒死甲辰二月攻武昌陳理出降三月陞中書省平章事四月廬州平守之拊搆勞來復業者衆城西北石灘淺澗浚廣加倍丙午四月從取濠州九月征浙西克湖州十一月太倉崑山崇明嘉定松江皆降僞帥陳仁壽乘大艘百餘已避入海聞兵行秋毫不犯復回鄉里來降願列編民者數千人吳元年三月圍姑蘇徐相國瑄令其討賊賊滅渡橋提兵蕩其營至桃花塢中流

矢創甚以四月九日歸自軍中。上幸第禮之。病章曰：平章知予來問疾乎？已不能語，遂揮涕而出。明日薨。年三十八。駕復臨哭之。慟塋聚寶山，追封豫國公。洪武二年配享太廟。六月祭于功臣廟。三年改封號國公，謚忠烈。公沉機簡重，勞不矜，能嚴而有惠。卒無子。廷玉從渡江，與諸子戰，功畧同。陞元帥，取丹陽。丁酉，克柵。江營獲老牛兒等，陞僉樞密事，總戰船。没于陣，贈河間郡公。次子通源、通淵。


### 通源

通源字百川，通海卒。卽軍中領其兵攻蘇州，擒士誠嗣。

通海官從大將軍征中原下山東河南北山西諸郡從副將馮宗異等會兵太原取陝西克慶陽尋張良臣復以慶陽叛率師自臨洮疾趨至涇州合兵圍而斬之西征王保保出連雲棧克興元皆先登洪武三年封南安侯食祿千二百石與世券從廖永忠伐蜀又從魏國公出塞征甘肅有功八年徙江南豪四十萬田鳳陽命撫輯開水利墾田攻雲南征廣南諸蠻俘斬數萬二十二年詔還鄉未行卒卒後逾年坐黨事以死不究仍賜葬聚寶山號國公墓傍

通淵

通淵以父兄故充參侍舍人從大將軍征秦隴燕趙功陞督府僉事征哈刺答至捕魚兒海獲酋長人畜班師轉餉二萬石江西又征都勻龍塲諸蠻峒克辰沅寶慶俘獲多上又念通淵父兄功封越雋侯食祿二千五百石率師討建昌叛賊築城越雋二十六年坐累罷侯還鄉建文元年召爲豹韜衛指揮使復侯戰歿白溝河子翊先卒次靖嗣官明年卒次端又明年優給錦衣未幾卒無後通源子祖病痿不能嗣孫宗魯孫信信宣德十年乞嗣信子瓏瓏子仲弘治五年皆乞嗣不許



鄖國廖武閔公

弟德慶侯

公名永安字彥敬巢縣人先黃州人父昺生五子永清  
永寧永堅永安永忠旺護 上渡江還鄉不仕永清以  
子昇贈明威將軍指揮僉事永寧早卒元亂妖寇彭祖  
兵起永安與永堅爲其萬戶旣敗永堅往仕友諒爲叅  
政永安則與其弟永忠縣人雙刀趙俞廷玉王子通海  
趙伯仲伯仲第庸合肥人張德勝葉昇無爲人桑世傑  
舍人華高以戰船千餘結水軍屯巢湖扞盜廬人左君  
弼者亦故盜魁以書招永安永安等不從君弼率兵來  
攻屢爲所困乃使韓成持書見 高皇和陽盡以舟歸

馬從攻蠻子海牙于峪豁大破之是時永安矢傷鼻入  
江再與通海德勝攻海牙青沙坊獲鬪船十五從還和  
陽與通海德勝破鱗魚洲鐵長官新生沙二寨獲人馬  
還從渡江永堅亦來歸取采石太平襲安慶往來用兵  
滅陳兆先皆與通海同事功亦相叅戊戌正月取宜興  
擒朱元帥陞同知樞密院六月士誠兵寇常熟永安大  
敗之又敗之通州狼山十月再拔宜興追擊至太湖乘  
勝深入後軍不繼水淺舟膠遂爲所獲士誠欲降之不  
屈俄士誠第士德見擒遣人求和請歸永安以易上  
以士德知勇斷張氏右臂不許甲辰上念永安遙授

平章封楚國公賜號及誥而贈旺爲涼國公丙午卒于  
姑蘇年四十七洪武元年祭雞籠山功臣廟配享 太  
廟六年下禮部定謚號禮部臣議曰有元失馭四海靡  
泐英傑之士或率義旅或障一方泯泯紛紛莫知所屬  
真主奮興不期自至龍行而雲虎嘯而風若楚國廖永  
忠等七人者皆熊羆之士奮力之臣或陷敵歿陣或遭  
變捐軀義與忠俱身先業隕 陛下混一天下追功隆  
封爵祿及子孫享祀配廟庭秩報已崇易名非誇臣謹  
以赴敵逢難謚永安曰武閔殺身克戎謚通海曰忠烈  
奉上致果謚德勝曰忠毅折衝禦侮威而不猛謚大海



曰武莊關土斥境武而不遂謚再成曰武壯折衝禦侮壯而有力謚趙德勝曰武桓桑世傑業封永義侯與漢光武對寇柳景丹同即用為謚 上可其奏八年皆加贈開國輔運推誠宣力武臣光祿大夫柱國同知大都督府事十三年改封永安郡國公亡子以永清子昇嗣為指揮僉事

弟德慶侯

德慶侯永忠知勇豪邁來歸 上見其年少曰汝亦欲圖富貴耶永安既為吳所執 上以永忠為樞密僉院領其兵友諒入寇龍江與張德勝乘勝追及采石奮擊

服之復太平徙同知樞密院事從征安慶與俞通海輩  
擊漢水寨破之長驅至江州仰攻不可上永忠度其城  
勢架橋舟後反舟而行名曰天橋至其城下與女牆齊  
接而登克之復與趙德勝攻下瑞臨吉安諸郡從戰鄱  
陽拚身出 上舟於圍友諒中矢死從征其子理出降  
徙湖廣行中書省左丞特鑄金字八賜曰功超羣將智  
邁雄帥使懸于門規取淮東克海安進攻泰州士誠以  
兵薄海安綴我師駐范蔡港未進 上誠徐相圍秦  
州勿動而令永忠還兵水寨禦之諭此寇裴徊江上自  
老之師我克泰州則江都自潰士誠果遁淮楊悉平從

克姑蘇錄功陞平章副湯和會討方國珍降之十二月  
自明州徑取福州洪武元年 上卽位兼太子詹事畧  
定閩中諸郡至延平招陳友定未下攻其西門城守嚴  
不敢出戰內自疑殺其將蕭院判士卒多淪城遁并力  
進攻友定勢蹙省堂仰藥復甦諸將開門降閩地悉平  
明年二月由海道取廣東朱亮祖爲副諭以宣布威德  
勿殺掠時何真守潮州先以書諭之真卽欵附上印章  
圖籍四月師至東莞真率官屬出見戊申至廣州盧左  
丞迎降以胡通守之攻破僞叅政邵宗禹數其殘暴斬  
之廣人大悅悉捕誅叛酋土豪馳諭九真日南朱厓儋

耳三十餘城皆納印請吏進取廣西六月至梧州降元  
達魯花赤拜住其尚書普顏帖木兒張翔募兵迎戰無  
有應者走鬱林亮祖勸兵追之帖木兒戰死翔赴水死  
七月至梧州命楊璟收未下州郡兩廣悉平明年還京  
命 皇太子迎勞龍江仍送歸第七月再往撫泉漳十  
一月封德慶侯初論功當封國公以鄱陽之戰使所善  
儒士窺意徵封爵故稍次之食祿千五百石贈三代十  
二月副湯和舟師由瞿塘伐蜀平之功次傅穎公凱還  
賜第京師又出征胡捕倭八年三月卒 上厚賻之子  
權娶湯將軍女爲散騎舍人九年從馮勝練兵西安十

一年從御史大夫丁玉征松疊十三年嗣侯十四年從  
傳將軍征雲南十五年領兵守畢節移守瀘州十六年  
召還十七年卒權之子鏞以嫡子任散騎舍人歷官都  
督建文中議兵事充宿衛 文皇入京以鏞與弟銘嘗  
受學方孝孺使往召之孝孺怒曰汝讀幾年書還不識  
個是字兩子復命 上怒收孝孺族之兩子拾遺骸葬  
聚寶門外山上甫畢廖氏見收兩子逝去永樂元年四  
月錦衣衛奏獲鏞送刑部論死弟銘錢叔昂謫戍邊昇  
蘇州衛指揮同知母及女送浣衣局從兄基指揮同知  
自首獄死永安雖以功受封每每失 上意故卒而贈

謚皆不及後江夏侯周德興有罪當下獄 上特赦之  
詔諸將相大臣諭之曰曩者豪傑並起豈無智謀壯勇  
之人然粗悍無禮自取敗亡朕當此時飭身自守推誠  
任人故能成此大功天下已定朕與卿等共享富貴當  
各盡其道而往有犯法者何也昔廖永忠數犯罪屢宥  
不悛又復僭侈失人臣禮甚矣夫智人君子既自守法  
又能訓子爲善不至犯法是以爵祿傳之無窮曷者反  
是夫法度者朝廷所以治天下也爲功臣者不能守法  
自保使朝廷屈法保汝乃不得已苟至再三朝廷亦難  
處矣朕以祭祀之時一心齋肅思欲格神及遣汝輩奉

祭則多私利慢神甚非禮也且國家除宮室外未嘗作  
一臺榭以爲遊觀燕樂之所而汝等乃私取材木廣爲  
室宇此豈守法教子孫之道乎念汝等相從俱常有功  
列有爵位故丁寧告汝等毋忽朕言善自保持

蔡國張忠毅公

附袁義汪典祖

公名德勝字仁甫合肥人才畧豪邁沉毅剛果自巢湖

以舟師水歸其弟義

義初名四爲雙刀趙德管守安慶敗趙同僉丁普郎于沙子港左君

獨招之弗從度子追陳友諒于采石戰死始來附命爲

帳前親兵元帥賜今名姓爲袁義辛丑從征友諒擣安

慶江州壬寅下南昌授管軍千戶癸卯攻廬州職友諒

于彭蠡甲辰七月克廬州十月廖平章征桐廬義烏郟

將俘僞吳兵丙午三月投鎮江從上于巫子門擊吳

將敗走之八月討浙西德清湖州丁未攻蘇州從取通

州陞僉典武備指揮事隨征中原山陝皆有功洪武二

年克鳳翔鞏昌安定會州敗小豫王于石州追大豫王

與諸將合慶陽張良臣以兵薄義營堅壁徐乘其因攻

破之三年刻王保保營取興元陞本衛同知四年調

林衛總領官軍防送都指揮馬雲葉旺渡每鎮遼五年

統兵下海捕倭十四年從征雲南克普定勳善備大

理楚雄等處有功十五年鎮楚雄時虜累叛義遣

調兵力戰虜遂遁去陞楚雄衛指揮使二十三年入



上慰勞之且備其老命太醫院爲療其鬚髮俾同舊法以威遠人特賜銀印掌事寵重之三十二年陞右軍都督僉事卒官于聚饗

爲雙刀趙所留不得從 上率兵

拔和陽營于新河授萬戶渡江取采石太平擒陳也先擢管軍總管蠻子海牙陳兆先復屯方山伺太平擊破之從取集慶大破方山營擒兆先克鎮江陞秦淮翼元帥從下常州宣州再陞僉樞密院事從下宜興普勝陷池州進擊敗之柵江口復池州友諒犯龍江伏兵戰大捷追至采石大戰歿于陣年三十三贈蔡國公諡忠毅侑享 太廟子宜幼養子同嗣職宣長 上命宣嗣爲中軍都督僉事坐累降神策衛指揮同知宣子輩孫昂

旻曾孫勇玄孫淮源世襲廬州衛指揮同知同復姓名  
爲汪興祖合肥又有周顯陳文皆驍勇顯從常李二將  
軍有功戰歿阿魯渾河贈汝南郡伯文蚤喪父奉母最  
孝從救吳越中原累戰功歷陞督府僉事洪武十七年  
卒贈東海侯謚孝勇武臣謚孝惟此

### 汪興祖

興祖巢人初爲張德勝養子德勝戰歿于宣勿興祖嗣  
職從張姓征友諒與俞通海趙德勝搗水寨抵江州克  
其城進拔蘄州從取南昌又從救安豐敗張士誠之兵  
還攻廬州鄱陽之戰興祖等六舟深入搏戰又邀擊涇

江口友諒敗死擢湖廣行省叅政從平武昌還攻廬州  
克之陞督府副使克淮東下湖州平吳陞同知督府從  
大將軍北征取山東州縣衍聖公孔希學聞大軍至率  
曲阜尹希舉鄒縣主簿孟思諒謁軍門興祖禮之兗東  
州縣皆降洪武元年立 皇太子兼領右率府事從攻  
樂安克汴梁還濟寧取元都狗永平下山西收大同卽  
命守禦敵兵再至皆敗去時宣已長嗣父職興祖乃復  
汪姓克武朔爲晉王府武傅兼山西行督府僉事洪武  
三年封東勝侯人有言其過者 上弗問亦弗與詰叅  
令自效圖實封從傅將軍克階文蜀平章丁世真據險

距我興祖躍馬直  
廟中飛石死傅將軍大怒疾進兵大  
破之以沒王事授  
原封侯爵世券食祿千五百石于幼  
以所賜田五頃令  
與宣同居後疾卒

三  
十  
三  
日  
三  
日

祭國趙武桓公

附程國勝

公名德勝 上所賜名也濠之鍾離人狀魁偉有膂力  
馬上運槩如飛壬辰兵亂爲義兵隊長時年二十八歲  
善戰爲賊所畏顧雜處羣中無所自見西謁歸德王怍  
哥察其馭軍無律必敗將擇所歸時 上駐軍滁陽聞  
母李氏在軍中七月棄其妻來從命爲帳前先鋒從取  
績佛岡攻三汊河口破張家寨克全椒後河諸寨元將  
脫脫圍六合禦之中流矢幾殆 上親臨視乙未剗雞  
籠山羣盜與僞將韓溥酣戰直搗烏江下和州含山三  
月夜襲陳也先營戊申也先來侵力鬪却之四月拔板

門寨五月擊長官寨遂取儀真錄功授總管府先鋒六月復從拔采石下太平及諸縣皆有功丙申元將蠻子海牙闕大兵南渡樵兵建柵采石磯斷淮西路陳也先營於方山相犄角皆從上力戰破之庚午下金陵功最下酉副魏公取鎮江破猶黎軍水寨夏四月下丹陽金壇五月平宣城轉承信較尉領軍先鋒六月取廣德七月破張士誠水寨九月魏公困牛塘掖出之大敗其衆擒裒將張將軍丁酉取毗陵縛張士德戊戌攻湖州已而宜興叛七月還兵取之己亥擢中奕左副元帥庚子五月陳友諒以重兵襲太平直犯龍江守虎口城力

戰伏兵皆起友諒兵大敗走遂復太平辛子陞後突統  
兵元帥八月從上伐僞漢乘風直濟小孤山抵九江  
友諒宵遁遂克九江分兵攻黃梅廣濟冬十月克瑞昌  
臨江吉安諸州壬寅從上至南昌三月取新淦州已  
而祝宗康泰據南昌叛從魏公復其城授僉江南等處  
行樞密院事上以南昌西江重鎮授皇侄大都督文  
正節鉞鎮之公統精兵爲戰將四月壬戌友諒重兵圍  
南昌癸亥率步卒闢城門迎戰僞將金指揮操戈直前  
射之應弦而仆敵氣大沮明日復合環城數匝友諒親  
督促勢在必取晝夜急攻城且壞先諸將死戰且戰且



築城壞復完六月辛亥巡城至東門敵發蹶張中其腰  
脅箭深入約六寸卽拔出之撫髀歎曰吾自壯歲從軍  
傷於矢石屢矣其重無踰此者豈命也夫然大丈夫死  
不憾所恨者不能從 主上掃清中原垂令名於竹帛  
爾卒年三十九追封梁國公謚武桓子獻代領其衆後  
配享 仁祖廟庭位第八公沉鷲簡靜剛明質直馭下  
嚴肅號令一行旗幟改色平生未嘗讀書隨機應變智  
畧如神臨難不懼奮不顧身性篤孝友有士君子之行  
獻歷都指揮同知世襲清浪衛指揮武桓兄弟六人父  
曰仁兄均祥第鑑端祚兄先卒鑑官指揮僉事端沉鷲

爾果屢從征伐積功歷興化衛指揮僉事居六年致仕  
子麟代逾年復拜廣東都指揮同知祿興化衛正千戶  
麟以壽終葬之日生子本字宗立襲邳州衛指揮使整  
造海舟創新開運神木營宮殿以才稱四扈出塞皆有  
功獲褒賞領班兵入衛從征漢庶人陞都指揮僉事尋  
回治司事甲子山東旱饑戶曹奏准停支屯田卒月糧  
本曰支尚不給不給轉溝壑必矣仍發廩放如額僚吏  
執不可本曰有罪在我因以聞于朝卒如所請賴全活  
者甚衆未幾卒官年五十四本器量淵洪風采凝峻生  
平以忠孝自厲蒞官行政寬猛得宜善謀而有勇好讀

書于義利之分古人成敗之迹辨晰甚明子輔嗣官

友諒之圖南昌也凡八十五日與武桓先後死者右副  
指揮劉齊右翼元帥同知朱潛統軍元帥許圭率兵取  
吉安漢兵畧城三人力戰死左翼元帥副使牛海龍萬  
戶程國勝出圍突戰中矢死樞密院判李繼先出戰被  
掠去死左副元帥趙國旺引兵燒賊艦追至板橋死洪  
都知府葉瑛江西行省都事葉思成康祝之變瑛慝成  
迎戰市中死臨江府同知趙天麟守臨江城城破死管  
軍百戶徐明當圍城日漢設陷奔數臨城誘戰明乘醉  
躍馬出城射賊賊走明追賊墮奔中賊鈎去誘降不從

死明有膽畧善修節軍中號爲胎裏謊嘗出劫友諒嘗  
養其良馬以歸故敵兵見明併力來攻遂執而殺之張  
子明者張元帥之子代父爲間使走金陵求援還至湖  
城被執友諒強官之萬戶令徇城給降子明佯許至城  
下大呼我張大舍己見 主上令諸公堅守救兵且至  
我必死幸得見諸公賊怒卽攢槊刺死張德山夏茂成  
皆軍士性勇敢善戰德山以夜半潛出城焚賊舟死茂  
成守城樓當賊衝中飛砲死友諒滅贈齊彭城郡侯海  
龍隴西郡伯國勝安定侯繼先隴西郡侯圭高陽郡侯  
國旺天水郡侯瑗南陽郡侯自有傳天麟天水郡侯明

合肥縣男茂成總管德山千戶子明初贈武毅將軍飛  
騎尉千戶後加贈忠節侯潛思成贈未詳皆廟祀南昌  
凡十四人國史所載與魏晉之記皆曰十四人並無程  
國勝或後人遂以國勝入康郎山祠中爲三  
十六人然洪都建祠在甲辰四月所載者如此而先一  
年四月國勝戰死又明註聖享洪都祠中則國史亦自  
程牙盾矣今吾學編收入洪都故祠之而  
朱學上墓誌又如彼并錄之以備參考其死而未入  
祀者吉安知府朱華萬戶霍輝

程公

程公名國勝初名元佐 上爲賜名休寧人英偉美鬚  
髯元末團結鄉兵禦寇丁酉大兵下徽州歸附署總管  
府先鋒徇下方山諸寨蕩完者重兵薄徽州以吾人衝

之皆倖易胡大海兵適至因覆其營戊戌從攻婺源嚴  
州平之士誠合楊完者兵攻嚴州敗其舟師于東門庚  
子降饒州友諒兵至數拒却之取浮梁平樂從徭公襲  
撫州降鄧克明南昌之役守寺步門與牛海龍夜劫營

皆中流矢死

朱學士升集誌曰公泗水得脫見

上丁

康郎山張定邊奮前直犯御舟身透膠袋公仗劍叱  
之急與帳前左副指揮使韓成水軍元帥陳兆先駕艑  
左右奮擊會鄂國常公從旁射中定邊執國俞公疾擢  
來援舟進水湖御舟遂脫而公等及遠敵歸之後援  
兵不接

力戰死

時年三十有一喜讀書慕節義居家孝友凡運

籌決勝之方不學而能每戰踴躍率先赴敵矢石交下

意氣自如贈安定侯謚忠愍



濟陽侯丁公

附張志雄

高陽郡侯韓公

子觀

公名普郎初爲陳友諒將守小孤山辛丑八月王師西  
征至其地普郎迎降用爲將從征積功授行樞密院同  
知七月己丑與友諒大戰鄱陽死身被十餘創首脫猶  
執兵若戰狀植立舟中不仆贈濟陽侯時死者甚衆祀  
於康郎山者三十五將軍而普郎爲首次張志雄志雄  
人故趙普勝部將善戰號長張嘗怨友諒殺普勝  
故龍灣之戰無鬪志且兵陷伏中率其黨皆來降友諒  
旣大敗走言於上曰彼旣東下盡併安慶兵以行無  
備可搆而取也從之遂取安慶鄱陽之戰志雄所乘舟



檣折爲敵所覺以數舟攢兵鈎刺之志維窘迫自刎贈  
清河侯

### 韓公

韓公名成虹縣人有勇畧壬辰從上舉義率先戎陣  
克泗州破諸山寨甲午克滁州授鎮撫守禦乙未渡江  
拔采石太平攻蕪湖丙申克金陵鎮江等處陞元帥守  
金壇從攻常州敗援兵解牛塘圍遂取揚州從下婺州  
復池陽戰龍江擣江州下南昌皆有功陞帳前總制親  
兵左副指揮使侍帷幄從援安豐攻廬州陽湖戊子操  
小舸翼上舟反繞於後兵不相及遂死之

各本曰  
上舟被圍

一靖羣將計無所出 上方散奇成進日臣聞之  
有殺身以成仁者臣不敢辭遂賜衣龍袍衣冕與  
張同對賊衆投水中賊 賊止諸將亦來援得脫 贈高陽郡侯子觀

### 子觀

觀字彥賓以舍人帶刀侍衛忠謹爲 上所知父沒命  
爲桂林指揮僉事世襲陞都指揮使觀生長兵間諳練  
武事爲人勁悍忍刻鎮廣西有生員來迎曰此皆賊覘  
我悉推出斬之申嚴紀律軍中無敢違令者初蠻寇不  
靖數出焚劫郡縣殺守吏邊民苦之觀勦捕人人用命  
獲寇必治以峻刑間宥一二遣歸諸蠻聞皆膽落不敢  
復出爲害由是境內得安後召還京陞都督同知再副

楊文征五開 成祖立以舊臣拜征南將軍鎮江西數  
月復鎮廣西四年從征交趾有功九年鎮交趾十二年  
卒賜祭賻

友諒既平 上還建康謂中書省臣曰自古兵爭忠臣  
烈士以身殉國朕與陳友諒戰於鄱陽諸臣效忠死敵  
朕念之不忘爾中書其議所以崇報之禮自丁張韓三  
將軍外宋貴京兆侯陳兆先穎上侯李信隴西侯王勝  
太原侯李志高隴西侯昌文貴汝南侯余杲下邳侯徐  
公輔東海侯劉義彭城侯陳弼潁川侯王咬住太原伯  
姜潤定遠子王鳳顯羅山下邱明梁縣子常惟德懷遠

子王德合肥子朱鼎合肥子王清盱胎子王善先定遠  
子汪澤廬江子丁宇含山子遠德山汝陽子羅世榮隨  
縣子陳冲巢縣子裴軫定遠子常德勝壽春男鄭勇興  
隨縣男袁華虹縣男史德勝定遠男王理五河男王仁  
舒城男曹信含山男立廟康郎山今有司以時致祭

韓成之死國史所紀在 上舟膠淺之先一日第六徐  
達等敗其前軍俞通海復乘風縱火焚寇舟二十餘艘  
殺溺者甚衆我指揮韓成等亦戰死並無在 御舟皇  
急中服號袍投水事康郎之祀丁普郎居首次張志雄  
次韓成止三十五人並無程國勝蓋國勝實死於洪都  
被圍之初列洪都祠中未嘗從戰鄱陽也今本皆云祀  
成於首壇入程國勝爲三十六人去之二百五十年秩  
祀之典漸湮不可考通誌中稱三十五人是矣而孫原  
貞爲記又曰韓成等三十六人蓋不知何所自始而今  
皆仍之大約起於朱學士墓誌以程國勝與韓成爲河

之說也。然則學士之文要難徵信而同  
時同朝之人耳目必貞又未可輕議也。

安國曹忠壯公

附別顯張維

公名良臣安豐人幼有人志及長英毅勇敢人多憚之  
元季羣雄競起良臣聚鄉里子弟訓練爲兵立堡以禦  
外侮約束嚴明無敢違令者壬寅上駐金陵來歸

上謂持兵可觀望而能效順嘉之命爲行省叅政從征  
廬州忽南昌告急上親往救從戰鄱陽湖成功進下  
襄陽從徐相國下淮東平浙西克姑蘇陞行省左丞從  
定山東河南大會臨清進平元都陞行省平章奉命守  
通州元丞相也速來侵時大軍悉往山西守備單弱兵  
不滿千也速萬騎營白河衆洶懼不敢戰奮起按劔曰

彼亡國之餘衆雖多心實懼怯不足畏以計撓之可不戰而走也密遣人沿河舟中各樹赤幟至三十餘里鉦鼓大震虜駭引去追至薊州斬獲而還是年從征陝西復守通州再從大將軍敗王保保封宣寧侯祿九百石四年征蜀克歸州至瞿塘與廖永忠分水陸進會於重慶降其王明昇五年從李將軍征沙漠嶺東道兵出和

林深入至阿魯渾河及其裨將周顯

顯合肥人精悍有膽氣號勇過人辛

未

上取滁和二州渡采石入太平顯充帶刀先鋒侍

左右從克深水溧陽丙申破陳桎先兵丁酉攻常州振

江陰克前部先鋒皆與有功戊戌從

上取婺州己亥

攻諸暨克衢州陞帳前都先鋒庚子陳友諒率衆陷太

平逼建康顯從諸將復太平戰于采石友諒退走癸卯

從討友諒大戰鄱陽諸將累立功乙巳授號騎衛千戶

元年充姑蘇以功改宿衛千戶尋陞指揮使至是戰歿  
原洪武三年收應昌紅羅山等處陞指揮使至是戰歿  
子嚴常榮張耀耀壽州人從義兵元帥陳瑄先領兵屯  
襲職命與諸將子同入侍衛壬寅授百戶守鎮江吳元  
辛丑管軍副千戶洪武三年守禦福建興化尋陞指揮  
年陞管軍副千戶洪武三年守禦福建興化尋陞指揮  
同知四年進指揮使自王師取武昌克安陸襄陽討張  
士誠及平中原取元都克太原慶陽擒上猶諸蠻羅累  
立戰功至是與榮等俱戰死事聞上命戶部各以米  
四十石布二十疋給其家遣官迎柩于清河口復命禮  
部各遣官祭之皆戰沒贈安國公諡忠壯子泰襲爵  
榮見關平王傳





燕山孫忠愍侯

附孫虎

公名興祖字世安濠州人剛毅有膽畧初從上陽和在行伍中無有知者比渡江屢有功敗陳友諒于龍江陞統軍元帥繼擣瑤昌八陳營進伐南昌遷指揮使鎮海陵敵不敢犯境陞大都督府副使移鎮彭城及大將軍取元都以重地建燕山六衛命顯戍守紀律嚴肅軍民得安謀報王保保將來犯爲必取計慨然奮曰憑堅城部勁卒以逸待勞攻則曠日持久彼力自屈乘其疲而擊之蔑勿破矣保保竟還救太原不果至今人咸壯之洪武三年北伐與指揮平定龐裡等次三不刺川遇

胡兵殊死戰出入震盪斬獲近萬人援兵不繼皆歿于  
五郎口年三十五上聞甚悼致祭配享于通州開平  
王祠贈燕山侯諡忠愍同時別道死者孫虎

虎不知何許人始來附時遣從諸軍援池陽下於潛昌  
化安輯嚴州諸暨以功授千戶及克新城取桐廬皆與  
有勞陞海寧衛指揮副使嘉興盜起虎領兵捕之謫福  
建及還從左副將軍征沙漠至落馬河與元太尉買驢  
力戰死之詔贈鎮國將軍僉大都督府事追封康安  
郡伯

樂浪漢忠襄公

附指揮同知于光劉黃

公名英廬州人少勇敢開國累功爲西安指揮使陞都督僉事十三年襲虜西涼破之開路通商仍獲元平章  
幽玉以下數千人七月至苦峪復獲阿者失里王之母  
妻斬部下阿哈撒答等八十餘人還兵肅州洪武二十  
年馮將軍征納哈出率所部從行既至金山受降餘衆  
驚潰竄匿山谷間大將軍悉驅其降衆南行又多奪良  
馬憾甚設伏於途邀襲大軍英爲殿虜伏發衆寡不敵  
英復馬踣被執絕食不言乘間自剖腹死贈金山侯諡  
忠襄明年贈樂浪公是行也大將軍功甚重以英歿虜

失三千騎故賞不行且加切責于璵生數月 上念英忠卽襁褓封西涼侯食祿二千五百石璵年幼趨朝踴傷命鑄玉字牌遜璵冠俾人遜避嘗從大將軍征討有功又出練兵臨清二十六年坐黨成五開生子真女適寧河王子鏞永樂元年鏞爲璵子陳情赦真賜鏞爲子得官指揮

朱史氏曰諸將死事者又有濮真一傳中云洪武初征高麗被執自殺攷 太祖卽位之初雖取元都破太原而元主猶在應昌關陝夫平王保保張思道李思齊等偪疆思逞未暇東征改遷京一隅四年方來歸附高麗

以元年十二月遣僕斯頒詔告以卽位諭使周知并及安南占城日本等國高麗隨入貢請封明年八月卽遣斯行冊禮爵仍前王儀從本俗安南亦如之故祖訓中謂二國首先歸附永不征討高麗尤近命使數數往來後以其國中弑逆却其貢拘其使臣勅遼東嚴備彼亦皇恐待罪未嘗敢抗是終 太祖世不聞加一矢用一

兵漢真師之深入取敗果何所據夫國初最重武臣贈都督僉事以上其卒也未有不錄况死於異國又烈烈如真竟不一見何哉斷是漢英一人而誤書之其割腹同盜同贈同子之名同表門之語又同此可槩見決當

歸一無煩爲真作贊詞矣

于公

于公名光字大用都昌縣人磊落有大志徐壽輝初起使其將張福夏彰據湖口元將三旦入據鄱陽都昌當其衝互相殺掠乃集鄉兵捍禦下令甚嚴衆皆用命屢與敵戰摧却之不敢近有潛通構害者皆先機梟其首人驚以爲神乙未徐兵破鄱陽光之勢遂孤都昌亦不守賊搜得光以爲元帥鎮鄱陽及浮梁陳友諒殺壽輝自立光曰皆徐之臣吾可爲之下乎遂以浮梁來降上命鄧愈鎮之與光連營城守友諒兵至輒敗去授江

西叅政與愈同視印悉聽大都督朱文正節制光輕騎  
謁上龍江召宰臣燕饗之禮意優渥賜金雕頂帽暨  
錦袍一襲授行樞密院判官戍徽州行十里復趨還解  
金連環并繚授之且曰予賜卿冠衣不可少此故又召  
來與卿光感知遇之深誓殫力報効上疏曰于光之心  
鞠躬盡力報惟一忠死而後已上命左右藏之曰此  
于光誓書也光察偽漢國政不一兵出於外潛獻搗虛  
之策自是拔江州戰鄱湖克武昌皆在行有功轉指揮  
同知從平張士誠北征下山東入汴梁克潼關副郭將  
軍守之元左丞來攻方戰舞戟橫貫其中大破之遂拔



潞州受命成鞏昌王保保屢引兵來戰輒擣走之洪武二年十二月保保知大軍南還以重兵圍安定州光往救兵少不能戰退屯三十里敵卒至腹背受攻被執而蘭州亦受圍守將張溫堅壁不戰擁至城下使諭降光大呼曰我不幸被執公等堅守徐總兵將五十萬衆行至矣敵怒批其頰遂被害城中聞言守益固保保進攻不利且懼大將軍至乃引去死時年四十三賜祭祀雞鳴山公氣貌修整幼讀書知大義善鼓琴能詩吟古今體雅健可觀兼通醫學望之烈烈佳士及持戟上馬意氣雄壯所向無前卒踐初誓之言人以爲難

劉公

劉公名廣羅田人國初北征克永平以廣爲指揮僉事鎮其地廣有膽畧善弓馬遇敵嘗提雙刀出入陣中人莫禦者軍中號雙刀劉後以功陞指揮同知嘗病且殆語人曰戰陣死王事吾志也居牖下死兒女手不亦鄙乎病亦尋愈洪武十三年十一月故元平章完者不花與乃兒不花率胡騎數千入桃林口寇永平掠民資畜廣禦之時步兵多騎兵少廣令步卒繼後獨率四十餘騎先至城北三十里蔡家莊遇胡騎千餘卽逆擊之兵少不敵後軍又不繼胡兵射廣中馬馬驚仆地遂被殺

左右多戰死、千戶王輅被傷、裹創臨陣、會後軍至、陰令部下先分兵伏遷民鎮、界陵等處、邀其歸路、又分兵出燕河夾擊之、胡兵敗走、輅乘勝追至、伏發、掄完者不花以歸、乃兒不花遁去。上聞廣死、惜之、遣使勅永平府傳送其喪、至京、以鈔百錠賜其家長子、祭先爲城門都尉。至是、襲廣職、未幾亦病死。上念廣之功、復命其次子貴襲職、使鎮岷州。

皇明開國臣傳卷之四

終

皇明開國臣傳卷之五

臣朱國禎輯

陝國郭宣武公 弟營國威襄公

公名子興濠人父山甫母單氏 高皇帝徵時過之山甫驚異留饌酒酣備陳天表之殊他日大貴毋相忘旣去語子第曰吾視若曹殆非執耒者皆可乘珪一日得志必繇此人謹事之因以子女入侍子興拳勇善騎射隸滁陽王避其名止稱興時 上在王甥館專征伐興備宿衛從克滁和渡江拔采石取太平定金陵先登授管軍總管克鎮江置五翼元帥府陞總軍元帥擢常州

書夜不解衣甲生蟻下宜州江陰宜興婺州破南昌  
彭孟大戰海艘駢進賈勇先登征武昌灑血馳戰斬獲  
多陞鷹揚衛指揮使拔廬州援安豐陷陣大敗張兵平  
襄陽衡澧還蹂高郵踣淮安剗吳興往往裏劔力翊平  
姑蘇陞督府僉事佐大將軍取中原守潼關潼關三秦  
門戶李思齊張思道日來覬覦厲兵積貯搃塞堅固屢  
敗其兵不敢東向移戍鞏昌爲秦王府武傅兼陝西行  
府僉事招募故元部曲洪武三年封鞏昌侯食祿千五  
百石與世券賜地佃墳戶代蜀克成都練兵臨清巡北  
邊召還十六年卒贈陝國公諡宣武子四景儀先卒表

嗣戾宗官僧散騎舍人第英自有傳英女第入宮進侍  
寧妃妃弟德成事 上爲曉騎舍人性明爽見幾避禍  
以酒自放 上一日召授官懇辭不受 上變色曰朕  
念爾親且舊兄弟皆登列戾而爾獨未顯故畀爾職何  
辭爲德成免冠泣拜曰臣性狂愚懶慢耽酒嗜臥不識  
事情緩急倘位高祿重必任職司事苟不理 上殺我  
也人生不過多得錢飲美酒隨意自適足了一生願卒  
賜 上大喜曰善人舉能若此吾刑可措矣立書勅賜  
黃封百罌金絲稱是寵待益厚德成嘗侍宴後苑醉蒲  
伏免冠謝髮禿落且盡 上笑曰醉風漢毛髮如此非

過酒耶德成仰首曰臣猶厭其多欲盡剃始快 上默然既醒大懼誤觸忌諱遂盡剃髮披僧衣狂呼唱佛不已 上笑謂寧妃曰前謂汝兄戲言乃實爲之非風而何德成嘗見其兄弟征鎮四方逾年不得歸輒笑其以虛名受辛苦曾如我飲中樂耶已而黨事起死者相屬德成益狂蕩不檢以壽終

### 弟營國威襄公

英沉毅智勇精騎射年十八與徐司馬等

司馬御名宇從政世楊

州人元季兵亂生九歲無所依 上得之養以爲子既長出入侍左右屢從征伐有功除總制 金華吳元年授指揮押回知洪武元年同曹公北征獲故元宗 慶曆三年授指揮使 十二月以各處窮兵者備置都指

釋使九年攻河南十九年入觀陰督金事二十五年  
冬率師征越嶲還至成都卒司馬好文學接人温然謙  
恭爲政以惠愛爲先所至無後士卒極郵貧困甚得人  
心尤敬士大夫公事之隙退居一室講論終日蕭然如  
帝布之士自少富貴直宿帳中爲上親將屢立戰功  
家無餘資人稱其賢

上嘗以郭四呼之鄱陽鏖戰友諒中矢死有言其功者  
上問之曰天威神算臣何力焉 上益重之闕詔昌其

將陳僉同驍捷善禦突入帳下 上方坐胡牀遽呼曰

郭四爲吾殺賊躍馬一呼賊應手而殞解所御赤戰袍

衣之曰唐尉遲敬德不汝過也攻岳州敗溘張援兵從

征襄陽陞千戶克淮安鳳陽安豐陞指揮僉事洪武元

年從大將軍北定中原所至有功取通州爲先鋒距城



三十里立營衆請速攻曰吾師遠來宜少停示弱出不  
意破之翌日大霧以千人伏道傍率精騎三千直抵城  
下元將帥萬人張兩掖而出與戰良久佯敗乘勝來追  
伏兵中起截爲兩斬首數千級擒宗室李羅梁王遂克  
通州元主北遁克永平真定定州生擒守將湯回僉從  
取太原劫王保保軍夜率十餘騎潛入其營舉火鳴砲  
伏兵齊起保保大潰遁去下興州大同至沙淨州生擒  
偽器竹平章渡河取鹿臺西安鳳翔鞏昌追敗賊將賀  
宗晉於亂出庚戌陞指揮副使從征迤西克定西討西  
夏察罕腦兒撫安忽辰平章沙淨州復煖討平之克宣

寧州陞指揮使辛亥陞河南都指揮使將赴鎮 上命  
寧妃携内饌至第餞之侯素清儉賜白金二十畧廐馬  
二十疋既至宣布威德綏輯流亡未期年戶口倍增境  
内大治丙辰移鎮北平時率胡反側不寧開示誠款一  
境帖服來降者甚衆十三年召還進大都督府僉事定  
官制改前軍都督府僉事討灰山賊平之明年從征雲  
南與都督陳桓胡海洋分道進討道多險隘諸將欲深  
入侯曰破敵貴先聲攻取必自近始舍近趨遠豈策之  
上耶先攻赤水河路距河二十里爲營時久雨水瀑  
漲乘夜濟河賊大潰進攻曲靖陸梁州關索嶺及諸山

寨皆克之十五年至江川椅子寨先遣騎兵五千攻其  
前賊空寨迎戰俟精騎擣其後斬門而入賊大亂悉破  
滅之進攻大理金齒降段平章攻靖寧州蠻七寨一日  
夜破之取仁德府破哨店山寨圍姚安敗賊將李自久  
十六年過金沙江破北勝府生擒賊將雲南悉平論功  
封武定侯食祿二千五百石世襲十八年鎮遼東二十  
年同馮大將軍討北虜納哈出降之師旋虜追襲與戰  
創傷左脇箭復中右脇益奮虜遂却延征虜右副將軍  
仍鎮遼東二十一年出至捕魚兒海卷甲直抵虜營虜  
王潰圍出其將蠻子太尉來拒手刃之遂成大捷已巳

同諸將厚賜歸鄉庚午獨召還京統禁衛諸軍辛未虜  
寇邊命出討逐北至寒鴉山而還丁丑討川陝餘寇授  
征西將軍生擒賊首高福興及其黨御史裴承祖劾疾  
養家奴百五十人輒殺人不問建文時從耿炳文李景  
隆卅兵老矣聽指揮而已永樂元年卒年六十九贈營  
國公謚威襄公能讀書多所通曉孝友仁恕恭儉誠實  
家居不治田產 上問故曰仰荷寵靈富貴已極安生  
侈心與士卒有恩方北征軍法必令親軍更直一夕大  
風雪悉罷遣歸營母喪廬墓致疾夢母告以地濕傷生  
命乃召命乃歸事 太祖四十餘年小心謹慎未嘗有

遇嘗侍坐便殿有奏事者急趨避上曰坐朕自理事  
不汝關也其見敬愛如此大小百餘戰金瘡遍體每陰  
雨痛甚及聞征討之命卽日就道未始以老疾辭上

晚節功臣已盡獨英與長興侯備任使終始不替云

弁州

以英爲興之子而楊文敏神道碑與郭勛  
自編世典皆以興爲兄諸書盡同臣之威襄子十二

人鎮駟馬都尉尚永嘉公主女二遼郢二王妃孫二十  
八人長孫女仁宗貴妃玳以貴妃弟故得嗣侯宣德  
中玳署宗人府事奪河間民田廬又奪天津屯田千九  
十畝罪其奴宥玳十年永嘉公主乞子珍嗣侯英宗  
念珍本英嫡孫與錦衣衛指揮僉事已而玳子聰與珍

爭嗣侯並勒停亦與聰錦衣指揮僉事天順元年詔恩  
嗣侯諸大臣言英適長曾孫昌宜嗣昌者珍長子也聰  
又與昌爭 上許昌嗣五年昌卒子良優給成化四年  
聰又言良非昌子停良嗣與指揮僉事錦衣已而良屢  
乞嗣并奪指揮開住弘治二年良又乞嗣下刑部獄三  
年復良指揮僉事已而郭宗人共乞擇英諸孫一人嗣  
侯下廷議皆言良本英適玄孫 上許良嗣良世勲戚  
以爭貴中落獨好聚書爲詩樂與文儒交其爲指揮嘗  
中武舉理衛事既侯掌中軍領京營牧馬虜犯大同克  
左叅將當出兵不果因上備邊六策正德二年卒子勛

陽明先生集

卷五

歸自傳

新國康武襄公

公名茂才字壽卿蘄州人。一經史大義事母孝有志事  
功元末州陷結義旅捍敵。元授長官復九江擣蘄水黃  
連寨轉蘄州路同知總管府事淮西宣慰副使都元帥  
屯兵和州之峪溪乙未上渡江將士家屬尚留和州  
公移戍采石水寨扼江爲阻兵不多善戰士皆用命常  
忠武王游兵虛撓之度力疲夜設伏質明殲其精銳  
殆盡然猶收合潰散降天寧州明年上命諸將以  
襄陽大砲破其寨奔建康授淮南行省叅政甫踰月  
上克金陵又奔京口舟師追及之率餘兵三千降頓首




軍門曰前日之戰勦力爲土屢敗不振天數非人力今願歸死效尺寸上釋之命統所部從征明年授秦淮翼水軍元帥守龍灣取馬馱沙八月張士誠來攻逐走之獲其樓船戍戍徙攻池州取樅楊遷都水營田使

上曰比兵亂失耕之食特設此官命汝興水利高下旱澇時其蓄洩屯田大獲仍兼帳前總制親兵左副指揮使友諒旣破姑熟將窺建康上知公素與友諒善密諭曰有事任汝能辦乎忠曰惟命曰友諒且入寇吾欲速其來分其力給以虛賞非汝莫可使者若致書僞降約爲內應友諒來吾事濟矣對曰家有老闍舊事友諒

令持書往必信因爲書言朱某不足與有爲兵弱地蹙  
四面勅敵僕委身圖阱欲奮拔鱗翼若大軍分道速進  
便當納款建康可唾手得也友諒得書大喜問康公安  
在曰守江東橋問橋何如曰木橋厚賜開者遣歸答書  
某日至橋所呼老康公卽我應內外奮擊功成官賞不  
爾客書至呈上 上曰虜墮殺中矣卽命李善長一夕  
易橋鐵石友諒至見橋愕然又連呼老康不應遣視營  
中瘠馬敵旗四散落落益大驚曰老賊給我 高皇自  
將麾伏兵四起大破之勞公曰今日之勝皆汝功也賜  
資甚厚辛丑從 上親征友諒拔江州又敗友諒八指

揮降二萬餘人明年復龍興又明年破殺陳友諒及降  
陳理皆有功進親軍副都護從克廬州徇湖南諸州皆  
下之進大都督府副使從取秦州士誠犯江陰京口  
上自將擊之士誠兵遁走命追至巫子門敗之獲士卒  
三千擣淮安拔水寨遂攻湖州逼姑蘇大戰尹山橋破  
之縛士誠陞同知大都督府洪武元年從大將軍北伐  
駐師陝州造浮梁濟軍遂結河中招降絳解二州遮蔽  
潼關秦人不敢東三年從征定西取興元召還卒於陝  
州年五十七贈中書平章柱國追封斬國公諡武襄  
上親爲文祭之葬幕府山三，鐸以父功封斬春侯食祿

下五百石與世券時鐸年十歲入侍 皇太子讀書大  
本堂金鑄斬國武襄公五字置帽上復 御書康一子  
謹承先業愛爾勤功十一字賜鐸及其庶兄鑑以寵之  
八年詔鐸督民開荒田於鳳陽十年征辰州瀟縣十一  
年半松懋諸州有功十三年巡沿海諸城撫備兵民十  
四年從徐大將軍北征既還從傅將軍征雲南克普定  
破華楚山等砦卒于軍年二十三追封如父諡忠愍子  
淵澄皆幼淵優給充散騎舍人已而革冠服勤居山西  
卒于勝永樂二十二年宣德一年再乞嗣爵勝子承以  
治七年援詔請嗣皆不許



江國吳襄烈公 弟海國襄毅公

公名良定遠人初名國興後賜名雄偉剛直與弟頎俱以勇力稱良能沒水遠探而頎異服爲間諜 上起兵兄弟皆來附從 上取滁州乙未克和陽先戰有功從渡江與元兵戰采石拔其營克姑孰溧水溧陽丙申定建康鎮江常州以功進鎮撫破張士誠兵於秦望山下江陰以指揮使領兵鎮之士誠據姑蘇跨有淮東浙右江陰正踞江口當往來要衝士誠多變詐動以金帛啗誘將士且日窺伺比行 上諭之曰彼以其詐我以吾誠爾爲邊將鎮守封疆約束士卒毋外交毋納逋逃毋

逐小利毋與爭鋒惟保境安民而已奉命治兵惟謹戈  
戍復命禎往助守其秋敵來侵擊敗之俘數千人拜樞  
密院判行分院事己亥士誠盛兵來扼境先遣禎率部  
下王忽雷等自北門擒敵數人敵懼莫敢前分兵出南  
門合擊敗之是冬復寇常州良遣兵間道殲其兵於無  
錫之三山敵狼狽而遁 召至京勞曰吳院判保障一  
方使吾無東顧之憂其功大矣賜之車馬珠玉不足以  
旌其能命館閣學士宋濂爲詩文美之仍還守江陰乙  
巳 上大發兵取淮東士誠以巨艦數百艘涉江而上  
民歲歲以待明年正月 上親禦之至境敵遁去追至

巫子門良等縱兵夾擊大敗之。上回幸江陰見防禦有方嘉之曰巨汝非昔日之吳起乎稱歎久之大賞賚下及偏裨良在鎮仁而有勇武不弛文屯田以足軍餉平徭以蘇民力嚴條約以禁遊惰獎名節新學宮敦士習絃誦藹然有禮義風其馭將士不妄刑殺犯則罰無貸故下皆畏而愛之至其自奉聲色貨利泊無所嗜夜宿城樓枕戈警備時歲旱躬自禱大澍歲登居守凡十年與長興宜興常州氣勢聯絡敵不敢逞民得以安丁未克姑蘇移良并鎮僉大都督府事武備益修洪武三年論功封江陰侯食祿一千五百石世券五年爲征南



將軍討廣西叛蠻盡平其地移兵入銅鼓五開路騰浪  
諸溪洞蠻夷畏威懷德輸租奉法令八年 上移江南  
民十四萬田鳳陽壯京畿令良與李太師周德興等督  
田事十二年齊王受封青州命營建王府納其女爲王  
妃留三載疾卒年五十八贈江國公諡襄烈肖像祭功  
臣廟子二人長高嗣侯屢出練兵征胡二十八年有罪  
謫征龍州靖難兵起守遼東與楊文數攻永平 文皇  
曰高雖快行事差密文勇而無謀去高文無能爲也遣  
人遺二人書盛譽高極詆文故易其函授二人所二人  
得書並聞 建文君果疑高削爵徙廣西獨文守遼東

竟敗永樂初復召高鎮守大同上言禦虜方畧十二年  
被劾編民江陰十七年奪券洪熙元年上曰高往年  
多行無禮謫戍海南卽死徙其家會赦得釋宣德十年  
子昇乞嗣不許

弟海國襄毅公

禎字幹臣初名國寶與兄同歸上賜名孫德崖之變

上城外策馬先還卒免于難渡江戰功皆與陞右  
元帥副良守江陰首破張士誠水寨擒其梟將朱  
辰授指揮使丙午寇出馬馱沙從上追至巫子  
月寇乘潮逆拒首尾相失縱兵急擊之俘獲無算是秋

從大將軍取滿州勒奇兵出舊館扼之戰大捷事平遂  
留戍焉吳元年平士誠進僉大都督府事副湯將軍討  
方國珍引舟夜入曹娥江通道夷壩出其不意直抵車  
廡方潛挈家入海追至盤嶼戰自申至夜三鼓敗之盡  
獲其船馬輜重國珍遂降仍由海洋取福州不數日奄  
至城下圍其西南水部三門一鼓克之明年破延平擒  
陳友定闖海平歸次昌國海寇葉陳二姓聚劫蘭秀山  
立勦之洪武元年兼太子左率府副使吳王左相大都  
督府僉事二年從大將軍于陝西與馮勝駐慶陽安輯  
軍民三年巡海上封靖海侯食祿一千五百石世券專

爲王傳解督府事以事奪侯尋復之五年發兵東戍定  
遼總舟師由登轉餉海道險遠調度有方七年海警復  
領沿海各衛兵出捕往浙東收籍方氏台溫明三郡故  
兵三郡亡賴惡少年挾私逞怨蔓引平民富家爲兵瀕  
海大擾寧海縣知縣王士弘曰誣良民爲兵此不可也  
吾寧獲罪死當爲民請命仰上封事言狀辭甚懇切

上嘉士弘言即日詔罷之三郡之民賴以復安

士弘  
潞州人

南雄府通判

率兵至琉球大洋獲倭寇人船遂往來海道總

理軍務寇亦遁跡十一年疾作歸京明年五月卒年五  
十二贈海國公謚襄毅五子忠襲封堅衛鎮撫



長興侯耿公

公名炳文濠人父君用從上取滁和積功爲營軍總

管克采石下金陵丙申攻宜興與士誠戰死炳文代領其軍明年取廣德長興擒士誠守將降其兵以炳文爲

都元帥郭成副之守長興改爲安州時獲處士溫祥卿

祥卿長興縣人原籍山西兵亂流寓通陰陽家學耿炳文守長興延之用其策分據要害張兵屢來寇皆敗走不敢犯者四年祥卿贊畫之功居多洪武二年授大都督府照磨三年改秦州府錄事九年陞長史十三年守信州尋改太原知府歷任明敏有爲公廉不擾十七年召爲兵部尚書五月諭以雲南平定凡從征將士存者各加封賞惟死者永遠歸路誠可哀憫悉令收遺骸與祭館葬之十八年降刑部主事歷四川布政率官與

許訂之留贊軍事辛丑士誠將李伯昇來寇敗之張士

信益兵圍城又敗之凡十餘年寇屢至固守待援兵兵至輒敗竟不能越境窺金陵拜指揮使吳元年破蘇州陞大都督府僉事從北征洪武初授鎮國上將軍兼右率府副使扈幸汴梁從平山陝守長安餽運鞏昌不乏遂鎮陝西大浚堰築興水利三年授秦王府左相兼陝西行省右丞封長興侯食祿千五百石與世券自陳祿入不給歲賜租亦如之十四年破虜北黃河復還陝西十六年往諭征南諸將并視城池軍馬蠻寇復叛討平之二十四年賜鎚鈔造第鳳陽葺先塋贈君用爲侯肅清逆黨差次功臣以炳文附徐中山爲一等二十五年

兩當妖人作亂總兵討平之三十年克徃西將軍勦平  
蜀盜高福興俘三千餘人三十一年鎮守遼東建文元  
年北兵起炳文爲征虜大將軍率衆二十萬北進至真  
定都督徐凱兵十萬駐河間都督潘忠楊松營莫州先  
鋒至雄縣 文皇出不意破其城忠松引衆來援伏兵  
起忠等皆被執因得炳文虛實遂長驅至真定張玉朱  
能譚淵來戰炳文大敗奔還滹沱河東衆尚數萬復戰  
衆潰皆降副將駙馬李堅都督審忠顧成指揮劉遠俱  
被執炳文固守真定靖難兵攻城二日不能下去之炳  
文老將善戰至是敗建文君始有憂色召還遣李景隆



代之北師既入迎降永樂二年刑部尚書鄭賜左都御  
史陳瑛劾炳文衣服器皿僭飾龍鳳玉帶僭丹韞 上  
曰炳文先朝老臣亦爲此其速改尋籍其家炳文自縊  
死子璿駙馬都尉獻後軍都督僉事北兵起與江陰侯  
吳高及楊文率遼東兵圍永平不克退保山海關吳高  
護同參兵徙廣西楊文守遼東獻數請攻永平以動北  
平文不聽瑄散騎舍人擢尚寶司卿先後皆獲罪死炳  
文有伯父君美從克滁和還邾士信兵君美子瑞力戰  
中矢死從弟忠亦有戰功爲參將洪熙初盡以長興侯  
田舍賜留守郭鑑其孫今在長興

朱史氏曰炳文事太祖四十六年固守長興驛馳邊塞有功無過保全終始任寄大約與郭武定英等此亦開創君臣所絕少者留事建文北兵既起拜大將率三十萬衆一戰盡覆黃金開國功臣錄黃佐革除遺事皆言炳文死于陣忠節錄據二書收入祠中果爾真得死所成就一生名節吾亦快之而國史則云永樂二年被劾縊死修國史者

親與炳文相值目擊其事當必不悞舍此不信更信何書若列之遜國則誣委之李景隆之流不揣本而齊末則枉况一生功業在武定之土武定以椒房至親且非特將得免并獲贈諡耿獨鬱

禮記卷之四  
卷之五  
卷之六  
卷之七  
卷之八  
卷之九  
卷之十  
卷之十一  
卷之十二  
卷之十三  
卷之十四  
卷之十五  
卷之十六  
卷之十七  
卷之十八  
卷之十九  
卷之二十  
卷之二十一  
卷之二十二  
卷之二十三  
卷之二十四  
卷之二十五  
卷之二十六  
卷之二十七  
卷之二十八  
卷之二十九  
卷之三十  
卷之三十一  
卷之三十二  
卷之三十三  
卷之三十四  
卷之三十五  
卷之三十六  
卷之三十七  
卷之三十八  
卷之三十九  
卷之四十  
卷之四十一  
卷之四十二  
卷之四十三  
卷之四十四  
卷之四十五  
卷之四十六  
卷之四十七  
卷之四十八  
卷之四十九  
卷之五十  
卷之五十一  
卷之五十二  
卷之五十三  
卷之五十四  
卷之五十五  
卷之五十六  
卷之五十七  
卷之五十八  
卷之五十九  
卷之六十  
卷之六十一  
卷之六十二  
卷之六十三  
卷之六十四  
卷之六十五  
卷之六十六  
卷之六十七  
卷之六十八  
卷之六十九  
卷之七十  
卷之七十一  
卷之七十二  
卷之七十三  
卷之七十四  
卷之七十五  
卷之七十六  
卷之七十七  
卷之七十八  
卷之七十九  
卷之八十  
卷之八十一  
卷之八十二  
卷之八十三  
卷之八十四  
卷之八十五  
卷之八十六  
卷之八十七  
卷之八十八  
卷之八十九  
卷之九十  
卷之九十一  
卷之九十二  
卷之九十三  
卷之九十四  
卷之九十五  
卷之九十六  
卷之九十七  
卷之九十八  
卷之九十九  
卷之一百

禮至父子並死恐昧太祖在天之靈亦有所不安也照  
吾君學編存之列侯傳中庶得其實云

芮剛楊武信公

字丁玉

公名環合肥人本儒家子少沉毅讀書不喜章句如武畧來歸授管軍萬戶溧水句容金陵功陞管軍總管鎮一江江陰功陞親軍副都指揮使娶諸暨功陞樞密判官從征友諒克九江黃梅廣濟立湖廣行省環爲叅政移鎮江陵討斬叛寇進攻湖南洞蠻駐師三江口招討功

陞平章政事克征南將軍取廣西克寶慶永州留丁玉

守之

玉初名國璽直隸韓林兒爲御史才辨有時譽

人元末流落江淮間初仕

太祖用爲九江知

府彭澤山民叛聚鄉兵擊敗之以武畧稱轉指揮更名玉從征屢立戰功甲辰冬同傅友德克南州玉遂守之改南州爲指揮同知洪武元年楊瑄克永州調玉往守威望甚著天下既定陞都指揮使尋遷叅政兼都指揮

使鎮廣西以仁惠為政軍民悅服九年陞右御史大夫  
洪武十年松州等處蠻寇為亂克平遣將軍討平之  
賜勅諭松州已克則疊州自服來降諸酋長必遣人覲  
勅至可分一軍先還四川調遣于是玉遣指揮高顯等  
城松州請立軍衛至是降印設官領軍戍守六月以其  
地山多田少復勅玉并省戍守主上言松州西羌蠻寇  
要地軍衛不可罷從之遂詔還軍四川七月討彭普貴  
等平之賜勅諭并省指揮普亮以其用師不律致害  
良民也十二年還京賜普亮以其用師不律致害  
大行序年都督十三年生黨論死

圍靖江朱亮祖自

廣東來會方攻有輸降者給白皮帽百餘為內應遂克  
之并下郴州諭降左江土官黃英衍田州岑伯顏還京  
為偏將軍征山西出中路戰於韓店兵少失利定位居  
湯和小平唐鄧南陽留鎮未幾招撫明昇昇不從環還  
復書與昇曰昔據蜀者最盛莫如昭烈孔明佐之訓練

士卒財用不足取之南中然猶朝不謀夕僅能自保足  
下驕場南不過播州北不及漢中而欲以一隅之地綿  
頃刻之命可謂智乎若謂險阻可恃蠶叢魚鳧之鄉不  
至足下矣鄴陽一戰友諒授首旋師東討張氏而得此  
非人力實天命也友諒子竄歸江夏王師致伐勢窮出  
降主上宥罪封侯恩榮之盛天下所知足下愴然覺  
悟自來多福豈不賢智哉今爲足下謀者他日或以郡  
獻或以城降各自爲身計取富貴當此時老母弱子將  
安歸乎卽是下年幼未諳時勢語及老母獨不痛心乎  
禍福利害瞭然可觀逆順之途在足下審之而已昇又

不從湖廣慈利土酋覃垕諸蠻爲亂命卒兵討之賊詐降遣部下黃永謙往報爲所執來請軍餉上以書讓垕日月平定遂力戰賊遁入溪洞還兵捕斬綏寧叛民三年封營陽侯食祿千五百石世劾從伐蜀次瓊州進攻崖塘不利亦甲白鹽之師亦退還歸州蜀旣平以無功不賞沅辰蠻亂爲副將軍討平之師還佐大將軍鎮北平召還又赴北平練兵兼往遼東訓練士卒十五年卒贈芮國公諡武信子通十七年與靖寧侯葉昇捕象廣西之左江二十年領鞬韉官軍往戍雲南多道亡降並定衛指揮使次達散騎舍人

黔西吳威毅公 濟國丁公

公名復字伯起合肥人沉鷲寡言笑因亂結聚保鄉里  
自署千戶甲午率衆歸濠領前驅從克泗滁采石太平  
歷陞萬戶定建康授總兵攻鎮江斬元定定平章守常  
州吳兵至至亥戰躍馬持矛追奔數里援宜典戰高橋  
仍守常州從征懷理平之還圍廬州先登下漢河授指  
揮同知守沔陽元同僉任亮據安陸將先鋒倍道襲之  
縛亮以歸洪武元年北征克汝州魯山陞指揮使調征  
陝西土蕃克河州應援漢中援南鄭回安陸從潁川侯  
平蜀從衛國公平九溪蠻進督府僉事世指揮使從西



平侯再征土蕃有功僉大都督府事洪武十二年封安  
陸侯祿二千石從潁川侯征雲南克普定充總兵官勦  
殺蠻寇北取廣西轉餉盤江卒年五十三追封黔國公  
諡威毅與世侯參加祿五百石平居恂恂至臨陣奮發  
無堅不潰衝冒矢石體無完膚在普定買妾楊氏年十  
七候殮慟哭已沐浴更衣自經死封貞烈淑人十八年  
子傑以指揮嗣屢出山陝河南北平練兵從征二十八  
年有罪與吳高皆從楊文征龍川建功自贖建文中率  
師援真定戰白溝河失律謫南寧衛指揮使永樂元年  
子璟乞嗣正統間再三一皆不許弘治六年璟孫鐸援

語乞別亦不許

濟國丁公

丁公名德興定遠人甲午歸附 上偉其才貌以黑丁呼之授勳戶與郭英俱爲 上親將是年取洪山寨敵勁兵七千公所率纔百人一鼓破之擒其酋克滁州乙未克和州敗青山寇兵從渡江拔采石乘勝取太平元將陳也先率兵數萬突犯城下從 上策應又分兵從取溧水溧陽皆先登時蠻子海牙集樓船結砦采石陳也先旣敗其子兆先復合淮兵屯方山伺太平公從克采石砦破方山營擒兆先攻金陵取鎮江陞管軍總

卷五十一  
二一  
管下金壇廣德宣州領精兵圍常州平之陞左翼元帥  
宣州復叛率兵佐元帥胡大海復之遂分兵下江陰取  
徽州石埭池州樅陽攻江州移兵擊安慶復克甘露援  
江陰攻江西旁近州縣從攻雙刀趙獨進挫其鋒克宜  
興先是徐達邵榮攻宜興久不下議以其城西逼太湖  
口張士誠餉道所由乃與公分兵絕太湖口併力急攻  
城拔之功授鳳翔衛指揮使攻廬州陳友諒犯龍江公  
守石灰山遇戰力擊敗之是年上攻撫安慶克九江  
援安豐皆從有功友諒圍壽昌從上親征遇於康郎  
山死戰殲友諒十月從征陳瑄於武昌回攻廬州克之

進征湖南諸州郡多不戰而附攻克通州高一淮安征  
浙西擊常熟舊館敗士誠六下湖州降李伯昇寇吳江  
圍蘇州卒於軍年四十贈節指揮使洪武元年二年省  
像功臣廟追贈濟國公公沉勇威嚴仁而有信行師紀  
律嚴明不妄殺有功不伐上以是重之嘗與諸將論  
征伐難處曰必得黑丁乃可其見重如此子三人忠授  
龍江衛指揮使世襲浩杲恩賜守塋浩子廣廣子富世  
食田祿於江寧



鄂國韓公 沂國金公

公名政，睢人。元季爲義兵。上定江左，同曹良臣來歸。授江淮行省平章政事。濠名爲僞吳，守而觀望未決。上命善長書招濟，不報。上曰：濠吾鄉，猶屬

他人，是吾有國無家可乎？命政率指揮顧時、葉珍等攻其水簾洞、月城，又攻其西門，殺傷相當。乃以雲梯、砲石四面攻濟，降之。守將忻都、竹貞遁去。畱時守濠，召政攻安豐。以兵扼四門，潛穴城東龍尾壩，二十餘丈，城壞得入。追獲忻都，而竹貞、君弼走汴。竹貞來援，又破之。安豐遂定。至賴，獲其運舟，畱唐勝守之。淮東西悉平，從平浙。

右北伐中原政次梁城知院盧斌等皆降分兵扼黃河  
斷山東援兵取益都濟寧濟南東平改山東行省平章  
政事大將軍取元都檄政會東昌鎮撫臨清元都定又  
令政分兵守廣平蟻尖寨者在林慮西北二十里元右  
丞吳庸王居義小鎮兒等據寨剝削附近給軍食甚苦  
之徐將軍收諸山寨蟻尖獨恃險絕未下從右丞薛顯  
進攻庸力屈降調征陝西還兵守禦河北征迤北至大  
小興州大獲洪武三年封東平侯食祿千五百石世券  
辛亥鎮山東未幾復鎮河北招撫流移壬子從李文忠  
出居庸擣應昌取和林渡入土刺進至阿魯渾河又大

獲而還出巡河南再巡陝西練兵臨清十二年卒贈節國公子英散騎舍人

沂國金公

金公名朝典廬州巢縣人元季四方兵起集衆保鄉里乙未來歸以功授中軍右翼左副元帥甲辰陞龍驤衛指揮同知改鎮武衛吳元年從討閩浙有功陞指揮使洪武三年轉大同衛陞僉書都督府事十一年西平羌戎累著功績十二年封宣德侯食祿二千石賜券世襲指揮使至是征雲南卒于會川年五十二還葬太平門外明年追封沂國公謚武毅子鎮襲爵





崇陽侯鄭公

公名遇春濠人 上初收兵與兄趙霖來附甲午克除  
州取鐵佛岡三汊河大柳樹諸寨皆爲先鋒乙未克承  
州含山渡江拔采石太平授總管攻蕪湖遇霖戰死并  
領其兵從征溧水破海牙水寨擒陳兆先于方山遂定  
金陵拔鎮江從征常州解圍牛塘取宣州陞左翼元帥  
從克揚州婺州再擊敗友諒兵下黃梅南昌復定祝宗  
之亂大戰禁江口殪友諒平武昌下廬州淮安取安豐  
穎州六安陞指揮僉事守禦征中原克元都轉征遼北  
克朔州陞指揮副使都督同知封祭陽侯祿九百石世

券四年往臨濠開屯田行大都督府坐累奪爵十三年

復侯從平雲南率楊文等

文合山人父典戰及鄱湖代領其衆積功爲百戶從破王

保保克興元洪武四年調廣西隨高僉事征南寧等處五年討麓川克之九年勦平平樂徭人李季九等十四年隨安慶侯盡平容美諸洞與征雲南功陞建昌衛指揮僉事二十一年進討東川克之二十五年上官月魯帛木兒糾衆來攻力戰却之合四川罷指揮窮追斬獲無孑召還陞都督僉事世指揮仗二十六年加左都督沿海備倭二十八年留守中都克總兵官率兵十五萬征廣西論殺賊首黃世熾等闕設本議高升壽州慶遠四軍民指揮司明年班師又明年遠東探練七月克縱兵掛征虜前將軍印帥師二十萬征五關諸夷深入殺獲數萬羣蠻懾服明年北守關平

高皇

經略城池屯

堡凱還督金吾諸衛造海舟一百八十餘艘運糧遼東

二十三年卒

安遠侯蔡武襄公

公名遷不詳其鄉里元季兵亂從芝蔴李據徐州蔴李  
敗乃來歸上以爲先鋒從渡江下采石克太平取溧  
水破蠻子海牙水寨及陳也先皆有功丙申定金陵陞  
千戶從徐達取奔牛呂城克廣德宣城等處遷萬戶進  
攻毘陵拔橫林三山營寨攻青山小北門獲其黃元帥  
遂爲都先鋒從討馬馱沙克池州攻樅陽及討宜興從  
征衢婺二州授帳前翼元帥陳友諒寇龍江從諸將擊  
敗之遂進復太平後又從取安慶水寨破九江敗陳友  
諒八陣指揮于遂昌遂克南昌大兵討淮安命率兵爲

援又從拔安豐移鎮合肥會友諒攻江西召還大破其兵於鄱陽湖焚其戰艦友諒死從征武昌有功進指揮同知後從下廬州甲辰命率龍驤衛諸軍從常將軍討新淦鄧克明餘黨於沙沅諸寨平之進攻贛州取南安南隸諸郡還兵追饒鼎臣於茶陵擒獲甚衆遷龍驤衛同知從克高郵破馬騾港淮安守將梅思祖降卽命守淮安復以兵從克壽州以功授武德衛指揮使移守黃州從攻相潭辰全道永諸州皆克之轉荊州衛指揮遂進克廣西累遷行中書省叅知政事兼靖江王相復討捕諸叛蠻悉平之遷爲將十五年未嘗獨任多從諸將

征討每戰輒勇奮獨出橫刀突陣左右揮擊敵皆披靡  
却走不敢近既還金瘡滿體人視之不可堪而遷畧不  
以爲意賦性寬厚怡然若不見其有爲者尤善處交友  
上以是甚加愛重及卒尤惜之詔贈安遠侯謚曰武襄  
親爲文祭之稱其智足以卒衆勇足以前驅大小之戰  
不可悉舉被堅執銳野宿風餐親冒矢石身無完膚勤  
勞多矣護喪還京師卜地以葬命有司給喪具詔 皇  
太子致祭禮極豐備云



東川侯胡公

公名海字子祥鳳陽定遠人初從上起兵以管軍百戶敗元帥賈魯于泗州尋取滁州和州從上渡江定采石太平攻蠻子海牙水寨取鎮江下廣德宣州克常州寧國皆與有功敗元帥謝國璽兵克先鋒略江陰攻湖州墮其東南月城破天目小寨攻宜興從下婺州諸暨之戰生擒賊衆四百餘人陞都先鋒敗陳友諒兵於龍江取潛山克安慶與友諒兵凡八戰皆大捷從徐達援安豐攻廬州實授花棉千戶從克荆澧常德衡潭淑浦寶慶諸州擒元帥唐隆鎮撫李賢陞寶慶衛指揮使



留鎮益陽 上卽位命從平章楊璟征湖廣廣東西之  
未歸附者遂下祈陽克永州加授昭勇將軍繼克左副  
總兵平江左上思州酋黃英等獲僞將及衆二千餘人  
調取蜀龍伏隘進攻天門山賊皆平之授世襲指揮使  
仍守益陽率兵平武岡諸山寨獲兵七百餘人籍戶八  
百事聞遣使勞以金繒又平靖州及五開諸蠻洞授鎮  
國將軍從穎國傅友德平雲南還冊功賜號開國輔運  
推誠宣力武臣柱國東川侯食祿二千五百石世襲賜  
鐵券鈔萬錠管居第於鳳陽復從馮勝北征充左叅將  
降納哈出管輿有功復克征南將軍領兵十萬平九溪

六 卑洞旋師賜鈔千錠黃金千兩白金五千兩  
六十疋歸老於家至是瘡發背而卒年六十三  
海慷慨有大志每戰身先士卒勇氣奮發從者亦無不激勵自  
効故所向多捷計聞致祭于斌從征雲南戰沒贈都督  
同知次子觀尚南康公主



淮安侯華公

公名雲龍定遠人才勇善劔術元末兵亂結羣少避居  
韭山從太祖克滁州下令山投千入長渡江克金陵  
至廣德同趙先鋒攻破之戰張士信有湯元帥者善禦  
直前馳刺運劔斷而擒之陞右副元帥遂克常州自後  
每戰皆與勞績甚多方克南昌分攻瑞州等處皆下之  
既殪友諒降陳理陞指揮使回攻廬州西上江陵皆取  
其城大軍既克高郵委以鎮守移掌淮安衛從攻浙西  
魯任嘉禾一路會兵蘇州縛張士誠從大將軍北伐徇  
安其郎中張仲毅出降留雲龍守之仍檄會臨清進

破元都陞都督僉事副孫都督守北平仍兼其路叅政  
下雲州陞都督同知兼燕府武相築城建王都封淮安  
侯祿千五百石世券再出雲州俘獲多進至上都大石  
崖攻克劉學士諸寨擊敗驢兒國公北奔去在鎮七年  
慎固防守威名大著方元都已破其達官女多與我師  
爲婚殘虜頗倚之爲間諜 上知之令舊住于元者悉  
發遣江南有未發者檄趣之雲龍奉 詔稍遲而先是  
據元丞相脫脫大第僭用故宮器物 上聞大怒召還  
命何文輝代未至京卒實洪武七年年四十三以侯禮  
葬子二曰忠曰闕

杞國陳定襄公

公名德字主善濠人世農家有勇力善騎射壬辰兵起首隸麾下明年克滁州克萬夫長下金陵京口上爲吳國公置五部都先鋒以德等爲之自是連歲用兵每戰必克陞帳前大元帥辛丑援長興走敵將李伯昇鄱湖之戰陷陣斬獲上舟膠淺當先力戰身被九矢不退乃得脫甲辰從攻陳理降之討張士誠大敗其兵於平館陞親軍指揮使平姑蘇陞上將軍僉大都督府事

從征陝西師至秦州追呂德於鹽館擒之大將

圍慶陽分略城南獲其謀王讓攻破之三年封臨江  
侯祿千五百石世券明年伐蜀同傳將軍出階文分道  
入綿州大敗吳友仁之衆會攻漢州拔之進圍成都遂  
平蜀五年副大將軍宋公北征遇虜別立篤山力戰敗  
之擒元岐王克甘肅亦集乃路六年總兵節制諸軍出  
塞敗虜三盆山是秋再出戰於互刺河三戰三捷七年  
鎮北平十年還京省母於鳳陽病卒年四十九追封祀  
國公謚定襄十三年掛胡黨已沒得宥子鏞少以功臣  
子練習武藝九年授散騎舍人十四年襲封父爵十七  
年命爲左副將軍同申公鄧鎮濟寧侯頤時討平龍泉

山賊廣東徭賊江西順天王尋同宋公馮勝練兵汴梁  
十九年駐兵通州邠邊獲番將王脫顏同靖海侯吳禎  
築會州城勝以大兵征納哈出遂從而北將至金山所  
部與大將軍異道相失遂陷虜死之賻以粟帛

朱史氏曰功臣自杞公外多坐胡藍二黨或卽死或已  
死得免然猶有戮其家奪其龔封者大抵飛揚跋扈自  
武人常事難以爲非黨以爲無謀 太祖諄諄告誡未  
必卽從熟窺情狀先事誅夷寧過無不及前後坐者至  
三萬餘人當時已難分別何況二伯年後得以意懸斷  
乎惟陸仲亨胡美曹震趙庸附胡藍之後其鶴慶侯張



翼普定侯陳桓會寧侯張溫已不可考餘皆入功臣傳  
中以爲枉則聖人不宜大忍以爲常則疑似之間爲身  
後慮何所不至蓋曹公事已有確據傳穎二公亦太倉  
卒故朱亮祖詰而不服卽藍玉面叱詹徽徽非反者雷  
震之下何所不靡爲聖人生卽爲聖人死乘化往來其  
亦何憾之有

永嘉侯朱公

公名亮祖六合人元季鬪結鄉里禦賊自保其勇冠軍  
賊不敢犯授義兵元帥帥其黨經梁山掠江東與太平  
州官構仇乙未上渡江下太平亮祖懼使人納降賞  
以銀帛仍舊官居數月復叛數與我戰俘我兵七千餘  
人上方欲取建康未暇討丙申既定建康明年克毘  
陵遂遣徐將軍等討之進圍亮祖於寧國常將軍與某  
將軍俱被劄而還上自往督戰亮祖兵敗縛以見

上詰曰爾將如何對口事非得已生則盡力死則死矣  
上壯其言撻三鐵簡釋之留麾下所向克捷以功陞元

帥樞密院判從征西克九江下南昌江西諸郡大戰鄱陽湖平武昌陞廣信衛指揮使會胡深討陳友定取浦城克崇安建陽等處乙巳二月張士誠兵寇諸全新城李文忠戰已大捷亮祖復以兵合擊焚其營落數十會攻制廬圍餘杭降偽平章濟原明陞浙江行省叅政副李將軍守杭吳元年帥馬步舟師收方國珍追至黃巖入其城狗下仙居諸縣進兵溫州國珍子明善戰敗挈妻子遁去克其城分兵徇瑞安還至黃巖方氏父子來降送建康洪武元年二月上以浙閩旣平命副廖征南由海道取廣東進平廣西師還大子率百官迎勞

龍濟洪武三年封永嘉侯食祿千五百石與世券四年  
二月 上以諸將伐蜀久無功復命亮祖爲征虜右副  
將軍率兵往助兵至蜀傅友德已攻克階文永忠克重  
慶乃分兵徇下州縣之未附者蜀地悉平還師與何文  
輝同鎮北平移鎮廣東番禺知縣道同上言亮祖不法  
數十事 上念功臣不下文罷職令居江寧之安德鄉  
尋遣巡淮安十一年奏安東沐陽二縣之野有鬼夜持  
炬者數百或成列或四散巡檢逐之無有擊之若有應  
者詔製勅文祭之乃息十三年坐胡黨責問不服 上  
怒非其求鞭之俱死於土爲誌墳以侯禮葬其卒之處

子選亦以智勇稱數從征伐有功爲指揮使先卒

漢下章 上以中呂不不 諸縣令缺 山寧之安樂職  
戰國 北平封險漁東番出映謀並同 上言京師不夫  
魏氏公其師 下世謀之未用春繼 雖悉平張嗣與付文  
將軍率兵赴也 兵至 譚勳文 勝 弓 文 度 都 文 永 忠 京 重  
二月 上以蕭澤封置 又無 數 命 京 師 爲 益 德 本 臨  
蕭 德 也 友 三 平 桂 永 嘉 封 命 于 正 百 不 與 斯 卷 四 平

永國薛桓襄公

公名顯沛人

一曰  
蕭人

元泗州守將辛丑

太祖取淮南

來降特授指揮壬寅助守南昌陳友諒以大衆圍城攻  
新城門甚急顯將銳卒突戰斬其平章劉進昭擒樞副  
趙祥敵兵乃退鄧仲康據新淦未下討斬之因徇下江  
西諸郡卽陞行省叅政從平淮東伐張士誠攻昇山水  
寨五太子盛兵來援常將軍戰稍却顯帥舟師直前奮  
擊大破之李進呂珍等以舊館降得兵六萬常將軍謂  
顯曰今日之戰將軍之力居多吾固不如也五太子勇  
悍進珍亦善戰士誠倚之至是皆降士誠爲之奪氣以

至於亡論功陞江西行省右丞大將軍北伐 上諭曰  
薛顯勇冠諸軍可別領兵獨當一面遂克山東南進  
據臨清德州通州下元都偵邏古北諸隘口俘獲數萬  
從征山西大破王保保兵下太原邀賀宗哲於石州已  
而往保定招諭未下山砦其最強者桃花蟻尖等寨以  
次平定會兵上陝西分攻馬寒山西番大破之俘王保  
保部將毛祥以獻張良臣納降往受之復有異志夜半  
襲我營被傷突圍得免尋令大將軍攻良臣于慶陽下  
保保遣兵來援顯與傅友德駐兵靈州遇之慶陽遂平  
追賀宗哲絕塞而還三年封永城侯不與券惟賜節

上諭諸將曰顯屢摧大敵可稱奇男子然其性剛忍好殺屢戒不悛千戶吳富自幼從朕有功無過顯利其所獲孽畜殺而奪之師還之日妻子訴寃于朕又輕殺馬軍罪不可恕而天下初定卽殺有功之臣又所不忍今封爵如例謫居南海以示懲創分祿爲三千戶馬軍各得其一而一以養其母妻庶幾相准國法不廢四年復召用五年定祿千五百石給世券從北征八年視河南城池十三年督屯北平十五年理山西軍務明年練兵北邊毋喪二十年征降納哈出還次山海關卒贈永國公益桓襄無子弟繼嗣妻張納券後胡黨事發以死不



論弘治六年珍自稱顯會孫乞嗣不許

嘉慶二年而一以養其母。疾休並國。不願回手。其  
性優。世所簡。故南燕以示。廢除。全類。為三千。其。軍。各  
軍。罪。不。可。受。而。天。下。時。宜。信。錄。亦。世。之。引。又。而。不。忍。今  
錄。華。首。莫。而。亦。之。禍。數。之。日。妻。子。而。實。于。知。又。尊。錄。黑  
錄。曼。妖。不。對。于。可。吳。富。自。必。錄。州。官。也。無。盡。照。係。其。而  
上。儲。前。祥。曰。照。曼。外。八。湖。百。而。音。與。于。然。其。世。懶。惑。被

定遠侯王公

公名弼定遠人勇略過人號雙刀王元末結搆自固丙申歸附備宿衛從下徽州攻婺源州獨進南門殺三十餘人遂拔其城擢元帥進克蘭谿及金華諸暨皆有功從擊陳友諒復太平遂西征平江州南昌力戰鄱陽湖回從徐常二將軍淮東圍士誠于蘇士誠突出昌門奔常將軍營覺之分兵北濠截其後與鬪良久未決常將軍撫其背曰軍中皆稱爾爲猛將能爲我取此乎卽馳刀而出敵衆小却常將軍乘之吳兵大敗從平

臣大都督府僉事世指揮使西番寇亂副沐西平

進討自延安臨洮而西俘獲無算斥地萬里班師封定遠侯祿二千石世券十四年副征雲南悉平之加祿五百石二十年充副將軍征大寧等處及金山納哈出悉收其部屬明年復出塞直擣虜營遂成捕魚海之功二十三年賜還鄉又四年暴卒年六十三子知名者曰  
鎰曰俊

滕國顧襄靖公

公名時字時舉濠人。太祖起兵以同里來附勇敢善戰常侍左右渡江先後戰功靡不與焉。自百夫長轉元帥同知天策衛親軍指揮司事。丙午會韓政攻濠州降之。伐張士誠攻昇山水寨乘其懈奮擊破之。進平蘇州。從大將軍北伐拜驍騎上將軍大都府副使兼同知太子率府事。專浚閘通舟師。遂平元都。與諸將偵邏古北各隘口。二年大將軍檄巡太和嶺之東北共攻蘭州克之。從圍張良臣于慶陽敗其東門兵破斬之。追賀宗哲於六盤山不及。大將軍將還京命將騎兵畧寧靜未幾

宗哲寇蘭州往援望風遁去封濟寧侯同知大都督府  
事世券祿千五百石四年伐蜀副征虜前將軍傅友德  
出階文以次平定五年副李將軍北征異道相失糧且  
盡遇胡兵士疲乏不能戰獨奮厲引麾下數百人躍馬  
大呼衝擊敗走之略其輜重牛馬軍復大振七年鎮北  
平明年召還尋復鎮十二年卒年四十六追封滕國公  
謚襄靖四子長敬襲侯十八年爲左副將軍討龍泉等  
縣山寇平之屢從征伐有功次英華秀先是坐黨上  
特釋時以故子得嗣侯後竟除

許國王襄簡公

公名志濠人鷲猛有志略臨陣無前至正壬辰年十八  
集鄉兵取濠州且戰且守甲午來附濟江克建康圍常  
州鵬橋先登授右副元帥凡三月克之功爲最從徐將  
軍徇諸郡邑歷職有功辛丑侍上取安慶諸郡壬寅  
復隸徐將軍平江西諸郡陳友諒旣死從下武昌還克  
廬州授安豐以功進親軍指揮使守六安洪武元年北  
征大將將軍渡黃河進取常爲軍鋒克平陽留守禦三  
年中仍駐師陝西深入察罕腦兒絕塞却胡還  
軍六安動六安侯祿九百石世券五年還京復從大將

軍出塞大獲而還十四年從征雲南明年取大理羣蠻  
悉定十六年繕雲南城池安輯軍民十九年卒年五十  
二追封許國公諡襄簡四子威域璣琛威襲坐林來保  
事謫安南衛指揮使卒無子弟滅襲改清平衛世其官  
後坐志黨事以死不問

汝南侯梅公

附周武

公名思祖夏邑人元末父爲王保保所醢歸張士誠守  
淮安爲左丞大將軍下高郵進兵攻淮安思祖封府庫  
甲兵來歸并獻所部四州士誠殺其兄弟數人上嘉  
而憐之授大都督府副使制曰辭項從劉知同曲逆  
舍囂去迹識擬伏波從大將軍伐吳取浙西降其將呂  
珍下湖州進圍蘇州縛士誠擢浙江行省右丞從克山  
京沂州等郡洪武元年取大梁破陝州下潼關七月旋  
師海取河北衛輝元守將平章龍二棄城走彰德師至  
彰德龍二復出走城降統和陽衛兵守之檄赴北平取



禾下州郡遂征山西二年晉冀悉平復從征陝西取奉  
元鳳翔平涼鞏昌四郡八月克邠州獲故元叅政毛貴  
等三十人送大將軍三年從破王保保於定西還兵破  
畧陽入沔州取興元論功封汝南侯祿九百石與世券

四年伐蜀五年率周武等

武開州人僑居江陰丁酉來歸克守禦常州謝元帥麾下

馬軍癸卯轉馬軍小較積功至指揮僉事洪武三年世襲指揮同知賜誥命五年征西功授指揮使八年陞大都督府僉事十四年封雄武侯食祿一千五百石二十  
年十二月往河南練兵是年正月詔武領中都留守司河南都司兵從晉王北征未行卒于河南  
追封汝國公諡勇襄子與夔指揮同知 征甘肅還命

巡視山東陝西遼東諸處城池十四年四川諸洞蠻作  
亂命爲征南副將軍同江夏侯馬德興率兵討之悉平

十五年同傅友德克平雲南置貴州都指揮使司以思祖署都指揮使壬戌上以雲南初平欲使重臣鎮之又命思祖署雲南布政使司事與潘原明同守善撫輯民夷得安十月卒後坐胡黨戮其家子義武德衛指揮陞遼東都指揮使從子殷有傳



平涼侯費公 河南侯陸公

公名聚字士英濠人父得興元季兵亂教聚武事圖立功壬辰 上入濠歸附以材勇畱幕下定遠有民兵寨號驢牌乏食 上選聚等騎士二人步卒九人赴之其帥出迎申密約 上將還慮其不誠畱聚伺之越三日聚還告曰事不諧矣 上又帥聚等三百人抵其營以計取之得壯士三千人又降谿鼻山得八百人取泗州靈璧和陽下金陵克鎮江帶刀叅侍下長興立永興翼元帥府爲副元帥從耿炳文守之潘原明來寇擊敗之召回管黃旗軍從征九江李伯昇復寇長興往援先登

擊走之癸卯管黃舡船大戰鄱陽湖 上被圍力戰得

脫遂殲友諒克武昌回攻廬州下之以指揮同知仍同

炳文守禦再破張士信兵丙午同馮勝克高郵淮安從

徐常二將軍縛張士誠陞指揮使會湯和等平方國珍

同吳禎取明州海道奄至福州克之擒陳友定于延平

剿昌國海寇征中原改西安衛指揮使尋召回陞都督

僉事鎮平涼三年封平涼侯祿千五百石十四年從征

雲南大破平之再叛再平之總兵進征廣南生擒其首

丘達餘寨次第皆下二十年回鎮雲南又三年 召回

二十六年卒年六十八二子長超征方國珍戰歿於人

補授江西試左叅政未幾賜歸孫宏初克叅侍舍人備  
鎮撫雲南功世指揮使坐奏對不實戍金齒尋予侍養  
坐藍黨先是聚征姑蘇坐事 上詈而責之遂見疑  
久之得釋後 上嘗對羣臣稱有反謀故不得襲其曾  
玄孫猶有存者

河南侯陸公

陸公名聚不知何許人元樞密同知守徐州丙午濠州  
李濟既降 上遣使賫書諭宿州吏民聚大感悟以所  
部徐宿二州來降 上喜命爲叅政仍守徐州裁省糧  
稅軍需差役以指揮傅友德將兵助守防北寇未幾曠

郭帖木兒果遣李二來侵擊敗擒之大將軍北伐率所部兵從取山東河南還鎮受賞陟山東叅政從取德州長蘆克元都略大同獲故元喬右丞等三十四人克保定真定略平定州前攻鳳山城山鐵山諸寨進攻半坡皆降之二年分守井陘故關攻克承天寨調征陝西有功還鎮徐州二年討平沂邳叛寇最功封河南侯祿九百石世券移鎮山東十三年承制理福建軍務召還坐胡黨上念其爲奸臣所誘宥之尋卒

江夏侯周公 張公

公名德興濠人善騎射 上初起兵德興仗劍來歸從  
取滁和渡江下金陵破漢吳平廣西走周文貴討慈利  
酋覃屋功最洪武三年冬封江夏侯食祿千五百石予  
世券其年冬長沙洞蠻爲亂剽掠近縣德興進討皆平  
四年伐明昇爲征西副將軍同湯和廖永忠等討平之  
德興斬獲功最多八年 上念濠爲帝鄉乃徙江南民  
實濠令墾田爲業命德興董之德興計口授田嚴立程  
限墾辟不如數者有罰田野大治十四年五溪蠻作亂  
議征討德興請行 上老之德興固請且示嬰錄狀壯



而遣之賜手書褒寵兵至五溪蠻聞其威名悉解散無  
何以征南將軍討四川諸洞平之師還 太祖慰勞甚  
至十六年請決荊州嶽山壩以通水利灌田從之歲增  
官田租四千餘石十八年思州洞蠻作亂命德興討之  
時蠻數出沒王師至輒匿山谷退復出剽掠德興分兵  
勦捕悉夷其窟俘戮四萬餘人二十五年以帷簿不修  
誅收其公田

都督僉事馬公 葉公

馬公名雲葉公名旺雲不知何許人旺六安州人少謀  
長槍軍謝再興後歸附數從征討有功授指揮僉事洪  
武四年雲旺並鎮遼東初元主北走遼陽行省平章高  
家奴聞之集兵老鴉山叅政劉益屯蓋州之得利羸城  
相爲聲援以保金復等州顧望欲爲邊患至是 上遣  
斷事官黃壽賚詔諭之益遂以地圖并兵馬錢糧之數  
奉表來降 上嘉之置遼陽指揮使司以益爲指揮同  
知下詔褒美比于竇融未幾故元平章洪保保馬彥翬  
相與合謀殺益其右丞張良佐等擒彥翬誅之保保挾

黃儔走納哈出營遼東之衆因推良佐權衛事以狀來聞且言地方遠僻處海隅肘腋之間皆爲敵境高家奴固守遼陽山寨知院阮哈刺張屯駐瀋陽古城開元則有丞相也先不花之兵而金山則有大尉納哈出之衆彼此相依復謀侵犯今洪保保逃往其營必有搆兵之寡乞留朝廷所遣斷事吳立鎮撫軍民先將擒到逆黨平章八丹知院僧兒等械送京師上以吳立張良佐爲指揮僉事其餘將較令本衛定僣具奏尋以重地設都指揮使司總轄諸衛陞雲莊都指揮使鎮之諭祭劉益歸葬礪山上知黃儔被殺書諭納哈出且招之不

聽八年勅雲旺等曰天寒冰結虜必乘時入寇宜堅壁  
清野以待慎勿與戰使其進無所得退有後慮伏兵阻  
險扼其歸路可坐而擒也虜果大至雲旺令吳立良佐  
房嵩等嚴兵城守納哈出見城中備禦甚固不敢攻乃  
越蓋州城徑趨金州時金州城垣未完軍士甚少指揮  
韋富王勝等督勵士卒分守諸門選精銳禦之虜中裨  
將乃刺吾自恃驍勇率數百騎徑至城下挑戰城上發  
弩射之乃刺吾被傷悶絕遂獲之虜勢大沮富等復縱  
兵出擊納哈出不利慮援兵且至退走以蓋州有備不  
敢經乃由城南十里外沿柞河遁歸旺策其將退先引

兵趨柞河自連雲島至窟駝寨十餘里緣河壘冰爲牆以水淋之經宿皆凝沍隱然如城藏釘板於沙中設陷馬奔於平地伏兵以伺命老弱卷旗登兩山間戒以聞砲卽豎旗爲號雲於城中亦立一大旗令指揮周鶚及吳立等各嚴兵不動四顧寂若無人已虜至旺等伺過城南砲發伏兵四起兩山旌旗蔽空鼓聲雷動矢石雨下納哈出倉皇比奔趨連雲島遇冰城馬不能前皆陷入窞中遂大潰雲於城中亦出兵追擊至將軍山畢栗河斬戮虜人馬及凍死者甚衆旺等復乘勝逐至猪兒嶺獲其士馬無算納哈出僅以身免雲等相慶曰奔

主上明見萬里授以成筭何能有此勝也後乃刺吾送  
至京羣臣皆請戮之上不許命爲鎮撫賜以妻妾田

宅而雲旺皆陞都督僉事十二年命雲征大寧諭曰此  
寇甚熾知官軍至必遁入山兵回復出律我宜分大軍  
駐要害遣人招撫之如不至則伏兵可以盡獲凡得賊  
首卽斬以警其餘進兵悉平之召還加賞以潘敬代鎮  
莊仍同事時高麗遣人致書及禮物上謂間諜之漸  
戒以人臣無外交勿得輕信又有來降者諭以人情莫  
不安土重遷此必示弱於我以起邊釁還之使彼無以  
藉口尋復遣禮儀判書周誼至京上以其國中弑逆

又詭殺朝使反覆不可信切責敬取拒絕仍留謹歸其  
通事嚴備待之十九年召旺掌後府甫三月遼東復日  
警還鎮二十一年卒旺在遼十七年剪荆棘修城隍建  
立官府撫輯軍民墾田萬餘頃遂爲永利雲功亦相參  
還京後不著所終似染胡淮庸之黨成化中並祀遼東

張公

張公名溫以指揮守蘭州洪武二年十二月元將王保  
保峴大將軍南還帥兵十萬奄至城下溫會諸將較曰  
彼悉衆襲我我兵寡難與爲敵然彼遠來未知我虛實  
乘暮擊之可挫其鋒彼不退則固守以待援於是整兵

出戰保保兵稍却遲明溫收兵入城敵遂圍城數重溫  
堅守不與戰于光來援被執至城下大呼大將軍將事  
城中守益堅保保懼引兵去方急時夜二鼓圍兵登城  
千戶郭佑被酒醉臥不知覺巡城官軍擊却之圍既解  
溫執祐將斬之天策衛知事朱友閭爭曰官賊犯城時  
將軍斬祐以令衆所謂以軍法從事人無得而議之今  
賊既退乃追罪之非惟無及於事且有擅殺之名竊以  
爲不可溫悟杖祐而釋之 上知之謂輔臣曰友閭以  
幕僚能守朝廷法直言開論官長此正人也宜加賚賜  
各五疋陞溫都督僉事兼陝西行都督僉事入謝



上諭之曰蘭州之捷可謂奇功夫將帥之道有功不伐則功益顯恃功驕恣則名益墜是惟仁者不矜其功而智者克成其名仁智兼全所向無敵爾能守之可以長保富貴矣仍賞守禦將士詔曰蘭州乃西北重地近因大將班師元帥王保保乘隙攻城指揮張溫獎勵將士堅壁固守屢出挑戰大振軍威元兵力屈又聞大軍入關彼遂斂兵道去以此保障關中一方以安其功最大皆捍人賞文綺帛十四疋千戶衛鎮撫十二疋百戶所鎮撫十疋圍城之日在內守禦軍士不論新舊總旗人賞銀十兩小旗九兩五錢軍人九兩鳳翔乃秦隴襟喉

之地向因大軍攻圍慶陽未下之時王保保令其將賀宗哲攻城穴地通道指揮金興旺張龍黃旺與舊軍二千餘人多方備禦出奇挫敵又其退遁關中晏然指揮人賞文綺帛十二疋千戶衛鎮撫十疋百戶所鎮撫八疋四城之日城內軍士總旗人賞銀九兩五錢軍人八兩臨洮城瀕洮河密邇吐蕃與寇壘相隣雖無蘭州叛翔攻圍之急然寇盜出入往往近城剽掠指揮王子明韋正孫德趙脫帖木兒備禦有方人民安堵屢出犄角攻剿賊類咸振西陲其功次於鳳翔指揮人賞文綺帛八疋千戶衛鎮撫六疋百戶衛所鎮撫四疋曾德淑

守軍士總旗人賞銀八兩小旗七兩五錢軍人七兩  
昌城在鳳翔臨洮之間當固關定西未定之時羣盜出  
沒人心動搖僉都督郭子興指揮楊廣王靈真保張虎  
都帖木兒于光潘貴陳德成等屢出討捕轉糧餉應援  
臨洮元兵嘗住洮河西岸子興等率眾覆冰度河掩殺  
甚眾保障一方其功與臨洮不異郭子興文綺帛十四  
疋指揮以下賞與臨洮同延安綏德衛地接察罕腦兒  
等處元之殘兵不時出沒剽掠指揮朱名李恪累出兵  
勦捕殺獲甚多完築城壁固守其疆境其功次於華昌  
指揮賞文綺帛量減邊軍無不感激思奮者

左都督齊公

公名正字正卿壽州人少爲里中韋德成養子元末德成率兵從上克滁和二州遂渡江克太平建昌擊宣州與有功德成戰歿贈京兆郡侯正襲職代領其衆從徐將軍克常州戊戌從上取婺州又從常將軍克衢州從上破陳兵于鄱陽湖調天策衛千戶改雄武衛從傅將軍守徐州與李二等戰有功吳元年擢鳳翔衛副指揮徙從下中原進克元都招降元將謝雲兒等八十餘人山陝戰功皆與焉洪武三年從鄧將軍克河州留鎮守吐蕃來寇通河未得渡正率兵禦之時河水未

冰焚香祝曰正仗國家威德鎮撫一方將以休養生民今賊在邇而不得擊何以報國天若意在破賊河冰當合忽有冰如巨屋自上流而下風隨之冰合且堅正卽率兵直擣虜營虜大驚以爲神俱投戈請降正自奉甚儉又善於招徠時土酋趙才弟同知趙三及孫平章祁院使等皆先後來歸正悉與衣冠厚遺而遣之自是諸部土官相率來降又言西邊軍糧民間轉輸甚勞而綿布及茶可以易粟給各備軍士令其自相貿易庶省西民之勞從之正始至其兵不多城邑空虛人骨山積將士見之咸欲棄去正語之曰受命同出今旣至此無故

棄去一旦戎狄寇邊兵誰禦之民被其害則吾與若  
死亡無地雖妻孥不得相保與其死於國法無寧死於  
王事於是衆感激自效河州遂爲樂土尋置西安行都  
指揮使司于河州陞正爲都指揮使總轄河州朶甘烏  
思藏三衛九年復姓竊氏會川藏戎爲盜正從鄧將軍  
征有功十一年沐公征西米遣正追襲叛虜朶兒只巴  
獲其羊馬輜重而還十三年兼領寧夏嶺修築漢唐舊  
渠令軍士屯田引河水灌田數萬頃兵食以足十三年  
從沐公征北至上杉擒元平章脫大赤知院愛足部衆  
萬餘人十四年從經畧公主山寨歲其戍卒取全寧四

部十五年改四川會河西土官故元左丞刺瓦蒙藏卜  
等來降唯松茂等州西羌未附正調兵討之擒賊首楊  
知府十九年改雲南二十一年百夷據險作亂賊將刁  
思郎等聚衆十餘萬驅象百餘拒敵正率兵從沐公進  
戰斬其二將賊衆奔潰盡獲其象而未幾東川蠻反而  
走兪龍海舊西等山寨亦據險作亂正從討平之二十  
五年西平侯卒詔授左都督代公以之命爲平羌將軍  
總陝西四川兵討階文千戶張者之亂平之二十八年  
正月從奉 上往洮州打魚溝等處元平齊寇三月還京  
卒弔祭擢其子指揮使忠恕爲都督會事


都指揮使花公

公名茂巢縣人元季起兵從陳世光丙申三月歸附癸卯援安豐敗張士誠兵從滅陳友諒甲辰平武昌授百戶累功洪武八年陞指揮僉事十三年調廣州左衛勦平陽壽等縣叛賊收捕諸縣山寨十五年討海南叛蠻出海捕倭十九年平東筦龍川興寧南海香山翁源民亂二十年陞廣東都司指揮同知夷電白等賊二十一年破歸善等縣賊寨二十二年陞本司都指揮僉事晉都指揮同知賜誥世襲廣州左衛指揮使是年擊南海香山黃連等寨二十四年勦廣西湖廣等處徭賊三萬



餘二十六年正月致仕 上命其子為東勝右衛指揮  
僉事茂仍蒞事四月統軍蕩滅東莞筭岡等處二十七  
年上言請徙沿海逋逃蛋戶為兵又奏添設沿海依山  
廣海碣石神電等衛所二千四處築城濬池收集海島  
隱料無籍等軍仍於要害山海議立堡撥軍屯守詔皆  
從之二十八年征捕黎賊明年入覲 上慰獎之且曰  
爾回令次子英來朝朕將用之六月茂回捕獲寨賊鄧  
佛庵等七十五人即遣英赴京十一月陞本司都指揮  
使明年命英為廣東都指揮使事與張瑄等討賊有功  
黑面等地方等四月茂卒葬英武人曰茂

軍功陞本司都指揮使永樂中累建勲後致仕



皇明開國臣傳卷之六

臣朱國禎輯

太子少保尚書唐公

公名鐸字振之虹縣人自幼端重有遠畧 高皇起兵從守濠州取和陽渡江定都皆與有勞庚子從討江州授西安縣丞召爲中丞勾管出知延平府洪武三年入爲殿中侍御史四年御史臺進憲綱四十條 上諭鐸元時任官但重本色人廷臣產南方者不得入風憲若耳目得人自無壅蔽何間南北鐸對曰臣聞元朝以四方多事命廷臣改憲職巡撫初出人皆驚動旣至略無


能爲民間相與語曰遣使宣撫問民疾苦來如震雷去如敗鼓至今羞之 陛下重風憲明正法度所以安百姓興太平也未幾出知紹興府七年陞刑部尚書卽改太常卿內艱賜半俸十三年召爲兵部尚書十六年改諫議大夫官係初設 上仍諭以好惡公私之說孜孜奉職好不得容尋坐事降御史上言致治在於任官任官在於得賢宜選德行廉能京官徧歷郡縣訪求賢才體察官吏又於見任官內遴選歷練老成兼儒吏名望隆重者居布政按察之職庶能鎮靜一方民安盜息而治化有成矣從之十八年陞副都明年復爲刑部尚書

錦衣衛凌虐罪囚 上命焚其刑具以囚送刑部公深  
厚慎密靖廉不妄取予 上每以故舊遇之時諸卿中  
詹徽以才勝公以德勝然不動聲色而政務修理人尤  
愛之 上嘗曰二人性行不同下人事之亦異徽剛斷  
嫉惡不容奸偽役吏髮蓬面垢容愁肌瘦不異羈囚以  
不得肆其貪故若是鐸始友及臣至今三十四載交不  
知變色口不出惡聲德有餘而才稍不足屢被小人誣  
誤當刑者數矣朕深知其德曲宥弗罪奸人忌徽剛則  
謗訕滿朝鐸守官不得嘗議又謂懦而無爲一切文移  
計稟皆舞文弄法欺鐸賄賂公行鐸無可奈何嗚呼聽

明決斷者以爲刻漏德薄誦者以爲迂人之心不古若此二十一年改兵部尚書凡各軍逃故者編冊送部查取不得多差人勾攝二十四年置詹事院正三品上謂吏部侍郎侯庸曰朕觀歷代賢明之君其於輔導太子必擇忠正賢良之士體甚尊嚴後世若唐太宗爲子擇師如李綱之徒直言正義頗有裨益今設東宮詹事統領官屬衆務前兵部尚書唐鐸德量充然兼通儒術其改秩仍食尚書祿本年致仕二十五年復起詹事尋加太子賓客太子少保上深慰諭謂共事者久夙夜左右資弼良多凡朕事天子民一有未至務在盡言二

十八年使龍州諭降趙宗壽還復出參楊文軍事經畫  
守衛撫輯蠻獠所至帖然回京三十二年卒年六十九卹  
賻最優蓋終始保全文武舊臣中未見有及者第錮散  
騎舍人直宿衛





起居注范公

公名常字子權涿州人宋青山先生孟申孫也嗜學淹  
貫古今夷粹無競篤於行義 高皇兵克滁召見且問  
天下惡乎定常曰常聞之得天下有道在得人心夫好  
生惡殺天下人人之心今四海擾亂民鯁鯁懼不相保  
主公能以除亂救民爲心不妄虜戮燔燒俾令按堵內  
陳精銳之士半從軍半乘城且擇寬厚長者牧字之使  
得耕守不爲他盜攻劫則四方之人雲合霧集天下不  
足定也 上悅禮遇之從克和州常見諸將暴橫擾民  
言於 上曰使人捐棄骨肉肝腦塗地何以成大事主

公當有以處之

上卽召諸將切責凡軍中被擄婦女

悉遣還民大悅

上問輿論兵常曰古者寓兵於農今

兵興宜有制所下郡縣雖田野之人豈無材勇宜精加  
簡閱爲伍各設長貳典司之耕作隙則習肄毋懈事平  
之日聽其爲農如此則不煩坐食精兵可得數萬以戰  
則勝以守則固其亦行古之道也一日上以羣雄未

一命爲辭臚帝辭有奉天征討慮弗合於天心等語甚

稱上意命典兵牘旣謀取金陵及渡江克太平授元

帥府都事丙申三月定建康皆預謀議卽命爲太平知

府募民種藝時兵亂之後乏種官廩有殺數千石常請

於朝悉發貸之至秋大稔私廩既實官廩亦充乃興學較延師儒民甚安之上嘉其績召入爲侍儀訪以時政及古今事宜常直對無隱又嘗紀滁和事蹟上之上悅洪武元年四月擢爲翰林直學士尋兼大常卿禮樂之事多委之病謝去徵詣闕仍前職列坐賦詩先成以獻上笑曰老范之詩質樸而無華類其爲人尋遷起居注足疾數在告賜安車出入尋允致仕御制詩四章褒獎之賜宅於太平門遂家焉常每自稱瑯琊山人或問曰山人隱者之稱也今君朝夕在天子左右爲侍從臣奈何用此稱曩然應曰士各有志吾今雖忝

列從抑鄉土之念誰能忘之犬馬之齒且益衰暮天  
子倘賜矜憐首丘之願可終遂矣山人之稱固吾所以  
志也未幾卒子組行修潔官至雲南叅政終於任從子  
震材武立戰功累官都督僉事

太守李公弟真 附真貞

公名習字伯羽太平人通諸經攻性理之學以閎博爲學者所宗才負經濟元時以南人見擯斥然亦好隱遁不自炫鬻延祐初游京師館元明善家代述作甚多禮爲上客四年領京師鄉薦試渾天儀賦士皆闕筆習能記其詳鋪敘燦然授書院山長間僑居廣陵與張仲舉高季淵李五峯並暮往來唱和乙未天兵克采石習同陶安梁貞貞字叔亨紹興新昌人至元中入國學瑞慈寡言時之碩儒多愛之由國子伴讀授太平路教授上克太平貞與諸儒迎見所言輒援詩書有根據上悅之引爲行省都事遷湖廣僉事兩浙都運鹽使拜國子祭酒太子賓客日侍太子讀書大本堂尋坐事故歸卒於家

太等奉迎駐蹕太

平遂擢爲本府知府廉能公謹精於治體均平徭役民受其惠吏不敢欺未幾以疾卒官年八十餘范常繼爲守郡以大治方兵事棘上倚爲根本不輕授也習有鄉曲之譽別號雲觀第異字仲羽中浙江鄉試與習齊名江左目爲二李太守薛超題其坊曰雙桂吳萊謂伯羽之文簡密嚴奧一辭弗苟仲羽之文豐腴縟麗五采爛然劉琦謂伯羽之尊嚴如雲峯千仞嶄然特時人莫敢褻仲羽之溫粹如藍田美璞光輝外著天下共寶之其學行爲時彥所賞如此及門授業者百餘人若進士爲誠貢士陶安其尤著者也漁于莪溪吟詠歌行有莪

漁小菴樵于湯沙稽考制度有沙樵雜抄又有橄欖集  
五卷行于世橄欖者產于南而北方不食野人食之始  
惡其澁而終樂其甘名集之義如此詩冲澹典則思致  
幽深誦之使人有倉卒不能窮之趣





侍讀學士潘公

子黼

公名廷堅字叔聞當塗人先世多業儒有名江左然皆  
隱居不干祿仕至廷堅天資穎拔學問老成教授鄉邦  
元時用薦爲富陽教諭乙未上至太平奉迎擢本府  
教授明年取金陵改爲中書博士庚子除金華同知壬  
寅拜侍讀學士年老致仕洪武四年起主會試得俞友  
仁等一百二十人公爲人慎密謙恭未嘗有過爲一時  
所重詩文皆可觀子黼

子黼

黼字章甫幼穎悟絕人總角時父與談鄉邦精神文賦

開元二年  
卷二  
模楷典則輒能強識博記比長師事陶安託交于李淮  
兄弟初授太平府教授改金壇主簿未幾擢起居注丙  
午除中書左司都事丁未拜江西湖東按察使年未及  
四十會修大明令爲議律官洪武元年卒諡爲人肖父  
而文章清雅過之一時所作序碑傳贊皆散失不存子  
孫相承所執象笏至今存焉

太守王公

公名宗顯和州烏江人少業儒博涉經史元季避亂僑居嚴州戊戌胡大海克嚴州得宗顯禮遇之及大海克蘭谿進攻婺州不克回蘭谿築城守之留幕下是冬

上親征婺召見

上曰爾與我同鄉

時有馬世熊與單胡夏三姓皆以同

鄉從上兵間上以四翁稱之且謂擾攘之際鄉里無知者或從張或它往皆已敗滅獨不棄寒微挺身率衆來從溪可嘉尚世熊爲管田使有疾賜勅勞之

正濟所用命潛至婺城察聽

事體其語甚密至婺近城五里止舊識吳世傑家察得城中守將各自爲心回以告上甚喜曰我得婺州令

汝作知府進攻首敗石抹宜孫所遣援兵次日城猶未

下樞密院同僉審安與守將帖木烈恩不和果如公所  
察夜遣都事李相繩城詣 上請降開東門納兵如約  
入城遂克之置分省等衙門改婺州爲寧越府以公知  
府事於是開郡學延儒士葉儀宋濂爲五經師戴良爲  
學正吳沉徐原等爲訓導時喪亂之餘學較久廢至是  
始聞絃誦之聲無不忻悅未幾卒 上遣使祭之時有  
王與宗者隸也拔知縣事李善長李文忠皆諫 上曰  
與宗從我有日勤廉而所能儒法吏莫或先也秩滿陞  
南昌府通判嵩州知州僉院任亮集民爲軍與宗上奏  
曰有九末世聚則兵散則民明與軍民兩分若皆爲軍

何所徵賦

上曰昔陸懷慶知府朝京時

上問養蠶

種田官吏至興宗曰府主公勤不貪不須問還郡中道  
使知蘇州三年盛名政 陞河南左布政請闕辭 上  
曰久不見爾老矣其鬚亦白賜宴鈔撫遣之



東閣大學士吳公

附朱廉徐原秦約

公名沉字濟仲蘭谿人父師道字正傳元禮部郎中有文學守宋儒家法宋濂碑有貞文議沉克負荷累辟爲

縣學訓導不就

高皇取婺州改爲寧越府王宗顯知

府事辟沉及朱廉

廉字伯清義烏人少刻苦勵志淹貫經傳悉領要義受學文于黃文肅潘

遂以文章知名既應辟師道尊嚴人皆式之浙東行省右丞李曹公開鎮嚴州尤加禮敬我長鈞臺書院未幾外畧洪武三年詔修元史聖朝日曆起爲纂修官書成授編修八年乘輿巡幸中都扈行至中都進詩十首

上覽喜曰佳詩朕爲汝和有頃召廉賜和詩六首當時以爲榮旣而授經楚府尋陞長史久之病牘致仕歸窮經講誦探研聖學嘗取考亭語類摘其精義名曰理學纂言其爲文謹嚴指密有文集一十七卷

徐

原原字均善蘭谿人少受學於貞文先生博覽羣書詩文俱有名所著五經講義強學齋文集數卷爲士林



所重教十有方上即大位召至京欲用之以老辭歸  
典福建江西考試其文學與流相伯仲政要及元綱日  
皆稱其有功學校云主教事洪武十二年以儒士舉誤上名曰信

仲既除翰林侍制謂修撰王鑑

一日王釐

曰名既誤冒昧不

更是欺罔也繳以國法方嚴恐觸上怒止之不聽

告改正上曰是誠格人遂蒙眷遇數召入議論未幾

奏對錯誤降編修十三年復侍制甲申復降編修薦教

授童異

一日

儒士吳順

一日

遣使徵之十四年給事中

鄭相奏言尊無二上稱臣於東宮並尊非體公駁曰國

之大本尊安得有異上從之十五年降涓源教諭未

行留為翰林典藉十一月晉東閣大學士上將享

太廟致齊武英殿召公等誦之曰古聖賢垂訓立教大  
要有三曰敬天曰忠君曰孝親君能敬天臣能忠君子  
能孝親則人道立矣其言散在經傳爾等宜摘要領類  
編三事爲書十六年書成賜名精誠錄命公撰序進講  
周書 上爲分別君子小人言任禹稷必去四凶用孔  
子必誅正卯公頓首以去邪勿疑對八月進講後期降  
侍書尋改爲國子博士時方興文事公獨謂兵不可廢  
每云武經七書多依托之言惟司馬法與孫吳爲可信  
昔者齊威王使其大夫追論古司馬兵法附以穰苴之  
說所傳非全書宜孫吳之盛行也聖人之兵昭文德而

威不軌所以生人非殺人禦亂非爲亂尚義非尚詐乃  
曰兵詭道也非其本意遂纂易詩書論孟詞義涉戎事  
者定爲五篇一曰兵象二曰兵用三曰兵禮四曰兵詩  
五曰兵訓總題曰六經師律家食時已草創及官成均  
與諸生訂正傳之崑山秦約約字文仲先惟安人後自  
崇明遷崑山父玉字德卿  
業儒有至行門人私謚孝友先生約至正間官崇德州  
教授洪武初應召試真獨放拜禮部侍郎以母老辭歸  
再徵入京上疏乞復書院書堂義學守令之選另立一  
科四十歲職百戶舉代郡邑三年造冊與諸書同進以  
備國史採擇釋上悅以爲年老難任繁劇授溧陽教諭  
與史練則成作制吳況薦公宿學遺老合在館閣不報  
在溧陽入作請老歸卒文章務求理勝而詩尤工張路  
公貢師泰尤所推重所著詩文口無海集刊有師友話  
言樵史補遺孝節錄  
詩話善聞崇明誌

見而歎曰文武一貫有功世道之

書也十九年七月以老疾致仕卒公富蓄遠覽志負經  
濟三進三黜而無■溫嘗著辨言孔子封王爲非禮自  
是布政夏寅祭酒丘濬皆主其說并欲去謚至嘉靖中  
乃行之而用王禮如故



文淵閣大學士朱文恪公

公名善字備萬豐城縣人父隱號濤峰先生宋濂有志  
銘善少聰穎十歲能文通四書五經大義祖洞雲先生  
嘗曰是孫必爲令器壯年以經學授徒壬辰兵變隱居  
惟聖賢道學爲己任所著有詩經解願輯釋史輯等書  
奉繼母孀盡孝壬寅亂劇扶母逃竄皆得免 上平天  
下開設學較豐城舊爲富州州守強憲中舉爲訓導南  
昌守許方延至郡聞於 朝授教授洪武八年召赴京  
廷試諸儒居首授翰林修撰署院事知制誥逾年奏對  
失旨謫戍遼東無愠色日賦詩寫懷有遼海集未至賜


還鄉語子逢掖曰汝力耕以供賦役我取汝祖所著皇  
極經世等書考證以傳庶不墜先業十七年召爲翰林  
待詔時方革胡俗嚴婚禁民習舊多犯法上疏論婚姻  
律曰國重世臣家重世婚今民間婚姻之訟甚多非姑  
舅之子若女則兩姨之子若女蓋法不得爲婚以故讐  
家詆訟或已聘見絕或既婚復離或成婚有年兒女成  
行有司逼奪使大婦分離子母永隔冤憤抑鬱無所控  
訴悲號道路感懣人心議律不精禍乃至此按舊律尊  
長卑幼相與爲婚者有禁若謂母之姊妹與己之身是  
謂姑舅兩姨不可以卑幼上匹尊屬若已爲姑舅兩姨

于彼爲姑舅兩姨女無尊卑之嫌爲子擇婦爲女擇婿  
古人不以爲非成周之時王朝所與婚者不過齊宋陳  
杞四國而已故當時稱異姓大國曰伯舅小國曰叔舅  
其世爲婚姻可知至於列國齊宋魯秦晉亦各自爲甥  
舅之國後世如晉之王謝唐之崔盧潘楊之陸朱陳之  
好皆世爲婚媾其顯然可證者如溫嶠之玉鏡臺以舅  
之子娶姑之女呂榮公夫人張氏乃侍制張昱之女侍  
制之女卽榮公母申國夫人之姊也今江浙此事尤多  
以致訟獄繁興賄賂公行風俗凋弊願以臣章下羣臣  
議弛禁以通人情別族以明世教 上是其言嘗論以



好惡智識及虛心誠心之辨頓首稱善十八年較禮闈  
陞文淵閣大學士 上御文華殿進講心箴又言致治  
在任人今天下太平惟選用賢才宜留聖慮他日講家  
人卦皆稱旨尋遘疾賜告九月卒年七十二正德中謚  
文恪是時上海令思誠博雅宏粹少負文名洪武十六  
年以耆儒徵授文華殿大學士賜勅致仕其辭曰朕觀  
古人有志之士雖髮白氣衰心猶不怠故能善其始終  
垂芳史冊卿懷才抱德志肩古人朕甚嘉焉惜乎年迫  
暮暮志雖存而力不能任朕不忍復勞特令卿還鄉以  
撫子孫享其奉養時又有鮑恂崇德人全詮安吉人張

長年高郵人張紳登州人俱年七十餘禮部主事劉庸  
薦恂等明經通達治體遣使徵之恂諱長年先至上  
見之甚喜賜坐顧問退就館一日俱命爲文華殿大學  
士恂等固辭上曰朕以卿等年高故授此職以輔導  
太子爾免卿蚤朝日宴而入不夕當從其志庶不負卿  
等平生所學而鄉里亦有光矣卿等何辭焉恂等復固  
辭翌日放還紳後至以爲鄆縣教諭恂字有孚純心篤  
行好學能文耕桑自食不求聞達嘗受易吳澄元省試  
第一温州學正著有大易傳義西漢集



武英殿大學士吳公

公名伯宗本名祏以字行江西金谿縣人父儀字明善元季薦於鄉世稱東吳先生講學受徒隨資器訓迪多所成就尤深於春秋著三書曰禪傳曰類編曰五倫辨義既深密詞尤雄噶言世有楊子雲其將好之矣性剛正篤實以孝弟爲先而將以平恕士皆歸之壬辰寇起集鄉黨自保得免於難入國朝太守聘起之力辭卒年六十五教伯宗十歲能文見者歎曰此兒玉光劍氣終不可掩洪武庚戌鄉舉第一其年府判官王覲夢城中迎狀元歎曰必吳氏子明年辛亥中會試三月乙酉

朔俞友仁等一百二十人廷對 高皇親製策問詢以古帝王敬天勤民之道公條答稱旨擢第一人時初開科取士 高皇得之儀觀儼恪應對明辨喜甚賜袍笏冠服授承直郎禮部員外郎與學士宋訥同修日曆胡惟庸方用事羅致庭臣入其黨公亢直 爲屈惟庸中 以事謫居鳳陽上書論時政并言惟庸專恣不可獨任 上得奏卽召還賜衣鈔使安南得馴象方物以獻除國子助教十二年進講東宮首陳正心誠意之說 皇太子嘉納明年改翰林典籍 御製十題命賦立就詞語峻潔 上大稱賞曰才子也賜織錦衣十四年陞太常

寺丞明年爲國子司業皆辭不拜忤 旨貶金縣教諭  
至淮安召還爲檢討壬戌初設殿閣學士以爲武英殿  
大學士十六年第仲宴爲三河知縣薦舉不實公爲所  
累復降檢討十七年坐文字進不以時謫雲南卒公博  
學能文詳雅不苟合屢獲譴無所悔所著有南宮使交  
成均玉堂三集



尚書大學士劉公

公名仲質字文質分宜縣人好學博通經史洪武初爲  
宜春訓導薦入京奏對稱旨擢翰林典籍十二年較  
正春秋本末十五年拜禮部尚書四月論曰孔子明帝  
王之道以教後世使君君臣臣父子子綱常以正彝  
倫攸敘其功參乎天地天下郡縣廟學並建而報祀之  
禮止行京師豈非缺典卿與儒臣其共定釋奠禮儀頒  
之天下學較令以每歲春秋仲月通祀孔子丁巳上  
謂仲質曰國學新成朕將釋菜令諸儒議禮議者曰孔  
子維聖人臣也禮宜一奠而再拜朕以爲孔子明道德



以教後世豈可以職位論哉昔周太祖如孔子祠將拜左右曰孔子陪臣不宜拜周太祖曰孔子百世帝王之師敢不拜乎遂再拜朕深嘉其明斷不惑左右之言今朕有天下敬禮百神於先師之禮宜加尊仲質乃與儒臣定議上服皮弁執圭詣先師再拜獻爵後又再拜退易服詣彝倫堂祭酒司業博士助教進講賜坐侍臣以次列於東西講畢宣諭學官諸生而還明日祭酒率學官上表謝 上從之十一月奉 旨條學規一十二款合欽定九條梓行頒賜師生本月奉命頒劉向說苑新序於天下學較令生員講讀十一月戊午做宋殿閣大

學士之制以仲質爲華蓋殿大學士宋納爲文淵閣大學士吳伯宗爲武英殿大學士吳沉爲東閣大學士上親製誥文賜仲質曰朕閱宋書見尚文之美崇儒之道廓焉且當時諸儒皆以賢德輔景運三百有奇今特倣宋制殿閣之名必期近侍有補文並歐蘇爾仲質才頗稱任授以華蓋殿大學士奉議大夫爾往欽哉未幾坐事降御史後以年老致仕仲質爲人篤厚文多質實如其人詞林記誤作邵質卽仲質云

025-522

翰林學士朱公

附張桂

公名升字允升休寧人後爲歙人幼師陳櫟剖擊問難多所發明櫟深器之至正癸未偕趙沔從黃楚望講道明年歸作經書旁註是秋登鄉試內艱後四年戊子省授池州學正田歲入富于他學官吏蠹食既至會計出入盡去宿弊以身立教士皆興起秩滿南歸斬黃之兵已至徽矣避兵奔竄往往閉戶著述不輟越五年丁酉大明兵下徽被旨召見上問之對曰高築牆廣積糧緩稱王上嘉其朴遂參密議尋辭歸吳元年丁未徵拜侍講學士知制誥同修國史上親製誥詞有曰

眷我同宗之老實爲耆哲之英於開國諸公好得其實

無何  學士張樞

樞字子經寧波奉化縣人束髮受書卽知弘前人之業乃撰祀二百卷傳

諸同志又上論遠古遠於高辛下據三史會於有宋述近理剛繁詞比事於通鑑較義於綱目斟酌前編而必不苟同至於尊正統以定大分崇然大義萬世不可易也其紀年則司馬公之補遺其書法則朱文公之綱目猶不敢自比於二公故但名之曰通鑑續編人稱其文核其事詳其旨淵以該謂良史之才 上禮重陞直學士未幾以爲直學士特免朝謁優禮之七月領樂舞生老致仕

入見設雅樂閱視 上親擊石磬命升識五音誤以宮

音爲徵音 上不憚賴熊鼎解之得止洪武元年二月

上御東閣顧謂升曰近觀周禮有所謂六夢者朕嘗感

異夢厥兆維何對曰人之精魄上通於天此 陛下受

命之兆也。軒轅夢游華胥天下大治帝王之興自有天  
命。蓋振古如茲矣。三月命儒臣修女誡。又諭升修齊之  
本。遂受命纂輯。二年三月復命撰齊戒文。是月請老歸  
石門。居梅花初月樓。上親洒宸翰以賜。庚戌卒。年七  
十二。學者稱爲楓林先生。著有易書詩周禮儀禮禮記  
孝經四書小學旁註及書傳補輯諸書傳解行於世子  
同爲禮部侍郎。



尚書司業劉公

附李叔正梁宏陳繼先

公名崧字子高泰和人舊名楚元季鄉舉 國初改今

名七歲能賦詩嘗侍世父夜寢聞雞聲因命為題應口

成一絕末云喚醒人間蝴蝶夢起看天上火龍飛世父

驚歎家貧力學年十六授徒十九游南昌時善賦者李

叔正

叔正初名宗願字克正靖安縣人方孕父母俱夢

與熊以金盤蒸一小兒入內十二以神童稱既長

博通古今人諒陷南昌妻夏投井成遂終身不要兩午

設園子學薦為學正洪武三年告歸已而廷臣交薦謀

以為叔正四年敵至京仍學正遷渭南丞有同州人與

蒲城人爭地連年不決行省委勘立剖若官法嚴意寬

人皆安之遷興化知縣召為禮部員外郎年老乞骸不

許改助教凡三至太學益整厲無敢越佚者遷御史延

嶺表瓊州史詆其守勸之抵吏罪上聞悅而糞之日

人言老御史儒乃明降如是九年擢湖廣參政十年陞



奉政十二年召爲禮部侍郎十四年陞本部尚書七月日本貢使至上都還仍命叔正等後書賁之十五年

卒官年六十四而下稱十才子見其製作莫不推讓復走楚浙

所至觀覽名勝詩道益昌薦授龍溪山長隣至正中舉明經進士捷至適自田中摘粟歸悵然泣下曰始二親篤於訓子奈何今不及見兵燹家蕩覆避地無以爲生國初以薦召見授兵部郎中小心謹畏歷署駕部總部事奉命鎮江徵糧多公俟田土往往掣肘力持平與小民一體輸納歸奏稱旨又往廣東買馬得五百八十四匹又明年往山東點視驛遞驗漂失海船衝冒風雪凡四閱月訖事在兵部幾三載以振職稱祭方丘與吳

蘇宋濂侍從應制賦詩甚見褒賞六年陞北平副使持  
憲繩靜臨之招徠逋逃慰安反側考覈屬官以廉慎爲  
先讞獄必以情典學教士刻石立規考問風俗創文天  
祥祠度驛路衝僻爲之哀損關防鹽引及私販者甚有  
政績坐事爲胡惟庸所中輸作京師尋放歸十三年惟  
庸誅 上手勅召拜禮部侍郎稽古典禮 上嘉之以  
文學雅正屬以撰述學士宋景濂見而歎曰此司馬遷  
之文今未有過者而于詩則尤所遜服四月攝吏部尚  
書時鄧陸讓以察爲明一處以寬銓次有方藻鑑不爽  
五月灾異致仕十四年三月起尚書李敬爲祭酒公爲

司業令朝夕繼見燕語移時四月得疾猶強坐訓諸生  
曰 天子遣崧教國子將責以成功而遽死乎卒年六  
十一 上爲文命御史唐壽諭祭公所居室敝半覆以  
茅家有田五十畝皆館授時所置後居官未嘗有所增  
益在北平時身所覆被亦館授時物也嘗爲鼠所傷始  
命更置其故鼠傷者仍命補葺以衣其子歷官十一年  
未嘗以家累自隨嘗攜一童子到官亦遣還每夜孤燈  
一榻讀書不輟五更衣起坐待旦當赴北平時始盡  
支職方俸廩易得白金九十兩封託鄉人及歸往取其  
人已用之止餘封紙亦不復問爲人雖溫顏異詞而見

者標以敬問學之功者而彌篤在太學識拔梁宏

宏字

南海人少穎氣被選為弟子員貢入曾監以學行知名

司業劉崧試其文稱爲奇才同館蒙由道輩莫不推重

居二載乞假省親方孝誦爲南士之說

贈之歸廣州後開長安兵變遂不復仕其甥陳繼先

繼先

字仲述泰和人國初家毀於兵存者惟母及弟姑之夫

劉尚書崧來撫諭使學遂往受業焉雖貧約僅自立而

氣崖高邁肆力古學靡不究覽文筆沛然渾厚浩博洪

武乙丑進士授御史按事出西閩海時天下失獄多籍

於京師又高皇矜慎稱旨實難獨公所訊不用威

而得請憲臺筆疏多出其手暇輒爲文自娛士大夫談

其不識皆解爲陳古文而不名也然多散失存者五卷

洪武甲戌歿於官坦夷簡質他人巧投曲中又不能入

終始一節

未嘗少變

之學皆本於公與人言未嘗及官政歲儉姻

黨族人不能自養者輒賜給之手筆子史醫卜地理等

書六十帙北平八府志書三十帙北平事蹟一帙詩文

開卷目録  
三十餘帙而職方集行世

侍郎司業張公

公名智字玄略延平府順昌人元末父昇元以神童薦補太學授秘書郎五遷至江西儒學提舉智生而聰穎讀書過目成誦群兒爲嬉戲之事必正色端謹如老成人待父學於南昌長益勵志問學嘗慨然歎曰采玉必於崑山拔珠必於滄海爲學豈可不出戶庭哉卽挾策入元都交當世名士用薦入國學四方兵興以才出參閩省機務省臣承制授智同知新喻州知事不可爲退居建陽窮搜博覽沛然有得洪武戊午明經薦爲夷陵州學正凡九載艱歸辛未服闋入朝尚書趙勉言其學

行拜禮部詠左侍郎卽首言宜以書籍頒布北方學較  
議者以費財不便正色曰使賢才彙征利益生民何惜  
此費 高皇聖學超傑以尚書咨羲和惟天陰騭下民  
二簡蔡沈註誤嘗問羣臣七政左旋然乎答錄與權仍  
以朱熹新說呈 上曰朕自起兵迄今未嘗少置步覽  
焉可循儒生腐談因命智與學士劉三吾等改正爲書  
傳會選刊示天下學生曰凡前元科舉尚書專以蔡傳  
爲主考其天文一節已自差謬謂日月隨天而左旋今  
仰觀乾象甚爲不然夫日月五星之麗天也除太陽人  
目不能覘其行於列宿之間太陽與五星昭然何以見

之當天清氣爽之時指一宿爲主時太陰居列宿之西  
一丈許盡一夜則太陰過而東矣蓋列宿附天舍次而  
不動者太陰過東則其右旋明矣夫左旋者附天體也  
必於五星右旋爲順行左旋爲逆行其順行之日常多  
逆行之日常少若如蔡氏之說則逆行多而順行少豈  
理也哉若不革正有誤方來今後學尚書者天文一節  
當依朱氏詩傳日月之交註文爲是又如湯誥內惟天  
陰騭下民相協厥居一節蔡氏俱以天言不知陰騭下  
民乃天之事相協厥居乃人君之事天之陰騭下民者  
何風雨霜露均調四時五穀結實立蒸民之命此天之



陰陽也君之相協厥居者何敷五教敘五倫明刑以弼  
教保護至治使強不得凌弱衆不得暴寡而各安其居  
也如或蔡氏之說則相協居事皆付之天而君臣但安  
居自若奉天勤民之政略不相與又豈天佑下民作之  
君師之意哉今後當依此說未幾實授是時諸儒多有  
不稱任使至嬰顯僂 上勅智等曰古之儒者務學以  
明體適用窮則忠信篤敬以淑諸人達則忠君愛國而  
澤被天下朕自御宇以來擢用儒士布列百司得人稱  
任而卒少見效良由師道不立故成材罕聞爾禮部宜  
以朕言論天下俾凡爲儒者必恪遵古先聖賢之道以

修已教人毋徒尚文藝云智請首行於太學從之尋奏  
歲貢生員舊制中式者送國子監不中者罪有司停學  
官俸生員罰爲吏今不中者遣還讀書有司教官罰如  
故是生員不率教者無所勸懲也 上命更定不中者  
有司官任及三年論如例二年以下者停俸有差學官  
無分久近罰如例生員廩食五年者爲吏不及者遣歸  
讀書次年復不中者雖未及五年亦罰爲吏壬申 懿  
文太子薨命禮部議喪禮智上議曰喪禮父爲長子服  
齊衰期年又云期之喪達乎夫夫今斟酌其宜 皇帝  
當以日易月服齊衰十二日祭畢釋之在內文武百官

卽日於公署齋宿素服入臨文華殿給衰麻越三日成服詣春和門會哭明日素服行奉慰禮其當祭祀及送葬者仍衰經以行在京停大小祀事及樂至服闋日而止停嫁娶六十日在外文武百官聞喪易服於公署舉哀次日成服行禮停大小祀事及樂十三日停嫁娶三十日其内外文武百官行祭禮者自備儀物 上曰朝廷百官府庫俸祿皆出於民今祭祀儀物令光祿寺供具百官惟致哀行禮餘如議尋以時享在邇令智與翰林院參考古制智等奏曰王制三年不祭惟祭天地社稷不敢以卑廢尊也今定議天地社稷先師歷代帝王

須用樂外惟太廟乃祖先神靈所在國既有喪而時享  
仍用樂恐神不樂聽宜備而不作詔從之居二歲以事  
左遷爲國子學錄尋陞博士建文中陞司業奉 命代  
祀孔子於闕里 文皇帝幸學智講周易賜賚甚厚智  
儀容儼肅多識典故教人以規矩開導獎勸老而弗倦  
丙戌卒年七十二



祭酒宋文恪公

附余旅

吳題

公名訥字仲敏滑縣人父崇祿字壽卿元行臺侍御史  
追封魏郡公贈叅知政事諡忠肅訥承家教矩矱自檢  
性持重齒冑館師友切磋學問該博元至正癸卯進士  
令鹽山兵亂隱居洪武二年中書省徵儒士十八人纂  
修禮樂公與焉事竣不仕而歸五年過元故宮作詩傷  
之讀者知其明於春秋華夷之辨也十三年四輔官杜  
敦薦之召至當上意授國子助教橫經發難擊蒞廓  
蒙學者歸向十五年應制同諸儒撰勅文十六通援筆  
立就上大稱歎拜學士時建太學上辛學博士龔

敦執經祭酒吳顥進講 上喜召公至奉天門令爲太  
學碑賞賚并召其子安賜鈔十錠 上每觀書或論用  
人必與擬議皆稱旨十一月改文淵閣大學士時年逾  
七十 上親製誥詞引尚父與周八百爲比蓋自宋濂  
詹同而後惟公時被召對旣感知遇日有補拾甚見親  
信嘗寒附火燎脇下至膚乃覺 上製文警訥曰脇者  
協也豈爾居內不能協人主至然耶公惶恐謝明年祭  
酒吳顥免官 上簡用公特賜勃以往嚴繩準推恩義  
身言並教寢食學廡不復家宿一時士皆適用 上猶  
慮功臣子弟有不服者以曹國公兼領監事由是貴胄

肅然一日公病遣中使諭卿稟天命之性發仲尼之誠  
施已之幽德修道教人所以病不病而速差以其有神  
也又嘗言宋祭酒骨格必壽命畫工圖像 上問非公  
服坐堂上何以有怒色對一生獻茶踏而碎其甌念臣  
不才失於教敬中心自訟不意爲 陛下所知 上喜  
慰出畫像示之以老召其子進士望江主簿麟侍養十  
八年久雨求直言獻安邊策曰今海內旣康蠻夷奉貢  
惟沙漠胡虜未遵聲教若置之不治則恐歲久醜類爲  
患邊圉若欲窮追遠擊又恐六師往還萬里餽運艱難  
士馬疲勞 陛下欲爲 聖子神孫萬世之計要不遇



謹備禦之策耳備邊固在乎兵食足食又在乎屯田屯田之制必當法漢本始年中匈奴帥十餘萬騎南向欲爲寇漢將趙充國乃將四萬騎分屯緣邊九郡草于聞之引去夫以四萬騎分屯九郡而充國統制其間則當時籌畫區分槩可想見我朝諸將中勇知謀畧豈無如充國者哉 陛下宜選其尤者數人隨其遠近高下立法分屯所領衛兵以充國兵數斟酌損益率五百里屯一將布列沿邊之地遠近相望首尾相應耕作以時訓練有法遇敵則戰寇去則耕此長久安邊之策也又何必勞師萬里求僥倖之功以取無用之地哉 上嘉

納之令邊軍皆屯田著爲令乙丑丙辰兩科 上親策  
士魁選恒在太學得士居天下三之二及任亨泰廷對  
第一召公褒賞命誤進士題名記立於監門學錄金文  
徵畏其嚴與同官田子貞等誣訥罪嗾吏部尚書余煊  
煊字茂本崑山縣人有雋才精春秋之學洪武十年以  
明經授承勅郎十五年進通政司叅議十七年拜吏部  
尚書八月奏唯來朝官明年正旦各造事蹟文冊仍畫  
地土人民圖以十二月二十五日至京惟雲南遠邊特  
免立吏員撥用法煊家故鑄工既貴猶爾余待詔兒  
有鄉飲酒禮序引古無違盛稱之可以興孝弟厚風俗  
爲人長者未嘗譖毀人每進見微有所寬釋居家尤恭  
謹望里門卽下故所往來必自名若未嘗貴者乃爲文  
徵所談 移文令致仕訥陛辭 上驚問知其故皆坐誅  
至此

圖形暴罪勅曰學較教育天下英材之所師者模範根

本官於學者君命也自祭酒而下分所學之優劣辨職級之等差要當起居常道語出人儀文微等不知育才之所模範之源君命之重等差優劣之分交通吏部責緣爲奸誣祭酒訥受賊餓死生員尅落師生廩膳夫其所教生徒或大家公侯子弟父母兄長欲其成才幣帛鞍馬錢物酒殺厚禮於師此賢父兄也彰師之教爲儒者榮孰云賊也生員有疾存問飲食親教之師當告知典簿疾甚者告有司藥餌之不存問飲食藥餌或有傷生親教師當坐祭酒提綱而已乃云餓死生員又云尅落師生廩膳以卑誣尊飭非惑聽庸人不淺仍慰訥復


位二十二年命謨帝王廟及廣惠祠禋文明年正月有疾尚醫來治二月朔疾甚其子及屬官懇請歸家厲聲曰是何風雲氣少男女情多况在丁社兩祭齋戒中耶三日丁酉祭畢昇歸抵暮卒不一及家事年八十上悼惜自製文遣官致祭又遣行人祭于家爲治墳塋故事文臣四品無給喪費者給自公始又官其次子鄉邑訓導復祖爲司業其後辛未太學生有連舉大魁者上曰此宋祭酒訓迪之功也諸生守官稱職者多出公門上每舉爲教國子者法三十年以張顥宗韓克忠署祭酒司業事上因思公坐奉天門論太學生曰宋

訥作祭酒學規嚴肅秀才循蹈規矩向學中用朝廷以  
故得人訥善終朕禮送回鄉葬又令沿途有司祭訥逝  
年老秀才做祭酒懷異心不肯教誨改廢訥學規今年  
少秀才署學事違犯學規重罪投沒頭帖謗師長者首  
人賞銀百兩犯者凌遲沒產正德中謚文恪公家西南  
三里卽瓢子堤忠肅構亭曰西隱公更築白雲茅屋其  
間所著詩文二十卷號西隱集

吳公

吳公名頤字伯昂歸德州人容貌魁偉洪武十五年祭  
酒李敬得罪頤以儒士舉至京特命爲祭酒 上諭以

教法五月己未國子監落成遣官以大牢致祭自經始  
以來 車駕臨視者數次規模閎壯前代所未有也乙  
丑 上親幸謁孔子釋菜禮成退 御講筵頤等以次  
講畢 上諭以儒行儒教中正之道 賜宴竟日而還  
丙寅頤率博士龔敦等上表答謝各 賜羅衣二襲官  
民生許恒等四百三十人各 賜青夏布衣十六年正  
月乙卯 賜頤等及監生沈翥等七百六十六人元宵  
節鈔時武臣子弟有怠於學者頤以寬縱不繩檢免還  
鄉後以疾終於家



司業王公

公名嘉會字原禮嘉興人少博洽負俊聲元末累舉不第客松江爲人溫淳和緩後進樂就講論來者修艇戶恒滿上海令康伯迂見其詩詞敦雅敬禮之引爲上賓時咨文章口非此不能飾吏治然非公不能洗發我心也會詔舉明經應聘至京高皇命賦詩應制稱旨復試其文賞異之除翰林院檢討洪武十五年九月陞國子右司業時宋訥爲祭酒太學生常數千人嘉會與訥及左司業龔敬嚴立楷範三人者春秋已高鬚髮蒼如正衣冠旦夕端坐諸生雲集階下肅然望而畏之以



皇明開國臣傳卷之六 終

是上類率教多所造就吏部取擢輒能共官 上知其

勞眷待殊厚十六年冬以老疾乞歸 優詔調治十七

年七月特賜致仕未行卒於官舍年八十餘 上深嗟

悼命禮部移應天府給舟車還仍命所在官司祭之同

時松江寓公孫作 作字大雅 字次知 江陰人 自曾祖

清尚先生稱之著書十二篇號東家子詞音閱博至正

兵起肇家至姑蘇盡棄他物惟載先世藏書兩麓張士

誠聞而虞祿之以母病滿去用是益貧然畧不為動父

之衆為買田築室家於松江洪武癸丑起築修日曆授

翰林編修官乞外授太平府教授三年選學官除國子

助教明年分教中都又明年還成均又明年陞國子司

業卒著有 滄螺集 先為司業與公最相善人稱曰海濱二老